

# Ekigera ky'Omuntu Atuukiridde

Jeffersonville, Indiana, USA

Okitobba 14, 1962

1 Weebale nnyo ow'Oluganda Neville. Mukama Akuwe omukisa. Kya ssannyu okukomawo nate mu kkuñjaaniro enkyo ya leero. Makya ga "Kitiibwa amalungi" eri mmwe. Nsuubira luno lujja kuba lunaku lukulu gye tuli fenna-nга tuli mu maaso ga Mukama. Enkyo ya leero nfunye essomo. Njagala okutuukira ku ssomo lino, kubanga ... ndowooza nga lya mugaso. Era lya... Okuyamba okukuuma ekibiina nga si kinakuwavu, nga bwe mumanyi bwe tulina okubeera wano akabanga akawera nga n'abamu bayimiridde. Nja kugenda butereevu mu ky'okuyigako.

2 Kale, ekiro kya leero, njagala okwogera ku mutwe, *Omuluñjamya w'Obulamu Bwange*. Nsuubira ng'abangi nabo basobola, nga bwe basobola, bajja kubeerawo ekiro ekyo. Wabula bw'oba ng'olina ekkanisa eyiyo ku bubwo, tuli... Weewaawo, twagala nnyo mubeere ku makanisa gammwe. Buvunaanyizibwa bwammwe okubeerayo, awali omulimu gw'olina okukola, Okusobozesa Ekitangaala kyo okwaka.

Kaakati, tubeera tusuubira ekyo, buli kiseera lwe munaakomawo wano, tujja kuba nga tufunye ekifo ekineneko wano. Wabula kaakati tulina obuzibu mu ekyo, oh, n'awantu awalala wonna. Abakakiiko k'abawanika eby'obugagga by'ekkanisa bekkenneenyenza mu buli kintu. Bakisindike mu kifo ekimu, bajja kukikkiriza; olwo bakisindike ne mu kifo awalala, ne bakigaana. Olwo bakiweereze okukikomyawo, bakikkirize *wano* n'eri. Nga kabadde kaseera kazibu ke twabadde nako! Naye mumanyi, Setaani bulijjo alwanyisa ekituufu. Ojjukirenga bujjukizi nga bulijjo oli mutuufu mu ekyo...

3 Mbadde nneewuunya wa gy'obadde Anthony. Nnalabye ng'osisinkanye kitaawo. Bwe nnatunudde okwetooloola mu kibiina. Yagambye nti wabadde otudde awo. Tusanyuka bwe tuba naawe awamu ne kitaawo wano, ow'Oluganda Milano okuva mu New York. Nga nsuubira ku mulundi guno okugenda emitala w'amayanja, nja kufunayo akaseera k'akasana akalala, nga nvudde mu New York, ebweru eyo awantu awalala Mukama ng'Asiimye.

N'olwekyo tuli basanyufu olwa buli omu ku mmwe. Kiba-kiba kirungi mmwe okubeera wano.

Era twabadde n'ekiseera ekinyuvu ekiro ekyayise, oba waakiri nze. Nnabadde ne... [Ekibiina kiddamu "Amiina." -Omuk.] Ne Isaaya mu Yeekaalu." Era nammwe...

Enkyo ya leero twagala okwogera ku Ky'okuyigako, oba manyanga okusomesa, bwe tuba nga tusobola, "Okuzimba Ekkunjaaniro Eddamu; okuzimba ekkunjaaniro eddamu erya Katonda omulamu, omwo Ye mw'Abeera." Era bwe kiba...

4 Mmanyi nga wano balina okuyimba okwo okusuffu. Wabula kaakati si kuwulira. Ekiro nñjenda kugezaako okutuukira ddala wansi. Mukala wange añjambye ku w'Oluganda Ungren, nzikiriza erinnya lye bwe ly'abadde., okuva emmanga eyo mu Tennessee. Kale, yabadde wano ekiro ekyayise. Enkyo ya leero simulaba wano, wabula nsuubira alina waali. Era njagala okumuwlira ng'ayimba amakya ga leero, bwe mba nga nsobola, olwo *Okukka okuva mu Kitiibwa Kye*, oba *Nga Oli Mukulu*. Njagala okuwulira ekyo. Bameka abaagala okuwulira ow'Oluganda Ungren? [Ekibiina kiddamu "Amiina." -Omuk.] Oh, Nze-Nnyumirwa nnyo okuyimba okulungi. Era Meda yagambye nti ow'oluganda yabadde n'eddoboozi eryo esseneekerevu. Ekinzijkiza muganda waffe Baxter; naye muyimbi nga bwe mumumanyi. *Era Okukka okuva mu Kitiibwa Kye*, oba *Nga oli Mukulu*. Nzirkiriza mmaze okulaba waali kaakati, mmuwa...bwe kiba nga kirungi, ow'Oluganda Ungren ekiro kya leero, bw'oba ng'osobola, okusigalawo? Ogenda kusigala, oba okugezaako okubeerawo olw'okukunjaana kw'ekiro? Kale, Nze...Kale, to...Nze mbabuulira, watya kino, singa ffe... Ssaagala kuleetera muntu yenna kakuubagano. Wabula lwaki nedda, bwe tuba nga tunaasobola mu kiseera *ky'Obubonero Omusanvu*, bwe tunaabubuulira, singa munaaba nga muzze. Njagala luggyibwe ku lutambi, mulabeeeyo okusobola okulufuna, *Nga Oli Mukulu* ate era ne *Okukka okuva mu Kitiibwa Kye* mu kiseera ky'ekimu.

5 Oh, sikuakitalo okuweereza Mukama? [Ekibiina kiddamu "Amiina. -Omuk.] Simanyi kye nnandikoze singa ssaali Mukristaayo!...?...Kirungi nnyo okubeera Omukristaayo. Mmpulira muli okubuuuka n'okuleekaanira waggulu. Okubeera Omukristaayo, Kirowoozeeko, nga bona basimbye ennanga mu Kristo!

Mmanyi nga buli kaseera erinnya ly'omusajja ono ndyatula bubi. Liri S.T. oba T.S oba ekifaananako bwe kityo. Sumners, ow'Oluganda Sumner. Ye... Nze njagala okumwebaza ne mukyala we omutono omwagalwa. Mu kulowooza kwange, kirabika yamala emyezi nga mukaaga, ng'awandiika akatabo kano *Emirembe Omusanvu* egy'Ekkanisa. Era kaakati, tukalina emabega wano, nga kakubiddwa mu kyapa nga kalindiridde okukayisaamu okusobola okutekebwa mu kikula ky'ekitabo, *Emirembe Omusanvu* egy'Ekkanisa. Mwannyinaffe Sumner, wonna w'oli mazima ojja kutuleka tukikusasulire ekyo. Ekyo, kyakubeeredde omulimu omnene. Lwaki, ogwo gubadde mugazi. Kisobola okuntwalira emyezi mukaaga okukiyitamu nga nkisomamu. Nga togasseeko okubuggyga ku lutambi, n'oddamu okubuwuliriza ate n'okubuddamu okusobola okubukolamu ekitabo. Tujja kubutegeka tubuweereze butereevu gye bafulumiza

ebitabo, kubanga tulowooza nti ky'ekintu abantu kye balina okuba nga balina kaakati, okusobola okubusoma nga muyiga. Era Billy abadde ng'ali mu kundaga mu ddakiika ntono eziyise, bwe mbadde nga nkomyewo emabega eyo, nti-nti-nti-bwo-bwo bwawedde nga bulinda kutwalibwa bufulumizibwe. N'olwekyo Mwannyinaffe, ekkunjaaniro liija kukusasula olw'ekyo. Sikisuubira ekyo okukikolera obwerere. Era ne bwe twandibadde ffe...Bwe tunaamala okukifuna okukiteekako omuwendo oba ekifaanana bwe kityo, tuja kussaako omuwendo ng'osobola okufunako akasente buli gye kinaatundibwanga, kyonna kye kiri. Yogera bwogezi n'akakiiko k'abawanika b'eby'obugagga by'ekkanisa, ak'abawanika, abamu ku bo awo, bajja kusobola okukikukwasaganyisa ekyo. Mukama Akuwe nnyo omukisa.

6 Ba nnamukadde abatono ow'Oluganda ne Mwannyinaffe ba Kidd abatudde wano, abali eyo nga mu kikumi oba nga babuzaako katono. Mwannyinaze nnamusisinkanye mu kaseera akayise era n'agamba nti "Kale, kano kayinza okuba akaseera akasembayo nze okukulaba ow'Oluganda Billy." Ng'agamba nti "Nkaddiye nnyo."

Ne ndyoka njogera nti "Oh, owange! Nze ssaagala kukuulira ng'oyogera otyo. Mulinga maama ne taata abakadde." Twagala ow'Oluganda ne Mwannyinaffe ba Kidd. Ffe, buli omu, abaagala. Era kimala...

Kirina kye kinkolera buli Iwe mbala nga batambula mu kkanisa, mazima bannamukadde abafumbo ng'abo. Nga bwe ndowooza nti baabuulira Enjiri bwe nnali nga sinnaba kuzaalibwa. Kaakati nange ndi musajja mukadde. Yee, ndowooza bulowooza nti baabuulira nga sinnazaalibwa. Kale laba we ntuisse, okulowooza nti nkaddiye nnyo. Nga ndi na mukulowooza okubivaako eby'okubuulira. Bwe ndaba ow'Oluganda ne Mwannyinaffe ba Kidd nga bayingira, "Ekitiibwa kidde eri Katonda! Aleeruuya!" ne njogera nti "Nedda mpulira bulungi." Yee, ssebo. Okubalaba bo, engeri gye basobola n'okukuzzaamu amaanyi.!

Olwo n'olyoka okitegeera, mu myaka eglyange, nga bo bakyagenda mu kisaawe ky'enjiri. Bazze enky ya leero ne basaba obutabo, ova nga basobola okubufuna ne babutunda. Nga baagala entambi basobole okufuluma, basobole okuwangula emmeeme nga bazannya entambi zino mu myaka gye balina kumpi ekikumi. Olwo kaakati, "ebiwawaatiro byo ebibiri" biri ludda wa bye twabadde twogerako ekiro ekyayise? Yee. Bwe ntandika okukirwoozaako, "Ebyange biri ludda wa?" bwe yayogedde nti-nti jjo. Ggwe oli wa myaka emeka, Mwannyinaffe Kidd? [Mwannyinaffe Kidd n'addamu nti "Kinaana mu gumu." -Omuk.] kinaana mu gumu. Olina emyaka emeka ow'Oluganda tom? [ow'Oluganda Kidd n'addamu nti "Kinaana mu ebiri." -Omuk.] Kinaana mu gumu ne kinaana mu ebiri eg'yobukulu, nga bakyasobola okukozaesa ebiwawaatiro byabwe, bakyagenda mu maaso nga bakola.

7 Bwe wabaawo ekitagenda bulungi mu Ohio, Mwannyinaffe oyo Kidd abeera amanyi, ng'atukubira n'essimu awaka ng'atubuulira. Luli yakuba, omwana omuto, nzikiriza, omwana omuwala omuto, bwe yabaddde ng'azaaliddwa ng'ebiyenda biri bweru. [Mwannyinaffe Kidd n'agamba nti "Akawago." -Omuk.] Akawago, nga kali bweru. Nga n'omusawo tamanyi kya kukikolera, ate ng'aty a n'okumulongoosa. Twasaba. [Yalongoosebwa, ow'Oluganda Branham, ne kizzibwayo munda, kubanga baagamba nti 'yali tasobola kuba mulamu.' Bazzaayo buzzza byenda bye munda."] Ne bazzaayo ebyenda munda na kulongoosa nga balowooza nti tajja kuba mulamu. Kyokka n'aba omulamu. [Nga talina w'afulumira."] Tewali w'afulumira olw'okuba... okuva mu kyenda ekisembayo emmere okusobola okuyitamu. Mwannyinaffe Kidd n'addamu n'akuba essimu. Ne tuddamu ne tusaba nate, kaakati alina w'afulumira obulungi. Era wuuno wano, ng'omujulizi; n'omusawo naye. Mulaba? Bujulizi obulaga nga Yesu Mukama, Omuronzi ow'amaanyi! Mulaba kiki Setaani kye yagezaako okukola? Kusalako bulamu bw'omwana. Ate era, mulabe, nga nzikiriza n'omukyala yajja eri Mukama. [yadda eri Mukama, butereevu mu nnyumba yange." Yadda eri Mukama. Mwannyinaffe Kidd yamukulembera eri Kristo eky'amagero kino ekikulu bwe kyamala okubaawo ku mwana we.

8 Nnafunye essimu okuva mu California jjo, omuweereza omuto oyo gwe nnasooka okubeera naye bwe nnali mu California, emyaka egiyise. Omuzukkulu we omulenzi yazaalibwa ng'alina ena... emisuwa esatu nga gizibikidde mu mutima gwe. Ne mmubuulira ku nsonge eyo. Ne njogera nti, "Katonda oyo eyasobola okutonda ebyo n'Abizzaawo era n'Abitereeza, Asobolerera ddala, okuwonya omuzzukulu wo." Omulenzi mugambe abeere w'amaanyi.

N'omulenzi yaliyo mu lukanjaana Iwe nnasooka okubeera mu California, wayise emyaka kkumi na munaana, emyaka kkumi na mukaaga egiyiseewo. Era nnali mu California. Era ye... Olukanjaana olwo lwakwata omulenzi omubabiro okutuusa Iwe...Bwe baafuna omwana ng'azaaliddwa nga waliwo ekintu ekyali ekikyamu, kyali kya Kibululu, ne bagezaako okufuuwamu omukka ogw'okussa, na buli kintu. Ng'alabika tagenda kusimattuka olwo n'abasawo olwo ne bamwekebejja, ne basaanga ng'emisuwa esatu mu mutima gwe gyali gye ggadde. Tegyalimu wadde awaggule, mulabe nga waliwo omusuwa gumu gwokka ogukola. N'alyoka ayita kitaawe, n'agamba nti, "Taata, kubira ow'Oluganda Branham mangu ddala. Ebyo byonna bimugambe..." "Asabe Kristo. Ajja kukikola." Ekyo bwe kiri. Oh, abange! Okwo kusendebwa, n'ekyo kye balaba, mulabe ng'ekyo twakyogeddeko ekiro ekyayise. Ekintu ekituufu mu kiseera ekituufu.

9 Kale, tugenda mu maaso nga twogera, tetuyinza kukifuna mu ky'okuyiga, si bwe kiri? Biringa akaloddo

akava mu sukaali ku mpewo y'okumakya, nga bwe biba bikutte nga bwe mumanyi, nga bye nywerezza wamu. Tuli basanyufu okuba n'okukunjaana okufaanana bwe kutyo. Yee, ssebo.

N'olwekyo, kaakati, tusirikemu okusobola okutuuka ku ssomo lyaffe. Lye tugendamu oba oli awo... simanyi ng'ekyo musobola okukiraba, oba nedda, ku lubaawo. Oba oli awo bwe ndukyusaamu *bw'enti* mu kaseera akatono, olw'ensonga, tujja kuba tusobola, kaakati, oba abamu ku mmwe, oku... [ow'Oluganda Edgar "Doc" Branham agamba, nti, "Oyagala awalambiddwa ku Iwo.-Omuk.] Ogamba ki? [Oyagala awalambiddwa ku Iwo?] Nedda, sikirowooza bw'entyo, essaawa eno, Doc. Oba oli awo katono mu. [Ku ttaka ddala, nsobola okussaako akalambe?] Kale, tujja-tujja kukikola ekyo bwe tu... Ofunye akalambe wano? Kirungi. Leka tukyukire ku Iwo. Ab'emabega musobola okulaba? Musobola? Bw'oba osobola okulaba, wanika omukono gwo, bw'oba nga osobola okulaba ku lubaawo, nga musobola okukisoma ekyo. Nedda. Kirungi. Funa akalambe. Nga bwe batereeza kaakati...

10 Nduddewo okutandika enkyo ya leero; oba nedda, nedda nkedde eddakiika nga kkumi na ttaano. Kale nno, tugenda kutwala ekiseera kyaffe, era kubanga Tetwagala kwanguyirira. Bw'oyanguyirira, awo oyonoona n'ebintu by'obadde ogenda okwogera. Kaakati, nnali nga mpuliriza olutambi, luli, nga bwe nnabagamba, nange ne nswala nnyo; nga bye nnali njogera, wabula engeri gye nnali nnyanguyirizaamu nga nkyogera, kyali mu ngeri yakiwuggwe eya waggulu. Mpulira njagala okulindamu. Ky...

11 Nze-nnalaba luli bwe baali nga bagenda okuzimba ekkumiro ly'ebisolo eddene, wakati wa Louisville. Ate Mwami. Brown, nzikiriza nga yali ye, eyawaayo akakadde ka ddoola ku lw'ekkumiro. Kale, singa nnali nzirina nnaandibadde nziwaayo basobole okuta ensolo ezo. Ssikkiriza mu kuggalira kintu kyonna bw'ekityo. Mpulira nga... bwe njenda mu kkumiro ne ndaba ba wansolo abanaku, amalubu, empologoma, n'ebintu, mulabe bwe zitambula zigenda mu maaso nga bwe zidda emabega nga zisibddwa okumala Obulamu bwabyo bwonna, mulabe. Kikuleetera okuwulira obubi. Oluvannyuma Iwa byonna, zikwatibwa okuyita mu magezi g'omuntu oyo omugezi ennyo okuzisinga. Mulaba? Ne bazikwata ne baziteeka mu busibe.

Era buli Iwe nkirowoozaako: Setaani akikola ekyo. Atwala abantu ba Katonda abandibadde nga batambula mu Bwakabaka bwa Katonda, ne mu bisaawe, na buli kintu n'abateeka mu nnyumba ey'obusibe ey'ekimu ku bibiina by'amadiini, oba ekimu ku biyiye, oba ekintu, n'alyoka amusibra omwo. Nga kintu kya mutawaana.

Ate era ssaagala makuumiro ga bisolo, wabula mpulira ng'ezimu ku nsolo ezo, nga mwenna bwe muyinza okuba nga muggaliddwa nga mugezaako okwesumulula, mumanyi, oku-okusobola okufuluma ebweru okubaako kye mukola.

12 Kale, nga tetunnaba kugenda mu Kigambo, leka tusisinkane Nnannyini Kigambo, nga bwe tukotese ku mitwe gyaffe olw'okusaba.

Kitaffe ow'omu Ggulu ow'ekisa, nate tukuunjaanye amakya ga leero mu Linnya lya Mukama Yesu, Omwana Wo ow'omuwendo. Katonda, ng'ayambadde omubiri, yakka mu muntu n'ajja ku nsi, olw'okwewaaayo olw'ebibi byaffe, Ye Omuntuukirivu n'afa; olwo ffe olw'obutuukirivu Bwe abatali butuukirivu, tusobole okifuulibwa abatuukiride mu Ye. Tujja nga bwe tugamba nti Mukama, tetusaanidde. Tewali kalungi konna ku ffe. Nga fenna tuli mu nnyumba y'ekkomera limu eddene. Si nsonga tuyimiridde mu nsonda ki, fenna tukyali mu kkomera. Omu tasobola kuyamba mulala. Wabula Katonda mu kusaasira Kwe mu Butakoma Bwe, Yakka wansi n'aggulawo enzigi z'ekkomera, okutufuula ab'eddembe. Kaakati tetukyali mu kkomera. Tetuli mu kkumiro lya bisolo ery'ensi eno, naye kaakati, tuli ba ddembe. Tuli bweru.

13 Oh, nga tumwagala Ye era tumussaamu ekitiibwa! Nga tusobola n'okutambula nga bwe tuyita mu nnimiro Ye ey'ekisuubizo, nga tubiraba nga bwe birabisibwa mu maaso gaffe! N'amaaso gaffe gennyini, nga tulaba Katonda omukulu ow'Obutaggwaawo nga Yeezingulula mu maaso gaffe nga Yeefuula Ye Mwennyini owannamaddala nga bwe Yakola eri bannabbi ab'edda. Nga tumanyi nti bo baawummula n'obukakafu, nti olunaku lumu tujja kuzzibwayo nate, obulamu buno nga buweddeko, mu kuzuukira eri Obulamu Obutaggwaawo obutagenda kuwotoka. Emibiri gyaffe tegirikaddiwa. Era tetugenda kufa. Tetugenda kulumwa njala. Era tetulibaako kye twetaaga. Wabula tulitambula wamu Naye. Twagala okumuwulira nga bw'Agamba nti "Muyingire mu ssannya lya Mukama eryabateekerwateekerwa okuva ku kutondebwu kw'ensi." Emabega ddala ekibi bwe kyali nga tekinnayingirawo, engeri gye yali ategeseemu, nga Adamu ne Kaawa nga tebaali ba kulwala, oba okuba n'emitawaana. Kaakati, Yabituteekerateekera era yamanya nga twali tujja. Wabula ekibi ne kikola omuziziko omunene, era n'ekibi kimaze okutwalibwa, n'Omusaayi gwa Yesu. Awo nno tusibiddwa eri Ensi ensuubize, n'ekisuubizo kya Katonda ekyo Ekitaggwaawo.

14 Kitaffe, tuwe kaakano omukisa nga bwe tuyiga Ekigambo Kyo. Twetaaga okumanya bantu ba ngeri ki be tuteekeddwa okuba, okusobola okuba Eyo. Tuyambe leero mu ssomero lyaffe lino, ffe tusobole okuba n'Omusomesa waffe Omukulu, Omwoyo Omutukuvu, Ajje wansi okutwebikkulira n'Ekigambo Kye. Tukisaba mu Linnya Lye era olw'ekitiibwa Kye. Amiina.

15 Kaakati, okusookera ddala, njagala mukyukire wamu nange mu Peetero Eky'okubiri, essuula esooka. Njagala okusoma ekitundu ky'Ekyawandiikibwa mu Peetero eky'Okubiri essuula esooka. Kaakati eri ggwe alina akakalaamu ko, n'akapapula...

Era nzikiriza nti njambiddwa enkyya ya leero nti-nti ebiseera ebimu, bwe nkyusa omutwe gwange okuguzza eno, kivumbeeza olutambi. Mazima sitegeeza kukola ekyo. Ate era nzikiriza nti olumu tuteesa n'okulaba nga tufuna akazindaalo akasikira mu bwengula, tukawanike waggulu mu siiringi wano. Olwo nga si nsonga wa wonna w'oli, nga oba bulungi, nga kiba kituukiridde, wonna wonna, ng'akazindaalo kali waggulu wa siiringi.

16 Nga bwe nkyayogera; n'oluvannyuma olw'okusaba kuno, oba ng'oyagala, osobola okukuba akafaananyi kano. Nange nkalina nga kakube wano. Nja kufuba okukatimba awalabika, nga bw'onooba oyagala okukikola eddako ng'ofunye obudde. Keerako akawungeezi ka leero, tusbole okutegeera.

17 Kaakati twolekera *Obubonero Omusanvu*. Twakamaliriza *Emirembe Omusanvu egy'Ekklesia*. Era buno Obubaka bwa kuyigiriza, obusibira omuntu munda, Oyo agenda okununulibwa n'Omusaayi gwa Mukama Yesu, era ng'agenda kubeera mu mulembe gw'Ekklesia ogwo, omulembe gw'Ekklesia Ogutaggwaawo, kunkomerero y'Obubonero. Kale, tumanyi nga tulina Amakondeere Omusanvu, Ebibonyoobonyo Omusanvu, Ebibya, n'ebirala bye tuyingiramu nga bwe tweyongerayo. Wabula tukyalindirira okumala okufuna ekifo ekimala okutuuza abantu.

Kaakati, nze Nnalowoozezza nga kino kijja kwesibira omwo mwennyini nga bwe nnabadde nsuubira. Ssaasuubidde kukuba kafaananyi kano, wabula luli lwe nnali n'omu ku mikwano gyange omwagalwa, Coxes, emmanga mu Kentucky. Bwe nnasereneta eyo, nnalowooza nti oba oli awo olumu nfuneyo kko olunaku olulala okuyigga bukaamujje ng'ekiseera tekinnaggwaako. Era nnali eyo engulu mu kibira ne mukwano gwange, Charlie ayimiridde awo, ne Rodney, muganda we. Ne kaamujje ssaamulabako. Ndowooza nnabukanga bwe Nnatandika okuwoggana nga ndi mu kibira eyo. Bano be bajja gye ndi, abalenzi, ne-ne Mwannyinaffe Nellie ne Margie era bwe nnabagamba nti nja kubabuulira ku Sande nga mbifunye. Abo be bajja gye ndi, ku bubaka bwe nnali njenda okwogerako. Engeri buli kintu kyonna ekirala bwe kyakwatagana omwo! Era Oh, ekyo nkyagala ekyo. Baalina o-omwoyo ow'okuleekaana owa-owannamaddala, engulu eyo mu kibira.

18 Kale nno, leka tusoma, Peetero Ekisooka oba...Peetero Eky'Okubiri, manyanga ekitundu ky'essuula esooka.

*Simooni Peetero, omuddu era omutume wa Yesu Kristo, eri abo abaafuna okukkiriza okw'omuwendo omungi nga ffe bwe twafuna mu butuukirivu bwa Katonda waffe era Omulokozi waffe Yesu Kristo;*

Nnyumirwa nnyo engeri gye kiwandiikidwaamu awo, kubanga okuyigiriza kwange kwonna enkyya ya leero kwesigamiziddwa ku kukkiriza. Mukiraba? Nga muwuliriza obulungi, leka nziremu ekyo nkisome.

*Simooni Peetero, omuddu era omutume wa Yesu Kristo, eri abo abaafu-abaafuna okukkiriza okw'omuwendo omungi...mu butuukirivu bwa Katonda waffe...era Omulokozi waffe Yesu Kristo;*

Mwetegereze, agamba nti, "Nnafuna okukkiriza kuno, era kino nkyogera eri abo abaafuna okukkiriza okw'omuwendo omungi bwe kuti." Njagala...si eri ensi y'ebweru. Kino kiri eri Kkanisa, mulabe eri abo abali mu Kristo.

*Ekisa n'emirembe byeyongerenga gye muli mu kutegeerera ddala Katonda ne (okuyita mu) Yesu Mukama waffe;*

*Kubanga obuyinza bw'obwakatonda bwe bwatuwa byonna...eby'obulamu n'ebiyokutya Katonda, olw'okutegeerera ddala oyo eyatuyita olw'ekitiibwa n'olwobulungi bwe ye;*

*Ebyatuweesa ebisuubizibwa... eby'omuwendo omungi ebinene ennyo, olw'ebyo (ebisuubizo bino) mulyoke mugabanire awamu obuzaaliranwa bwa Katonda...*

19 Kaakati, ekyo leka kinnyikire ddala munda. Enkyya ya leero sibuulira; tusomesa busomesa ssomo lino. "Obuzaaliranwa bwa Katonda." Leka nsome olunyiriri olw'okuna nate, oleme kukisubwa. "Ebyatuweesa..."

*Ebyatuweesa ebisuubizibwa eby'omuwendo omungi ebinene ennyo; olw'ebyo (ebisuubizo bino) mulyoke mugabanire awamu obuzaaliranwa bwa Katonda, bwe mwawona okuva mu kuzikirira okuli mu nsi olw'okwegomba.*

Mulabe "Ensi," eyo kaakati tugiwonye. Kino akiwandiikira Kkanisa. Y'ensonga Iwaki tuli wano amakya ga leero, kwe kuzuula ekkubo ki, kiki Katonda ky'Atwagaza. Tewali muntu n'omu munda wano ayagala Katonda wabula okwagala okufaanana nga Kristo. Kaakati kirambikidwa wano. Buli Mukristaayo! Ndi nnamukadde eyazirwanako. Tunuulira ow'Oluganda ne Mwannyinaffe ba Kidd wano, oba oli awo be basinga obukadde mu kizimbe kino. Singa mbadde nsobola okubabuuza ekibuuzo, "Okuyaayaana kw'omutima gwo kiki?" Kyandibadde nti "Okumpi ennyo ne Katonda." Bw'omanya ku Kristo, waliwo ekintu

ekimuliko Ye ekiwoomu, ggwe gezaako bugeza okuyingira mu Ye.

20 Munsonyiwe olwa kino kye njagala okwogera. Nnagamba mukyala wange ssi dda nnyo wano ye... bombi nga bakaddiwa, ne mmugamba ne njogera nti "Onjagala nga bwe wanjalanga edda?"

N'anziramu nti, "Ddala nkikola."

Ne njogera nti, "Okimanyi nga nkwegala okutuusa lwe mpulira nga njagala nkusike nkuyingize munda mu nze, olwo tubeere bwe tutyo, mazima tubeere nnyo nga tuli omu."

Kaakati, ekyo, kikubiseemu emirundi obukadde kikumi, olwo ojja kuzuula engeri omukkiriza kye yandibadde oyo agudde mu mukwano ne Kristo, gye yandyagaddemu okuyingira mu Ye, kubanga okwo kwagala. Era wano agenda kutulaga, okuyita mu bisuubizo bino engeri gye tusobola okugabanira awamu obuzaaliranwa bwa Kristo. Emibiri gino egivunda, engeri gye gisobola okugabanira awamu.

21 Waliwo kye nnyiza okwogera wano. Ensonga Iwaki nzikiriza...Waliwo eyankwata obubi ssi dda nnyo. Nnafuna ebbaluwa okuva mu kibiina ekigatta abawereza eyagamba nti nze nnakkiriza nti waaliwo..."Twagattibwa mu mmeeme. Era tuteekeddwa okulekawo ababeezi baffe bwe tutaba bagatte mu mmeeme nabo, okuwasa omulala oyo gwe tugattiddwa naye mu mmeeme." Oh, abange!

Nnaddamu nti, "Omusango gw'enjigiriza ekyamya bw'etyo tegusobola kunsinga." Ekyo bulijjo mbaddenga nkiwakanyiza ddala. Ekyo-nze sikikkiriza. Wadde akatono. Nzirkiriza nga Katonda y'Atuwa ababeezi. Ekyo kituufu. Olwo ne tufuuka ekitundu kya bannaffe. Ekyo bwe kiri. Era omusajja bw'aba nga tannawasa, ebintu bino aba alina okubirowoozaako era n'abiyiga.

22 Waliwo omuvubuka eyambuuza luli, ng'agamba nti "ow'Oluganda Branham, olowooza nze nsobola, nnina okuwasa omukazi alinga omuwala *bwati ne bwati?* Kye nnava mmubuuza nti, "Omulowoozaako kyenkana wa?" Yanziramu nti, "Oh, owange, oyo mmwagala bwagazi."

Ne ndyoka mugamba nti, "Kale, bw'oba nga togenda kubeerawo nga taliiwo, olwo muwase." Naye bw'oba osobola okubeerawo nga taliiwo, kirungi n'otomuwasa. N'olwekyo, bwe kiba nga kigenda kukutta, kisingako-ggwe kisingako ogende mu maaso omuwase," bwe nnamugamba. Kale, kye nnali ngezaako okumugamba kyali nti bw'oba ng'omwagala nnyo!

Kale, kaakati, nga tonnafumbirwa buli kimu kibeera kirungi era nga kya kakeeka. Wabula bw'oyingira obufumbo, emitawaana n'ebigezo eby'obulamu bijja. Awo we mulina okubeera nga mwagalana nnyo nga buli omu ategeera munne. Omukyala bw'akuyiwa, nga naawe omuyiye, muba mukyasobola okwetegeera.

23 Bwe kityo bwe kiri ne Kristo. Mulaba? Tulina okuba ennyo mu mukwano Naye, okutuusa nga bwe tumusaba ekintu, n'Atakituwa, nga tekitunyenya wadde n'akatono. Olaba? Mulaba? Lwaki? Engeri yokka gy'osobola okukikolamu ekyo, kwe kutwala Obuzaaliranwa Bwe obw'Obwakatonda, olwo oba ojja kusobola okutegeera Iwaki tasobola kukikuwa. "Abagabanira awamu n'Obuzaaliranwa Bwe."

Era mulabe wano, "Bwe mwawona okufa okuli mu nsi olw'okwegomba." Mwakuwona! Mulaba baani be kiriko? Kiri eri Kkanisa, abo abali mu Kristo, bagulumiziddwa okusinga ebintu bino. Nga si ye eyeegulumizizza, wabula Kristo nga Y'amusitudde waggulu.

24 Eri baganda bange ne bannyinaze abaddugavu abali wano enkyo ya leero. Kino sikitegeza ng'okukosa kwonna. Wabula, nnali mu lukunjaana olumu gye buvuddeko, simanyi oba nga nnali nkyogeddeko mu kkunjaaaniro lino. Mu biffo ebitali bimu kino nkyogeddenga. Waliwo Mwannyinaffe omuddugavu eyagamba nti, "Nzikirizibwa okuba n'obujulizi oba okujulira? "Mazima Mwannyinaffe genda mu maaso."

Yagamba nti, "Njagala okuwa obujulizi buno olw'ekitiibwa kya Katonda." N'agamba nti, "Mumanyi nze-nze siri ekyo kye Nteekeddwa okuba," era n'agamba nti, "Siri ekyo kye njagala okubeera, wabula," n'agamba nti, "ekintu kimu kye nneekakasa, siri ekyo kye nnateranga okubeera."

25 Mulaba? Yali alina w'avudde. We yali aggyiddwa.

Bwe tutyo bwe tutegeera nga tuvudde mu kufa okutuuka mu Bulamu. Tutunula emabega mu kinnya mwe baatusimula. Mukiraba? Tetuli ekyo kye twagala kuba; era tetuli ekyo kye tuteekeddwa okuba; wabula ekintu kyokka kye twebaliza, tetukyali ekyo kye twalinga. Ekyo bwe kiri. Tuli ku luguudo.

"Bwe mwawona okuva mu kuzikirira okuli mu nsi." Bwe mwawona ebyo, okwegomba n'okuzikirira ebiri mu nsi, muli waggulu w'ebyo.

26 Kaakati ekyo-kaakati ekyo ky'ekika ky'omuntu oyo Ye gw'Ayogerako, omuntu ng'awonye ebintu bino, labayo, okuzikirira okuli mu nsi.

*Naye era olw'ekyo kyennyni bwe muleeta ku Iwammwe okufuba kwonna, ku kukkiriza kwammwe mwongerengako obulungi; era ne ku bulungi bwammwe okutegeera;*

*Ne ku kutegeera kwammwe okwegendereza; ...era ne ku kwegendereza kwammwe okugumiikiriza... era ne ku kugumiikiriza kwammwe okutya Katonda;*

*Era ne ku kutya Katonda kwammwe okwagala ab'oluganda; era ne ku kwagala ab'oluganda kwammwe okwagala.*

27 Kaakati wano atuwadde olukalala Iw'ebyokukola, okumanya engeri y'okukikolamu. Kale, nga bwe nnagambye, fenna tugezaako okusemberera Katonda. Y'ensonga Iwaki Nnalonze Obubaka buno enkyia ya leero olw'ekkanisa nga mmanyi nti abantu batambula. Ekiro ekyayise, nnabuuzizza nti, "Bameka abava wabweru w'ekibuga?" Kumpi kyenda mu munaana ku kikumi, abantu baabaddde bava wabweru w'ekibuga. "Bameka abali munda wano abava mu mmayiro nga kikumi?" Lwaki, kyasusse, nteebereza kinaana ku kikumi. "Bameka abali wano nga bava mu mmayiro nga bitaano?" Kumpi kimu kya kusatuky'abantu abaabadde wano nga bava mu mmayiro nga kikumi, bitaano. Kirowoozeeko abantu abatambula. Kale, abantu abo tebajja ku kkanisa bwe batyo nga baagala kubalaba. Tewali...si nga ensi y'ebweru bw'esobola okulaba obulungi bw'ekifo kino. Bonna bantu ba bulijjo abanaku, abambadde mu ngeri eya bulijjo. Temuliuim nnyimba z'amaanyi ziymbibwa okuva mu beefuula nga Kkwaya y'Abamalayika, emirere, amadirisa ag'endabiramu eza langi. Mufunye ekiseera ekizibu okufuna ekifo aw'okutuula ku katebe aka ffoomu, awo ne tuyimirira okwetooloola ebisenge. Tebajjirira bintu ng'ebyo. Wabula bajja kubanga munda mu bo mulimu ekintu ekiraba obulungi, obwo eriiso ery'obutonde lye butalaba. Eriiso ly'omwoyo lye liraba obulungi bwa Kristo. Y'ensonga Iwaki bajja.

28 N'olwekyo ennaku nnyingi ng'olukujjaana terunnaba, mbeera mu kusaba. Nnjenda mu bibira, mu nsawo yange ne ntwaliramu...njamba mukyala wange nti, "Amakya ga leero njenda kuyigga bukaamuje." Olwo ne nteeka ekkalaamu awamu n'akatabo mu nsawo yange. Obudde bwe butangaala ekimala okulaba, mbaako we ntudde nga nneesigamye omuti awantu awamu, emikono nga ngiwanise waggulu mu bbanga nga bwe njogera nti, "Mukama, olwa leero nkole ki? Kiki ky'Ogenda okumpa eky'abaana Bo?

Olwo bwe wabaawo ekijja mu nze nga ky'amaanyi, ne kisala mu ndowooza yange. Okubeerawo Kwe bwe kusembera okumpi nange, ntandika okubaako kye mpulira nga kiringa ekikyali ewala okumala akabanga, ekintu eky'engeri eno. "Bbiri emirundi ebiri zenkanankana nnya." Nga kisembedde ddala. "Bbiri emirundi ebiri zenkana nnya. Bbiri emirundi ebiri zenkana nnya. Biri emirundi ebiri zenkanankana nnya." [ow'Oluganda Branham atandika okuzoogera nga bw'ayanguyiririza-Omuk.] Ku, ku, ku bw'atyo. Kuba Kubeerawo Kwe nga kuyingirayo

29 Weweeyo wenna, oluvannyuma Iw'akaseera akatono ojja kwe kutula okuva mu buntu bwo gwe mwennyini. Olwo awo okwolesebwa ne kujja. "Genda mu kifo gundi ne gundi era n'ekintu gundi ne gundi." Mulaba? Bwe kitandika, okuva mu kufumiitiriza eri Katonda, okuva mu nsi, wala n'ensi, okutuuka mu ddungu, eri ggwe wennyini.

Ne kutandika okujja, "Kimu, kimu..." Nze njamba, omuwendo gwonna, oba ekintu kyonna, ekintu kitandika Mpolampola, nga bwe kyeyongera okujja okusembera mpola ddala. Olwo ne kitandika okwanguyiriza mangu mangu. Bw'otuula awo n'olyoka owaniaka emikono gyo, nga toyogedde kigambo kyonna, kuumira mikono gyo mu bbanga. Ekisookera ddala okimanyi, kuba kukwata obuntu bwo bwonna. Awo nno n'otandika okulaba ebintu ebyo Ye by'Ayagala ggwe okumanya, nga bw'akulaga ebirina okujja.

Olumu kituuka akaseera, okutuusa ekiseera ekimu, ate olwo ne kiyimirira. Ne kitagenda mu kwolesebwa. Ng'Ebyawandiikibwa byo nga biyiikira kumu kumu. [ow'Oluganda Branham akuba entoli emirundi esatu-Omuk.] Mbaka ekkalaamu yange ne mbiwandiika obutabyerabira, ne mbiwandiika wansi.

Bwe nkomawo eka ne ndyoka mbitunulamu era n'okubiyiga. Era olumu tekikola na makulu nze okubitunulamu. Olwo, nga wayise akaseera, nga kiikyo awo! Ekyo ekimyansizza, ate ne kimala ne kigenda. Olwo nfunu akatabo akatono bwe nti, ne ntandika okuwandiikawandiika nga bwe mba nsobola, ekyo ky'Anjamba. Nnalowoozezza nti, "Mukama, nzikirira eri ekkunjaairo era mbagambe. Nze...ne nzikirira." Ne mbaako kye mbafunira." Kale, y'eyo engeri gye kijjamu. Ky'ekyo kyennyini. Okutuusa Ye ng'Asoose okukimpa, sisobola kukibawa.

N'olwekyo, olwo, bye bino bye mba mpandiisewandiise bye mulaba nga ntunulako buli kaseera. Na bino, okuva Iwe Nnatandika, ekitundu kino wano ssaakifunye okutuusa olunaku nga lumu oba bbiri eziyise, nga ndi eyo mu bibira.

30 Kaakati, abantu bano...Peetero agamba wano ku ngeri gye tuteekeddwa okugabanamu obuzaaliranwa bw'Obwakatonda Bwe. Na buli omu kuffe tugezaako kukula mu kigera kya Katonda.

Bwe tumala okuyita mu Bubonero Omusanvu, olwo, mu kaseera ako ng'Akabonero ak'Omusanvu kafuuyibwa, oba okubembulwa...Ddala, naffe tumanyi akabonero kye kali, kusumulula buweereza, kusumula Obubonero Omusanvu. Era ekyo tugenda kukirabira ddala ku kipande. Abeera asumulula Bubaka, ekintu ekibadde kiteekeddwaako envumbo.

31 Ekiro kya Sande ekyayise, nnabuulira ku "Ekisumuluzo." N'ekisumuluzo kwe kukkiriza. Okukkiriza

kukwata ekisumuluzo era n'ekisumuluzo kye Kyawandiikibwa. Era Kristo gwe Mulyango. Mulaba? Bwe kityo, okukkiriza kukwata pata ez'Ekyawandiikibwa, ne kisumulula ekitiibwa n'obulungi bwa Katonda, eri abantu Be. Mukiraba? N'olwekyo, okukkiriza kwe kukwata ekisumuluzo ekiggula Kristo eri abantu; kimuggula, kimubikkula.

N'olwekyo, olwa leero, tugenda kugezaako okutwala ekisumuluzo ekyo ky'ekimu, okuggula ekkubo mwe tusobola okubeerera Abakristaayo abalungi mu kigera kya Katonda, era okusobola okubeera Yeekaalu ennamu eya Katonda omulamu okubeerangamu.

Jjukira, nga Katonda Yeebikkula mu ngeri ssatu. Omulundi ogusooka, Yeebikkula mu Mpagi y'Omuliyo, ekyo kye kyayitibwa Obwataata. Awo Katonda Oyo y'omu, n'alabikira mu Yesu Kristo, nga gwe mubiri gwe Yali azimbye, omubiri gwe Yeekolera. Engeri ey'okusatu, okuyita mu kufa kw'omubiri ogwo, Yatkuza Ekkansa mw'Asabolera okutuula. Yali Katonda waggulu waffe; Katonda awamu naffe; Katonda mu ffe; Katonda y'omu.

32 Y'ensonga Iwaki Yayitibwa Kitaffe, Omwana n'Omwoyo Omutukuvu. Si ba Katonda basatu; wabula offiisi ssatu eza Katonda omu. Ekyo kyokka bandibadde bakirowoozezzaako mu lukiiko Iwe Nikyeya, tetwandibadde mu kavuyo kano konna, si bwe kiri? Ekyo bwe kiri. Si ba batonda basatu. Abantu baali tebasobola kutegeera ngeri Yesu gye yayogerangamu ne Kitaawe, ate nga Ye ne Kitaawe bali Omu. Kale, awo ekintu kyonna we kiri. Mazima, nga kyeyanjuluza. N'obukakafu. Mulaba? Si ba Katonda basatu. Wabula offiisi ssatu! Okulabisibwa...

Kye kiki? Katonda Yekakkanya mu kitonde Kye. Katonda Ayagala Asinzibwe. Ekigambo God kitegeeza "ekintu ekisinzibwa." Wabula Katonda akubiriza bantu Be Asobole okubafunamu ekyo kye Yabatondera. Takukolanga kubeera kintu kirala kyonna nga oggyeko okubeera omwana wa Katonda ow'obulenzi n'ow'obuwala. Ekyo bwe kiba kyakuyitako, okubeera omwana wa Katonda ow'obulenzi n'ow'obuwala, nga wasubwa akabonero.

Era "Okusubwa," ekigambo e-k-i-b-i kitegeeza "okusubwa akabonero" okusubwa akabonero. Olwo, bwe mba nga ndi mukukuba ssabbaawa, nga ndi mu buwanvu bwa yaadi ataano, ne nnasula; ne nteeka emmundu yange wansi ne ndasa kyokka ne nkisubwa bu yinchi nga buna oba butaano, kiki ekiba kibaddewo? Emmundu yange era yeetaaga okukyusaamu. Walabika waliwo ekitali kituufu. olwo bwe nsubwa okukkiriza mu Katonda, bwe nsubwa okubeera Omukristaayo...Katonda yakuteeka wano okuba Omukristaayo. Bw'oba ng'osirittuse okudda ku luuyi olumu, komawo okyusibwemu. Era waliwo ekintu kimu kyokka ekisobola okukukyusa, ekyo Ky'Ekyawandiikibwa. Omwoyo Omutukuvu mu Kyawandiikibwa, Akukyusa n'Akukomyawo butereevu mu ssabbaawa nate. Ekyo bwe kiri.

33 Kaakati, tugenda kuyiga Ekigambo Kye. Sutefano yagamba mu Bikolwa 7 era ne mu...Ekyo leka tukisoma. (Kye njogerako kaakati, twogera ku Yeekaalu ya Katonda.) Kaakati, Sutefano yayogera... (Olw'okubeera, nti egenda kubeera Yeekaalu ya Katonda omulamu.) Sutefano yayogera, mu ssuula eyo 7 mu Bikolwa, era nzikiriza ffe...mu Bikolwa 7, okutandika, n'olunyiriri olwa 44:

*N'eweema ey'obujulirwa yali ne ba jjajjaffe mu ddungu, nga bwe Yalagira eyagamba Musa okugikola ng'engeri gye yalaba bwe yali:*

*Ba jjajjaffe bwe baagiweebwa ne bagireeta wamu ne Yoswa bwe baalya amatwale g'ab'amawanga, Katonda be yagobanga mu maaso ga bajajjaffe okutuusa mu nnaku za Dawudi;*

*Eyasiimibwa mu maaso ga Katonda, n'asaba okumunoonyeza aw'okutuuza Katonda wa Yakobo.*

*Naye Sulemaani n'amuzimbira ennyumba.*

*Naye ali waggulu ennyo tatuula mu nnyumba ezaakolebwa n'emikono; nga nnabbi bw'ayogera nti Eggulu y'entebe yange, N'ensi y'entebe y'ebigere byange:*

*Nnyumba ki gye mulinzimbira? Bw'ayogera Mukama: oba kifo ki mwe ndiwummulira?*

34 Kale mu...kaakati, "weema," mu buli ngeri ky'ekifo aw'okuwummulira, okuddamu endasi, n'ebirala, ng'okuwummula kw'okwebaka, oba ebirala byonna. Kale, mu Abaebbulaniya 10 olunyiriri olwo 5, Pawulo akireetamu wano.

*Ng'ajja mu nsi, ky'ava ayogera nti*

*Ssaddaaka n'ebiweebwayo tewabyagala, naye wanteekerateekera omubiri;*

*Olwo Yeekaalu kye ki kaakati? Omubiri, Katonda ng'ali mu weema ey'omubiri.*

Katonda oyo, olumu eyali waggulu, bwe yakka ku lusozi, newankubadde nga- endiga ensajja oba ente eyakwatanga ku lusozi, yali eteekwa okufa. Katonda, mutukuvu.

Ekawuungeezi akaayise, bamalayika abo bwe baabisse obwenyi bwabwe. Ba Seraafi Abatukuvu n'obwenyi obutukuvu, tebamanyi na kibi kye kitegeeza, nga balina okubikka obwenyi bwabwe, mu Maaso ga Katonda; ne babikka ku bigere byabwe olw'obuwombeefu.

Kaakati, nga Katonda omutukuvu tasobola kuliraana kibi, nga n'olwekyo tewaaliwo kintu kyali kisobola kukoma ku lusozi Katonda kwe Yali.

Awo Katonda n'Ayambala omubiri n'abeerako gye tuli, mu kikula kya Yesu Kristo, Omwana We, Ekitonde Kye. Awo nno, Omwana oyo n'Awaayo obulamu Bwe, n'akatoffaali ka Katonda ak'Omusaayi ne kaabizibwa nti Obulamu busobole okujja gye tuli okuva mu Musaayi.

Okuyita mu Musaayi ogwo twalongoosebwa. Era kaakati, omusaayi gwaffe, obulamu bwaffe, obwajja okuyita mu kwegatta kw'ekikazi n'ekisajja, kwaleeta obulamu bwaffe mu nsi. Omusaayi gwa Yesu Kristo gutulongoosa, ne gukyusa obutonde bwaffe, nga guweereza ku ffe Omwoyo Omutukuvu; olwo ne tufuuka Obuzaaliranwa bwa Katonda, awo nno ne tufuuka ekifo kya Katonda w'Atuula.

35 Yesu yagamba nti, "Ku lunaku luli mulitegeera nga nze ndi mu Kitange; ne Kitange mu Nze; Nange mu mmwe; nammwe mu Nze." Mulaba?

Mumanyi nga Katonda bw'ali mu Kkanisa Ye. Ekkanisa kaakati erina okuba nga etwala ekifo kya Kristo, ng'etwala mu maaso obuweereza Bwe. Anti "Oyo anzikiriza Nze, emirimu gye Nkola Nze naye aligikola. Ebula ekiseera kitono, ensi obutandaba nate; wabula mulindaba, kubanga nnaabeeranga nammwe, era mu mmwe, okutuusa ku nkomerero y'ensi." Mulaba? Kiikyo awo, okukola emirimu Gye.

36 Kaakati, Katonda, oba Baibuli egambye wano nti. Sutefano yayogera ku Sulemaani ng'azimba Yeekaalu. "Katonda Ali Waggulu Ennyo tatuula mu weema ezaazimbwa n'emikono. 'Kubanga Eggulu y'Entebe Yange n'ensi y'entebe y'ebigere Byange. Kiruwa ekifo Kyange eky'okuwummuliram?' 'Naye wanteekerateekera Omubiri.'" Amiina. Awo we muli.

"Wanteekerateekera Omubiri." Katonda atuula mu kigera ky'omuntu, nga Yeeyoleseza mu muntu oyo. Okusinza Okutuukiridde! Katonda mu ffe, okubeera Yeekaalu ye, Katonda nga Yeerabisa. Oh, nga Twandisobodde okubeera ku ekyo okumala akaseera okutuusa bwe mwandiziyiridde muno mwenna, olw'ebbugumu.

37 Weetegereze, nti, Katonda bw'atyo bw'abaddenga, Yeeyoleseza mu muntu bulijjo.

Oyo ye Yali Katonda mu Musa. Mumulabe ng'azaaliddwa nga mukulembeze; Kristo. Mu kiseera kye yazaalibwamu waaliwo okutta abaana abalenzi bona, nga bagezaako okumunoonya; nga bwe kyali ddala ku Kristo. Era ya-yanunulwa mu kiseera ekyo; bwe kityo ne Kristo bwe yali. Yali mugabi wa-tteeka; nga Kristo bwe yali. Musa yayambuka olusozi, okumala ennaku amakumi ana era n'afuna amateeka, n'alyoka aserengeta wansi. Kristo yagenda mu ddungu n'amalayo ennaku ana n'akomawo nga bw'agamba nti, "Mwawulira ab'edda bwe baabagambanga, 'Toyendanga.' Wabula mbagamba nti, 'Buli atunuulira omukazi, okumwegomba, ng'amaze okwenda naye." Mukiraba? Ebintu bino byonna Katonda mwe Yeeyolekera Ye.

38 Mutunuulire Yusuufu eyazaalibwa nga mwano wa mwoyo mu kibinja kya baganda be. Bonna baali basajja balungi, nga bonna Bakitaffe. Wabula Yusuufu bwe yajja, ye yali wa njawulo. Yali asobola okulaba okwolesebwa, okuvvuunula ebirooto, era n'akyayibwa baganda be olw'ekyo. Olw'omulimu gwennyini Katonda gwe yali amuteeredde ku nsi okukola, baganda be Baamukyawa olw'omulimu ogwo. Mulaba? Era byonna byali bisonga ku musaalaba. Era, mulabe, baganda be bwe baamutunda kumpi ebitundu asatu ebya feeza. Ne bamusuula mu kinnya okumutta, Wabula baamuggyamu mu kinnya, bwe yagenda, yatuula ku mukono ogwa ddyo ogwa Falaawo. Nga tewali na muntu eyali asobola okujja ewa Falaawo eyali afuga kumpi ensi yonna mu biseera ebyo, okuggyako ng'ayise mu Yusuufu. Teri muntu yenna asobola kujja eri Katonda okuggyako ng'ayise mu Kristo. Era Yusuufu bwe yavanga mu lubiri, nga tannaba kuvaamu waalingawo Ekkondeere eryafuuyibwanga, ng'alina n'abantu abaali baddukira mu maaso ge, nga bwe baleekaana nti, "Muvunname ku maviivi gammwe! Yusuufu ajja." Gye wali wonna teyali nsonga, oba kye walinga okola, oba omulimu gwo gwali gwa muwendo kyenkana wa; walinanga okugwa ku maviivi go okutuusa nga Yusuufu atuuse awo.

Era Ekkondeere bwe lirifuyibwa olumu ku nnaku zino, na buli vviivi ligenda kufukamira era na buli lulimi Iwatule. Kristo oyo Yusuufu waffe, bw'Alireka ekitiibwa okujja; n'omulimu gwo teguliba gwa mugaso ku olwo. Buli vviivi lirimufukaamirira era na buli lulimi lulimwatula okuba nga ye Mwana wa Katonda. Ekyo bwe kiri.

39 Oh, nga tusobola okumulaba mu Dawudi! Engeri Dawudi, kabaka eyagaanibwa, nga baganda be bennyini nga bamugobye ku ntebe ye mwene, mutabani we, musaja wattu n'atuula eyo ku Lusozi; Iwa Zeyituuni, nga bw'ayambuka, ku ntikko y'Olusozi Iwa Zeyituuni, bwe yakyuka okutunula e Yerusaalemi mwattu n'akaaba; kubanga abantu be bennyini, be yali aweerezza ng'abayigirizza Katonda, bennyini abantu be baamugaana ne baamukasuukirira n'ebintu, ne bamuwandulira amalusu, ne bamufuula Kisekererwa, bwe yali eyo ku lusozi ng'agaaniddwa. Oh, nga kutuukirira kw'Omwana wa Katonda, emyaka

nga lunaana nga giyiseewo; kabaka eyagaanibwa mu bantu Be Bennyini, Yatuula ku lusozi n'akaabira Yerusaalemi nga kabaka eyagaanibwa.

Kyali ki? Yali Katonda nga Yeeyoleka Mwennyini mu bannabbi abo, ng'Ayoleka Kristo.

Awo ne wajja oyo eyali okutuukirira kwa katonda. Yali Katonda awamu naffe.

Era okuva mu kiseera ekyo, abaddenga Yeeyoleka mu Kkanisa Ye, ku luuyi luno olwa Kalivaaliyo. Kale, mulaba, fenna nga tugezaako okutuuka ku kifo kino, Yeekaalu ya Katonda omulamu mw'Atuula.

40 Awo waliwo abantu abamu...

Twetegereza wano yagamba nti, "Okusooka tulina okuba n'okukkiriza, obulungi, okutegeera, okwefuga, okugumiikiriza, obulungi oba okutya Katonda, n'okwagala kw'Aboluganda." Kirungi. Okwagala kw'Aboluganda, olwo okwo n'ogattako okwagala. Leka kino nkisome, kyonna, nate, obe omukakafu okukifuna. Kaakati tugenda kutandikira ku lunyiriri Iwa 5

*Naye era olw'ekyo kyennyini bwe muleeta ku lwammwe okufuba kwonna, ku kukkiriza kwammwe mwongerengako obulungi; ku bulungi bwammwe, okutegeera;*

*ne ku kutegeera kwammwe, okwegendereza; era ne ku kwegendereza kwammwe, okugumiikiriza; era ne ku kugumiikiriza kwammwe, okutya Katonda; ne ku kutya Katonda kwa mmwe, okwagala kw'aboluganda; ne ku kwagala kwammwe ab'oluganda, okwagala ng'okwo kwe kwagala.*

*...ebintu bino bwe biba ebingi bibafuula abatali bagayaavu n'ababala ebibala olw'okutegeerera ddala Mukama waffe Yesu Kristo.*

Kaakati, wano, waliwo Peetero ky'agezaako okutulambululira, n'enjeri ey'okutuukayo.

41 Kale njagala okwogera kino, nti, waliwo abantu abalina ekitundu ky'obulungi buno, okutegeera, amagezi, okugumiikiriza, n'ebirala, naye nga tayatulangako na kubeera Mukristaayo. N'olwekyo tu... tusomesa Sande Sukuulu. Era ago mazima. Waliwo abantu abalina ekitundu ku kino, abateefuula na kuba Bakristaayo. Wabula ekyo tekigezeza... Ekyo tekijja kukikola. Kiba ng'ekinyonyi ekiddugavu ekiteekako ebyoya bya nnyonyi muzinge mu biwaawatiro byakyo okwefuula nnyonyi muzinge. Kiba kyeswaza kyokka. Kyandisinze okusigala nga ekinyonyi ekiddugavu. Mulaba? Buli Iw'agezaako okukola ekintu kino nga si Mukristaayo. Aba talina ky'ali.

Kiringa omuti omusukomooli okugezaako okukola zi Apo. Tegusobola kukikola, mulabeeyo wadde nga nagwo muti. Naye tegusobola kukola zi Apo.

Kiringa ennyumbu egezaako okukola ebyoya, ng'egezaako okuba endiga ng'ate yo ekituufu nnyumbu. Mulabe, tesobola kukola byoya. Tesobola kukikola. Ebyoya kirabo eri endiga so si eri ennyumba. Eyinza okugezaako okweysa ng'endiga, naye yo ekyali nnyumba. Mukiraba? Esobola n'okugamba nti, "Kale, nze nsobola okulya ng'endiga, nsobola okukola *kino* ng'endiga." Si nsonga kiki ky'osobola okukola, olina kuba ndiga okusobola okuba n'ebeyoya.

42 Leka nsooke nnyimiriram wano okumala akabanga. Endiga tekola byoya. Erina ebyoya kubanga yo ndiga. Abantu bangi bagezaako okugamba nti, "Kale, nja kwefubako nange mbeere omulungi. Nja kugezaako nkole *kino*." Tobaako ky'okola. Nedda tosobola kukikola. Endiga tekikola, tebagisaba, tesuubirwa kukola byoya. Yo ebeera na byoya, era esobola okukikola kubanga yo ndiga.

Era bw'oba Omukristaayo, obala bubazi bibala eby'Omwoyo. Toteekwa-tubikola bukozi. Togezaako kubiteekawo ggwe ogezaako... Teweefuula kintu ky'otali. Ggwe beera bubeesi ekyo ky'oteekeddwa okuba, olwo ebrisigadde ne byerabirira.

43 Wali owulidde abantu abagamba nti, "Kale ggwe leka nkubuulire. Ndi... Nneegasse ku kkanisa. Nteekwa okuleka okulimba kuno?" Kaakati, olwo obeera ogezaako okubaako ekintu ky'okola nate. Tosobola kukikola, n'olwekyo tewaliwi na kyetaago okukikola ekyo, tewali nga n'ennyumbu bwe tasobola kukola byoya. Tesobola kukikola.

Oba ensegaegezaako okulya n'ejjiba, ensegaegezaako-ensega okugezaako okuba ejjiba. Oyinza okukubamu akafaananyi nga kalooli ebweru eyo agamba nti, "Mumanyi nze ndi jjiba," era ne yeeteekamu ebyoya ebitonotono nga bw'egamba nti, "Mulabeeyo, nfaanana nga..." Mulaba? Ejja kuba kintuntu ekiri awo ekitalina kikula. Ye muntu ayatula okuba ekintu ekimu ate nga si kyali. Laba nga tosobola kukikola.

Tosobola kugamba nti, "Mulabeeyo kaakati, nteekeddwa okuba n'obulungi, n'olw'ekyo nja kuba n'obwo. Nteekwa okubeera mu bulamu obutya Katonda, era nja kuba nabwo." Lwaki, ogezaako kuteekamu byoya. Newankubadde we biri otuukawo, wabula tosobola kuteeka byoya mu kinyonyi ekikyamu. Mukiraba? Tekijja kukola. Era kiba kiraga bulazi obunnanfuusi bw'ekinyonyi ekyo. Mulaba?

44 Oyinza okuteeberezaamu nga kalooli enkadde egezaako okuteekako ebyoya ebitono eby'ejjiba nga

bw'egamba nti "Mulabeeyo wano, mulaba, nze siri jjiba."? Mukiraba? Lwaki, kubanga fenna tukimanyi nti yo kalooli. Mukiraba? Okiraba? Ky'ekyo kyokka. Tusobola okumanya nga ye kalooli.

Kale, bwe kityo bwe kiri, okugezaako oku-okukola Obukristaayo. Tosobola kubukola. Ekintu ekisookerwako ky'olina okukola, kwe kuzaalibwa omulundi ogw'okubiri. Olina okukyusibwa. Mukiraba? Era bw'okyusibwa, ofuuka ekitonde ekiggya. Olwo oba ottereera. Mukiraba? Kaakati teweetaaga na kweraliikirira ku kikwata ku byoya, bijja kwerabirira, ggwe bw'onooba ozaalidwa omulundi ogw'okubiri. Yee, ssebo.

Nga bwe ntera okugamba bulijjo. Gwe funa e-embizzi, ogikuute bulungi era ogyambaze essuuti ey'ebbeeyi ey'ekika kya *tuxsailor* manyanga essuuti y'ekika kya *tuxedo+*, *bw'omala ogireke okufuluma ebweru* eyo, *esibira awali ebisooto ne yeekulukuunya*. Kubanga labayo, yo ekyo tekigikolera kalungi konna. Yo mbizzi. Obwo bwe butonde bwayo. Okwekulukuunya bwe butonde bwayo. Oba olina kukyusa butonde bwayo, olwo ebisigadde byonna biba bijja kwerabirira.

45 Kaakati, weetegereze. Oteekwa okuzaalibwa omulundi ogw'okubiri, ekyo kwe kukyusibwa. Wateekwa okubaawo okukyusibwa.

Ogamba nti, "Kale, ow'Oluganda Branham, waliwo omukazi nze gwe mmanyi erudda eno, Iwaki talina na kintu kikyamu kye yali akoze. Mukazi mulungi. Oba omusajja *gundi ne gundi*. Musajja mulungi. Taliiko ky'akola. Omamyi talina muntu yenna gw'alumya." Ekyo tekirina kye kitegeeza. Asobola okubeera ow'omulirwano omulungi wabula si Mukristaayo okutuusa ng'azaaliddwa Omulundi ogw'okubiri.

Yesu yagamba nti, "Omuntu bw'atazaalibwa mulundi gwa kubiri," yokaana Omutukuvu 3 nti, "tasobola na kulaba Bwakabaka." Kaakati, ekyo kitegeeza, '*okulaba*' kitegeeza "kutegeera."

Bw'otunuulira ekintu kyonna n'ogamba nti, "Siriiko kye ndaba" Obeera otegeeza nti tolina ky'otegeera.

46 Omuntu tasobola kutegeera Iwaki abantu baleekaana. Omuntu tasobola kutegeera Iwaki olulimi Iw'omuntu lusobola okukyuka, era n'ayogera mu lulimi. Omuntu ow'omubiri tasobola kumanya ngeri kitiibwa kya Katonda bwe kisobola kujja ku maaso g'omuntu omulala, n'asobola okulaba okwolesewba n'ategeeza omuntu ebintu ebimu, era n'eky'okukola; okubagamba ebintu ebinaatera okubeerawo, era n'ebintu ebyo ne bibaawo, nga Katonda bwe Yatukoledde ddala ekiro ekyayise. Mukiraba? Okiraba? Endowooza y'obuntu ey'omubiri efuba okukiteebereza nga bwe kinaaba. "Kale, kiki kye yakoze? Oba, "Akozesha kakodyo nabaki? Buuuusa ki bw'alina?" Okulaba omuntu ng'ayogera mu nnimi, basobola n'okugamba...ate omulala n'avvuunula nga bw'abuulira butereevo mmemba omu mu mubiri ekyo kyennyini kye yakoze era n'ekyo kye batateekeddwa kukola. mulaba? Okiraba? Balowooza kakodyo. Anti "Waliwo ekintu ekinywevu ekiri mu bo."

Tebasobola kukiigeera okutuusa nga omuntu oyo azaaliddwa omulundi ogw'okubiri. Olwo bw'amala okuzaalibwa omulundi ogw'okubiri, olwo aba ayingidde mu luse olw'okussa ekimu, kubanga ye kitonde kiggya. Okuteeberezeebereza okwo okw'edda, enneeyisa y'okubuusabuusa gye yalina, ng'efudde. Kaakati, ali kitonde kiggya. N'olwekyo, labayo, aba talina kugattako kintu kyonna, ku bibye, kaakati, kubanga kijja kwegattako mu buli ngeri yonna.

47 Oteekwa okuzaalibwa omulundi ogw'okubiri. Ate bw'ozaaalibwa omulundi ogw'okubiri, tekisobola kujja wabula nga waliwo okukkiriza. Ekyo kituufu. N'olwekyo, mulaba, ku kipande kyange wano, nnina musingi gwennyini, okukkiriza gwe musingi gwakyo kyonna. Anti "Era awataba kukkiriza, tekiyinzika kusanyusa Katonda. Kubanga ajja eri Katonda kimugwanira okukkiriza nga Katonda waali, era ye mugabi w'Empeera eri abo abamunoonya Ye Obutakoowa." Mukiraba? Ateekeddwa okuba. Olwo bw'oba weekengera Baibuli, nga weekengera Ekigambo okuba ekituufu, osobola okumala gasigala emabega okutuusa Iw'onoookikkiriza.

Ekibi kye ki? Obutakkiriza. Waliwo embeera za mirundi ebiri ezifuga omuntu. Kwe kukkiriza ova okubuusabuusa, emu ova endala. Obeera owambiddwa n'eyo ebeera esinga mu bulamu bwo. Kisinziira ku kukkiriza kwenkana wa kw'olina na ngeri ki gye kusobola okulinnyamu.

Wabula, ekisooka, kulina kuba kukkiriza. Leka ntwareko akaseera nga ndi ku musingi ogwo.

48 Kaakati, okukkiriza ky'ekyo ky'oteekwa okukkiriza. Okukkiriza kye... "Okukkiriza ky'ekintu ekinyweza ebisuubirwa." Kiri, obeera omaze okuba nakyo bw'oba n'okukkiriza, kubanga kibikkuliddwa mu kukkiriza. Anti "Okukkiriza ky'ekintu ekinyweza ebisuubirwa." Abaebbulaniya 11, mulabeeyo, "obukakafu." Kye ki? Bukakafu nabaki? Obukakafu obutukuvu.

N'olwekyo bw'ogamba nti, "ow'Oluganda Branham, nzikiriza nga Katonda Muwonya." Kale, ekyo bw'oba ng'okikkiriza, olwo mwanirize ng'Omuwonya wo, ate nga tolimba, wabula nga ddala ekyo okikkiriza nti olw'emiggo Gye wawonyezebwa dda, tewali na kimu kigenda kukikuggyako. Kintu ekyaggwa. Kaakati oyinza okuba n'essuubi, nga *kino* okyebalama na *kiri* okyebalama. Wabula bw'oba n'okukkiriza, obeera okimanyi, kubanga bwe bukakafu. Wamaze dda okukifuna. Nnali...

49 Bameka, omuntu yenna eyawulidde ku Oral Roberts enkyya ya leero, bw'abaddde ng'abuulira amakya ga leero-Oral Roberts? Waliwo kye nnawulidde agamba, oba ekirala nti waaliwo okukkiriza, okw'okusumululwa, okusaba essaala ey'okukkiriza, okusumululwa. Yagambye nti, "Teekawo obuyungiro ng'okwata ku Ladiyo, teekawo obuyungiro ng'obaako ekintu kyonna ky'okwatako..." omusajja yabadde akikola ekyo, kisobole okuwa abantu ekintu kye basobola okukwatako. Ekintu ky'ogamba nti "Kaakati nkirina, kubanga yanjambye okukwata ku Ladiyo. Nkirina. Mukiraba? Kale, ekyo kirungi. Wabula, kaakati, okukkiriza okwannamaddala tekwetaaga kukwata ku bintu ng'ebyo. Kale nno, sigezaako kunanya waluganda Oral, wadde akatono. Akola omulimu ogw'ekitalo ate nga musajja atya Katonda. Era mazima bingi bye ndowooza ku Oral Roberts. Ekisingayo obubi nti tetulina bangi balinga ye.

Naye kye ngezaako okugamba kye kino nti-nti okukkiriza tekwetaaga kintu kyonna. Okiraba? Okukkiriza kukkiriza Kigambo kya Katonda. Nti okukkiriza kujja na "kukwatako"? Nedda. Okukkiriza kujja na kuwulira, era okuwulira Ekigambo kya Katonda." Ekyo kye kikunyweza. Kiri awo. Okiraba? Ate era okukkiriza nga bwe kyagambye, tekulina bbanga wakati waakyo. Okukkiriza kuli katikati. Okukkiriza kuli wano.

50 Kaakati kiringa nti waliwo omuntu aliwo...

Omwana oyo omuto luli. Maama oyo Mwannyinaffe Kidd n'abalala gwe baayogerako eyalina akaana akawere ng'ebiyenda byako biri bweru nga tekalina na kituli ku kyenda okuyisaamu emmere. Kaakati, omukyala ono, bwe yawulira Mwannyinaffe Kidd n'abalala nga bawa obujulizi, yakkiriza nti singa afuna obuyungiro, ne nsabira omuwere oyo. Kale, mulaba, Katonda Atuwa abantu...

Abamu ku ffe tulina obumanyirivu ne Katonda, obwannamaddala ennyo nti Katonda afuuka ng'okugenda wano, n'oyogera n'Ow'oluganda Neville, oba omuntu yenna gwe mumanyiganye naye. Era emirundi egimu tusaba abantu abo okutusabira. Ekyo kye tuteekeddwa okukola. Olwo bwe tuba n'okukkiriza nti omusajja oyo oba omukazi oyo, k'abe ani ali mu kutusabira abeera ayogera ne Katonda, olwo n'okukkiriza kwaffe kufuna emmizi ne kunywezebw. Kuba kukwatiddwa. Kiba kimala.

51 Wano. Omuruumi yafuluma okusisinkana Yesu. N'agamba nti "Sisaanira ggwe okujja mu nnyumba yange. Sisaanira. Sikigwana. Ate ssaa... Ate era sseebala mu ngeri eyo. Wabula," yagamba nti, "mutabani wange mulwadde nnyo. Ggwe yogera bwogezi Ekigambo, labayo, mutabani wange ajja kuba mulamu."

Kyali kiki? Olugendo terwategeesa kintu kyonna. Mulaba? Kubanga Katonda ali mu buli kifo. Katonda alina amaanyi. Buli wantu wonna Katonda waali, n'amaanyi Ge gabaawo. Era Katonda olw'okuba ng'Ali mu buli kifo, ekyo kimuleetera okuba mu buli kifo. Mukiraba? Katonda munene nnyo mu Bugirmaani nga bw'ali mu Switzerland, n'emmanga eyo mu Africa, mu ddakiika eno nga bw'ali ddala wano. Oh! Awo w'oli.

Kale, nno n'agamba nti, "Sisaanira ggwe okujja mu nnyumba yange. Yogera bwogezi Ekigambo." Kyali kiki? Kwali kukkiriza kwa Muruumi. Yakikkiriza. Era yesu yagamba nti, "Genda makubo go. Omwana wo mulamu."

N'alyoka atandika olugendo Iw'ennaku bbiri. Olunaku olwaddako, bwe yali tannaba kutuuka waka, yasisinkana abamu ku bakozi be nga bajja. Ne bagamba nti, "Omwana wo mulamu."

Omuruumi ne kimusanyusa nnyo okutuusa bwe yabuuza nti, "Zaabaddde ssaawa mmeka we yatandikidde okuba obulungi? Kitundu kya lunaku ki we kyabeereddewo?" N'agamba nti, "Ku ssaawa nga ey'ekkumi n'emu, n'atandika okuteereera.

Omuruumi n'alyoka amanya nti ze ssaawa z'ennyini Yesu mwe yamugambira nti, "Omwana wo mulamu, era nga yali akkirizza. Amiina.

52 W'amaanyi, Ali mu buli kifo, Alina obuyinza bwonna, Taliiko kkomo, oyo ye Katonda. Kale, bwe baakuba essimu okugamba nti, "Musabe!" Okukwatagana okwo! Era okukkiriza kwo kuleeta Katonda. Ekyo ky'ekintu ekireeta awamu essaala ne Katonda okukola. Okusaba! Okukkiriza kukyuka okuva *wano* okudda *wali*. Kwe kubireeta awamu.

"Yogera Ekigambo. Kye nkwegaza kyokka kwe kwogera Ekigambo, olwo buli kumu kiba bulungi." Mulabe nga tekyamwetaagisa kuberayo. "Yogera bwogezi Kigambo." Lwaki? Katonda ali buli wantu. Alina amaanyi gonna. W'amaanyi wansi w'ensi nga bw'ali ow'amaanyi waggulu ku nsi oba mu mbiriizi zaayo. Ye Katonda. "Era ekintu kyokka, ky'olina okukola kwe kwogera obwogezi Ekigambo," bwe yayogera.

Era, kaakati, okukkiriza kukola ebisigadde byonna ku kyo. Okukkiriza kukola ebisigadde. N'olwekyo oteekwa okuba n'okukkiriza ng'omusingi. Obukristaayo bwonna, kyonna ky'oli, na buli kumu ky'olibeera, kyesigamiziddwa ku kukkiriza kw'Ekigambo.

53 Eyo y'ensonga Iwaki nzikiriza Ekigambo. Mulaba?

Sisobola kuteeka kukkiriza kwange mu kintu kirala kyonna. Bwe mba nga mbadde njenda kukuteeka ku kkanisa, nnaandikutadde ku kkanisa ki: Enkatolika, ey'Abaluther, Mesodisiti, Baputisiti, Pentekoote?

Nnandikutadde wa? Nange simanyi. Bonna, bakulubula na buli kimu, beekyusa, na buli kimu.

Wabula bwe nteeka okukkiriza kwange mu Kigambo Kye, kunywerera. Tewali akivvuunula. Kiikino wano BW'ATI BW'AYOGERA MUKAMA. Olwo ne nkikkiriza ekkyo. Ogwo gwe musingi okusinziirwa.

54 Waliwo omusawo omulungi emmanga wano mu kibuga, nga munnange, Dokita Sam Adair. Twaliko fenna abalenzi. Mwenna mumanyi Sam. Era yaŋŋamba ng'ayogera nti "Bill..." Oluvannyuma lw'okwolesebwa okwo nga kuzze, ne mmugamba wa w'ajja okuzimba ekifo kye, n'engeri gye kijja okulabikamu. Kaakati yingiramu eyo, obeeko ky'omubuuza obanga si kituufu ekkyo. Emyaka ebiri ova esatu nga tekinnaba kubeerawo, nnamubuuulira we kyalina okubeera. Nnagamba nti, "Oyinza n'okutwala kumpi ekizimbe ky'ekibuga ekkyo." Era tewaaliwo kintu n'ekimu wakati we nakyo, era ekkyo kaakati ky'ekifo we bajjanjabira. Dokita Adair alina ebsigadde byonna, ne we batundira eddagala Ky'ekkyo. Dokita Adair yajjuliza ddala bw'atyo, ng'okwolesebwa. Wa, ekifo kye yagamba nti, "Tekisobola na kukwatibwa ko wadde mu myaka abiri mu etaano. Kiri mu kkooti."

Ne njambamba nti, "Dokita, Mukama akikuwadde lwa bwetowaze bwo." N'agamba nti, "Siri mulungi."

Ne njogera nti, "Ggwe oli nfudu. Olina Ekiwaawo wabweru ekigumu, muli olabika okuba omukalubo eri mikwano gyo wabula mundayo oli musajja mulungi yennyini. Vvaayo mu kiwaawo ekkyo." Ne njogera nti, "Katonda Akikuwadde."

N'agamba nti, "Billy sikubuuusabuusangako, naye ekkyo kyo nja kukibuusabuusa. Ne mugamba nti, "Genda mu offisi yo." Olwo n'afuluma.

Amakya agaddako, n'ankubira nga bw'agamba nti, "Mpulira nzirika."

Ne mmubuuza nti "Kiki ekibaddewo. Gwali nga mwezi gwa Julaayi. Ne njogera nti, "Mutawaana ki Doki?"

N'agamba nti, "Billy ekifo mmaze okukigula. Baabaddle n'oluluula mu Boston ekiro ekyayise, era enkya ya leero ekifo mmaze okukigula." Ne ndyoka mmugamba nti, "Nnakugambye."

Nnabadde emmanga eyo olunaku lwa luli nga njogera awamu naye, olunaku emmundu lwe ya ntulikira mu maaso. Yagamba nti, "Nkubamu akafaananyi nga nkigambye abantu nkumi na nkumi abajja wano, bwe ntyo." Kye ki? Kale, Katonda bw'ayogera ekintu kyonna kirina okutuukirira.

55 Ekiro ekyayise mukwano gwange yasse. Baali bawulidde ku kwolesebwa okw'ensolo ensama ey'amayembe ag'amatabi eyalina ejjembe lya yinchii ana mu bbiri, n'eddubu erya kitaka. Simanyi abantu bameka abajja ku nnyumba eyo nga baagala okukiraba ekkyo. Nnayogera nti, "Olukoba olupima luuluno wano. Pima ejjembe." Yakimanya nga tekinnabaawo. Mukiraba? Lwaki? Katonda bw'Abaako ky'Agambye kirina okutuukirira. Eyo y'ensonga Iwaki kyesigamikako.

Kaakati, yiino enteekateeka y'Obulokozi. Olwo okwolesebwa Kwe bwe kuba nga kwabaawo nga kutuukiridde, mu ngeri yennyini gye bagamba mbu bwe bakola, ekkanisa eno wano yonna emanyi nga kino kituufu, olwo ate Ekigambo Kye. Mulaba? Ekyo kisingako okwekakasibwa okusinga okwolesebwa. Okwolesebwa bwe kuba nga tekwayogedde wamu na Kigambo, olwo okwolesebwa kuba kukyamu. Naye kiba Kigambo, kisooka, kubanga Ekigambo ye Katonda Olaba? N'olwekyo ali buli wantu. Ekyo Yakyogedde wano, n'akireetera okutuukirira mu Canada. Amiina. Laba, Abeera mu buli kifo. Kituufu.

56 Ekisookera, dda otekwa okuzaalibwa omulundi ogw'okubiri. Olwo bw'oba ng'ozaaliddwa omulundi ogw'okubiri, ova n'okukkiriza; ova okkiriza Ekigambo. Okutuusa ng'ozaaliddwa ogw'okubiri, ekkyo ova ojja kukiwakanya. Naddala bw'obeera eyeekutte ku ddiini era-era nga olina na-n'amagezi matono ag'obuntu okusobola okukola obulungi, tolisobola kukkaanya na Kigambo kya Katonda. Tolikikola. Olina okuzaalibwa omulundi ogw'okubiri. Era okuzaalibwa omulundi ogw'okubiri kuzaala okukkiriza. Bwe kiri. Awo, bw'omala okufuna okukkiriza, kuno wano o-k-u-k-k-i-r-i-z-a, okukkiriza, olwo ova osobola okukula.

57 Kaakati, abantu bangi bagenda ku kyoto, ne basaba nga bagamba nti, "Mukama nsonyiwa." Obumanyirivu obw'ekitalo obw'okutukuzibwa ne bubajjako, na buli kintu. Olwo n'ofuna akaseera akanyuvu, n'oyimuka ku kyoto nga oleekaana. Bw'oddayo, n'ogamba nti, "Mukama agulumizibwe, nnakifunye." Nedda watandise butandisi ku lugendo lw'okukula. Tewali kye waakoze. Mulaba? Ekintu kye wakoze kwabaddle kutandika musingi.

Kaakati ogenda kuzimba nnyumba, n'oyiwa omusingi nga bw'ogamba nti, "Mulenzi, nkirina." Mulaba? Olina musingi kw'ogenda okuzimba ennyumba yo. Kaakati Oteekeddwa okuzimba ennyumba.

Wano nno ekintu kyonna we kiyingiriram, enkya ya leero ekkyo kye tugenda okwogerako kati. Bwe kiri. Ennyumba, omusingi guno gwe gusooka. Omusingi gw'Obukristaayo kye ki? Okukkiriza mu Kigambo kya Katonda. Ogwo gwe musingi gwo. Olwo n'otandika okukula. Era olwo n'osimbula, n'otandika okugatta ku musingi guno.

58 Kaakati, okuzimba ennyumba, oteekawo ebikola na buli kintu kyonna. Ow'oluganda Woods n'abamu ku babazzi bano, awamu n'abazimbi abali wano basobola okutubuulira engeri gye bazimbamu ennyumba yammwe. Mulaba? Wabula nze njenda kubabuulira engeri y'okuzimba ennyumba yammwe ey'omwoyo, awo Katonda w'Asobola okutuula. Ayagala kutuula mu ggwe. Ayagala kukufuula ggwe nga Ye Mwennyini. Ayagala gwe olabisibwe, manyanga ggwe okulabisa, Obulamba Bwe.

59 Mumanyi, mu biseera eby'edda bwe baateranga okukola zzaabu, bwe baali nga tebannaba kufuna kisaanuusa okumubabula, baakubanga zzaabu oyo, nga bwe bakuba obukyafu obwabangamu, ebyuma n'ekikomo na buli kintu okukiggyamu, nga balina kusigala nga bakuba, nga bwe bakyusa, nga bwe bamukuba. Abayindi ekyo bakikola ne kaakati, okukuba zzaabu, era nga bwe bakuba. Omanyi engeri gye baategeerangamu nti ebyumayuma byonna byali bivuddemu, n'obukyafu bwonna na buli kimu n'ebisejja byonna? Oyo eyalinga akuba bwe yeerabangamu, nga mu ndabirwamu. Nga zzaabu muyonjo ate ng'atukula okutuusa lwe yasabolanga okulabisa ddala omukubi.

Bw'atyo Katonda bw'Akola. Atwala zzaabu oyo gw'afunye mu ttaka n'amukuba n'Omwoyo Omutukuvu ng'eno bw'Amukyusa, bw'amukyusiriza, ng'ate bw'Akuba okutuusa (Gw'akkiriza) ng'asobola okweraba. [ow'oluganda Branham akuba mu ngalo emirundi egiwerako nga bw'ayogera kino. -Omuk.]

Era ekyo kye tuteekeddwa okukola, okulabisa Omwana wa Katonda.

60 Era kaakati tulina okukola emirimu Gye yagamba nti, "Oyo anzikiriza Nze..." Yokaana 14:7 "Oyo anzikiriza, emirimu gye nkola Nze, aligikola naye." Otandiikiriza okwoleka emirimu gya Kristo.

Wabula bangi kuffe tugezaako okukola emirimu gya Kristo nga tetunnaba na kwoleka Kristo mu ffe. Awo nno we wali omutawaana. Ebantu tulaba nga bibeerawo. Mubimanyi. Mbimanyi. Tulaba emisanvu gino gyonna mu kkubo. Ne tusanga entuumu y'abaweeresa ab'ekiboggwe, n'Abakristaayo, nga batuumiddwa ku luguudo, ensonga eri nti tebaayingirayo mu butuufu bw'akyo.

Eyo nno y'ensonga Iwaki ndi wano amakya ga leero, kwe kugezaako okusomesa akakanisa kano awamu nange kennyini engeri gye tusobola okubeeramu ekifo kya Katonda omulamu w'Atuula. Bameka abaagala okubeera bwe batyo? [Ekibiina kiddamu nti, "Amiina." -Omuk.] Ekifo kya Katonda omulamu w'Atuula!.

61 Kaakati, kye kino kye tukola. Kiki ekisoosa? Beera n'okukkiriza era ozaalibwe omulundi ogw'okubiri. okwo kwe kuteekawo omusingi. Awo, oluvannyuma tuteekawo omusingi, eky'okubiri, gattako ku musingi gwo. "Gattako okukkiriza," Peetero bwe yagamba wano. Gattako ku...Ekisooka beera n'okukkiriza, awo, ogatte obulungi ku kukkiriza kwo. Kino ky'ekiddako. Ekisooka, teekawo omusingi gwo, okukkiriza. Olwo, ku kukkiriza kwo, gattako obulungi.

Kaakati, awo wennyini abasinga obungi ku ffe we tutomererera ne tugwa wansi. Yee, ssebo, Yee. "Ku kukkiriza kwo gattako obulungi." Ekyo tekitegeeza kubeerawo obulamu bwa mbeerera, nga bwe mumanyi, ng'omukazi oba omusajja, n'ebirala. Ekyo tekirina we kikikwatirako.

Baibuli egamba, tusoma wano mu kitabo kya Lukka, w'agambira nti, "Amaanyi gaamuvaamu." Bwe kiri? [Ekibiina ne kigamba nti, "Amiina." -Omuk.] Bwe tuba nga tugenda kubeera nga Ye, olwo tuteekeddwa okubeera n'obulungi bw'amaanyi. Tuteekeddwa okuba nago, okubeera nga Ye.

62 Olwo lwe luyimba olusookera ddala lwe nnali Njagadde, mu nnyimba, olumu ku zisinga, luli nti, "Okufaanana nga Yesu. Kale bwe mba ow'okufaanana Yesu, ntekwa okuba n'amaanyi olw'obulungi, ate nga gasobola okutambula okuva mu nze gagende eri abantu. Kubanga, "Amaanyi gamuvaamu ne gagenda eri abantu." Amaanyi olw'obulungi! Era nga tonnaba kugaba, otekwa okusooka okuba nago. Bw'otaabe nago, tegajja kukuvaamu. Tegalina mwe gava.

Watya nga waliwo agezaako okuggyaa amaanyi okuva mu ffe, n'olupapula lwa kkyeke ne luvaayo nga lugamba nti "Tekuli ssente zimala."? Mulaba? Nedda, nedda, tewali ky'oggyako, kkyeke yabuuse. Omuntu omu akutunuulira ng'Omukristaayo, kyokka ate enkyaa n'akulaba nga weejeeguula ng'omwonoonyi, omwo temubeeramu maanyi gaggyibwa ku ekyo. Mulaba? Bwe kiri.

Amaanyi olw'obulungi galina okubeera mu ffe. Okutuusa nga tufunye amaanyi olw'obulungi...Olwo bwe tufuna amaanyi olw'obulungi amatuufu, tuba tusobola okugongera ku kukkiriza kwaffe. Ekyo ky'ekisenge ekiddako ku musingi.

63 Kaakati, ekisooka olina okuba n'okukkiriza. Okukkiriza kwokka tekusobola kukikola. Oteekeddwa... Peetero yagamba nti, "Olwo yongerako amaanyi olw'obulungi ku kukkiriza kwo." Otekwa okuba n'amaanyi olw'obulungi, okusobola okugagatta ku kukkiriza kwo.

Eyo kaakati y'eyinza okuba ensonga Iwaki togalina, kubanga amakanisa agasinga ag'ennaku zino gakusomesa nti toteekeddwa kuba nago, oba nti ebiseera by'ago byayita. "Tebateekeddwa kuba nago. Ekintu kyokka ky'olina okukola kwe kwegatta ku kkanisa. Weewaawo, ennaku z'ago zaayita."

Amaanyi olw'obulungi, buli omu amanyi ekigambo amaanyi olw'obulungi kye kitegeeza era mulabe, tuteekeddwa okuba nago. Amaanyi olw'obulungi bwe gaba nga gaamuvaamu, okuwonya omukazi eyali omulwadde, Ye asuubira amaanyi ge gamu mu kkanisa Ye, kubanga ye yali eky'okulabirako kyaffe. Bw'Aba nga Ye yalina amaanyi olw'obulungi okugawa abantu, Atusuubira ffe okuba n'amaanyi okusobola okugawa abantu. Olwo amaanyi olw'obulungi kye ki? Amaanyi olw'obulungi bwe buyinza n'amaanyi.

Abamu ku bo tebakkiririza na mu maanyi ga Katonda. Bagamba nti, "Ebyo-ebyo-ebyo byakoma dda. Ekintu kyokka ky'olina okukola kwe kuwandiika erinnya lyo mu kitabo, era omansirweko, ofukibweko oba obatizibwe oba ekintu kyonna. Era ekyo mbu ky'olina okukola."

Wabula Peetero wano atugambye nti, "Yongerako amaanyi olw'obulungi."

64 Kaakati Peetero ayogera ku kuzimba Ennyumba ya Katonda, mulabeeyo, Yeekaalu ya Katonda ng'eteekewa mu kifo. Bw'omala okuba n'amaanyi olw'obulungi, Oteekeddwa okuba... bw'omala okuba n'okukkiriza, Oteekeddwa okuba n'amaanyi olw'obulungi wamu nakwo. Ekyo bwe kiri. Beera n'amaanyi olw'obulungi ag'ensi yonna.

Nnabuulira Obubaka emyaka nga abiri egiyise, kye nsuubira ku Rev Mwami. Lily. Lily, omusumba. Nga nnabuggya ku Yesu kye Yagamba nti, "Mutunuulire amalanga ag'omu ttale, bwe gamera; tegakola mulimu, so tegalanga lugoye. Naye mbagamba nti ne Sulemaani mu kituibwa kye kyonna teyayambala ng'erimu ku go."

Mutunuulire amalanga. Kyaviira ddala wansi mu ttosi. Era buli ddakiika yonna gaba galina okuba nga gasika okuva mu ttaka. Mulaba? Gakozesa ki amaanyi gano ge gasika okuva mu ttaka? Gagagaba. Gagakolamu eky'okulaba ekisikiriza eri omwegombi. Geeyanjuluza okugaba omubisi eri enjuki okujja zifune ekitundu kyazo. Tegeemulugunya, kye galina kyokka kwe kuwaayo. Watya singa enjuki bwe zija awo; ensimbi eziriko tezimala, tewali mubisi? Enjuki eyo eyinza okutakula omutwe gw'ayo n'egamba nti, "Lino ddanga nabaki?"

65 Omuntu bw'ajja, ng'agezaako okufuna obulokozi, n'atuukira mu kkanisa ekkiriza nti ebiseera by'ebayamagero byayita?

Nga Jack Coe olumu bwe yagamba. Osobola okugenda awaliirwa emmere etundwa, ne bakuwa olupapula olulaga emiwendo; n'oluyisaamu amaaso, nga mulimu *T-bone steaks* n'ebintu ng'ebyo. N'ogamba nti,

"Nja kulya *T-bone*."

"Kale, ekyo ky'ali kya biseera ebayayita. Ekyo tetukirina."

Osobola n'okuteeka wansi olupapula n'ofuluma, laba, ekyo nga kituufu, kubanga eky'amazima tebalina Kyakulya. Era awo osobola okugenda mu kifo awatundwa eky'okulya ng'ate wekiri.

N'omuntu ow'omwoyo, ng'akula yeetaaga eky'okulyako. Ky'Ekigambo kya Katonda. Nzirkiriza buli Kigambo kyakyo.

Katonda ategese emmeeza

awo abatukuvu we bajja

ne baliira,

Ayita abalonde Be nti,

"Mujje mulye."

Abaliisa emmaanu Ye,

n'Abawa bye beetaaga,

Oh, nga kirungi okulya

ne Yesu bulijjo.

Ekyo bwe kiri. Yee, ssebo. Agarina. Ekkanisa egarina, Ekkanisa ya Katonda omulamu, eyo ezimbiddwa mu muntu ono atuukiridde, eky'okumanya kwa Kristo.

66 Kale nno, n'olwekyo oteekwa okuba n'amaanyi olw'obulungi.

Ne njamba, ekintu ekisooka nga bwe mumanyi, waliwo omuntu ayagala okuwunyiriza akawoowo. Si mukodo. Alina akawoowo. Nga tannaba kugaba kawoowo, alina okubeera nako. Nga tannaba kugaba mubisi, alina okubeera nagwo. Nga tannaba kugaba bulungi, alina okuba nabwo

Nga tonnagaba maanyi olw'obulungi, Olina okubeera nago. N'olwekyo, yongera ku kukkiriza kwo amaanyi olw'obulungi. Amiina. Mukitegeera? Tusobola okubeera ku ekyo okumala ekiseera ekiwanvu, n'ekiseera kyaffe kisobola n'okutuggwaako. Okwongera amaanyi olw'obulungi ku kukkiriza kwo.

67 Kaakati, okukkiriza kwe kusooka olwo amaanyi olw'obulungi.

Era olwo, eky'okusatu, yongerako okumanya. Okumanya, wano kati, sitegeeza kumanya kwa nsi, kubanga okwo busirisiru eri Katonda; wabula okumanya okulamula, okulamula (ki?) ekikyamu okuva ku kituufu. Osobola kukiramula otya, olwo, bw'oba ng'olina okumanya kw'Obukristaayo n'amaanyi go olw'obulungi n'okukkiriza kwo? Osalewo oba ng'Ekigambo kituufu oba kikyamu. Kale, bw'oba ng'osobola okussa wansi ebiyyiye byo byonna, n'obutakkiriza bwo bwonna, na buli kimu ky'ogamba nti okikoze, olwo obeera n'okumanya okukkiriza nti Katonda tasobola kulimba. "Leka buli kigambo ky'omuntu bubeere obulimba, naye Ebyange gabeere amazima." Mulaba? Kaakati oli mukufuna okumanya. Okumanya okusukkulumu. Tekikwetaagisa kuba na ddiguli nnya okuva mu ssomero erimu oba ekintu nga bwe kityo, okuba nakyo, kubanga embala zino zonna zikuweebwa Katonda, osobole okubiteeka ku musingi gw'okukkiriza kwo, nti osobole okutuuka ku kigera ky'omuntu wa Katonda ekijjudde ekyannamaddala. Yee, ssebo.

68 Yongerako okumanya, kubanga okumanya kwa Kigambo Kye. Oteekeddwa okukikkiriza mu ngeri eno. Nga bw'oyinza leero okukkiriza nti... n'okyaniriza, nti ebiseera by'ebiyamagero tebyayita. Okumanya nti Katonda kye Yagamba asobola okukikola.

Ibulayimu yakkiriza ekyo. Era bwe yali awezezza emyaka kikumi egy'obukulu, teyatagalira ku kisuubizo kya Katonda okuyita mu butakkiriza. Labayo engeri ekyo Ekigambo gye kyalabikamu ng'eky'obusiru. Omusajja wuuno wa myaka kikumi, ng'anoonya omwana okuzaalibwa mu maka ge kyokka mu mukyala ow'emyaka ekyenda. Mukiraba? Kyenkana emyaka ng'ataano egiali gimuyiseeko okusobola okuzaala, kyokka ate nga babeera bombi okuviiira ddala ng'akyali muwala muto oba katugambe emyaka egy'ekitiini. Kale, wuuno wano ng'obusimu bwe bwali bufudde. Era n'enda ya Saala yali efudde. Nga n'essuubi lyonna ligenze, nga bw'osuubira okuba n'essuubi. Wabula, ate awatali ssuubi, yakikkiririza mu ssuubi, kubanga yalina okumanya nti Katonda buli kimu ky'Asuubiza asobola okukikuuma.

69 Kaakati, bw'omala n'okifuna mu ngeri eyo, awo kyongera ku kukkiriza kwo. Bw'oba ng'olina amaanyi olw'obulungi amatuufu, gongere ku kukkiriza kwo. Ng'osobola okufuluma ebweru ku luguudo, n'obeera ng'Omukristaayo, ne weeyisa ng'Omukristaayo, beera Omukristaayo, ekyo kyongera ku kukkiriza kwo. Bw'oba n'okumanya...

Ogamba nti, "Kale, simanyi oba ng'Ekyawandiikibwa *kino* kituufu. wano tulinawo Ebikolwa 2:38, Simanyi bwe nnyinza kukikwasaganya, Bikolwa 28:19. Simanyi." Ekyo bwe kiri. Tolina ky'ogattako, kubanga tonnaba kukifuna. Mulaba? Ogenda kukola ki? Kubanga, tonnabeera na kumanya Katonda kumala, nti Baibuli teyekontana. Kireke bulesi. Tobaako na ky'okyogerako. Olaba? Kireke kyokka.

Wabula bw'oba osobola okulaba ng'Ekyawandiikibwa tekikontana, nga naawe ekyo osobola okukyogera; okukiraba ekyo; okuyita mu kubikkulirwa kwa Katonda, kubanga Ekigambo kyonna kiwandiikkidwa nga byama, era ng'okumanya kwa Katonda kwokka kwe kusobola okubibikkula; olwo bw'ofuna ekyo n'ogamba; buli Kigambo kya Katonda kikubire "Amiina." Era awo ekyo kyongera ku kukkiriza kwo.

70 Oh, awo nno ogenda ofuuka omuntu omulungi. Mulaba? Ogenda ovaayo ng'olinnynalinnya, laba. Na kiki? N'okukkiriza, olwo n'amaanyi olw'obulungi, olwo n'okumanya. Olaba nga bwe kizimba omuntu ono? Musobola okulaba nga tewali na ngeri yakukitolokamu. Eno y'engeri y'okufuukamu ekigera kya Kristo ekijjudde. Yee, ssebo.

Okulamula, okulamula ekituufu. Okulamula oba nga kituufu oba kikyamu, oba nga kinjwanira kuweereza ekiyyiye oba Katonda, okulamula oba nga kituufu oba kikyamu, nnina okuzaalibwa omulundi ogw'okubiri oba okwegatta ku kkanisa. Olwo oba otandiikiriza. Okulamula ekituufu, Omubuuulizi bw'agamba nti, "Ebiseera by'ebiyamagero byayita." Baibuli egamba nti, "Yesu Kristo Y'omu jjo leero n'emirembe gyonna." Kaakati ku ebyo ogenda kukkiriza kiuwa?

Bw'ogamba nti, "Nja kutwala Katonda." Ekyo tomala gakyogera nti, "Kale, nze-nze nja kikitwala," okuviiira ddala ku mutima gwo. Wabula, ekintu munda mu ggwe, ng'okukkiriza kwo kwe kukusindiikiriza okuviiira ddala munda eyo. Awo w'oli. Okukkiriza kwo kugamba nti, "Mmanyi nga Y'omu. Amiina. Mmujuilidde nga Y'omu. Tewali kisobola kokinzyago. Mmanyi nga waddala." Amiina. Olwo ekyo kyongera ku kukkiriza kwo. Kiteeke ku musingi.

71 Ovaayo kaakati, nga ojja waggulu eri Obwakabaka. Tulinako we tutuuse. Bwe kiri.

Kaakati, ekintu ekiddako, Omubuuulizi ajja kugamba era nga n'abantu bano bangi bagamba nti, "E... Ebinto bino by'osoma mu Baibuli, byali bya lunaku lulala. Kaakati, nja kukubuuulira lwaki. Kubanga, ebintu ebyo tetukyetaaga leero. Tetukyetaaga. Mulaba? Tetuteekeddwa. Ebyo tetuteekwa kubikola,

Okuwonyezebwa kw'Obwakatonda. Tetwogera mu nnimi mu kkanisa, oku-okukuma ekkansa yaffe mu butereevu. Era tetukola *kino*."

Ekyo tujja kukituukako. Nninawo Ekyawandiikibwa ekiwandiikkidwa erudda wano ekikikwatako, okulaba oba nga tuteekeddwa okukikola kati oba nedda.

Naye wano yagamba nti, "Simanyi. Tetuteekeddwa ekyo kukikola leero. Ekintu kyokka kye ndowooza kye tulina okukola, tulina okuyiga engeri y'okwogeramu obulungi eri ekibiina. Tulina okugenda omusawo omukugu mu kukebera emitwe atukebere, okulaba oba nga tusobola okwelianjula obulungi, oba nga Ekipimo ky'Obwakalimagezi (IQ) kyaffe kiri waggulu ekimala okukola na-na buli kimu bwe bityo. Ndowooza... Ate ffe tusinga n'ekibiina ky'abantu ekinene. Tuzimba ekibiina kyaffe.

72 Ffe tetuli mu kuzimba kibiina. Siri wano enkya ya leero kuzimba kibiina. Kristo tantumangako kuzimba kibiina. Kristo yantuma kuzimba muntu ssekinnoomu mu kigera kya Yesu Kristo, basobole okuba ennyumba ensibuko y'amaanyi, n'ekifo Omwoyo w'Atuula olw'Ekigambo Kye. Olw'Ekigambo Kye olaba, nga ,kizimba omuntu okutuuka mu kifo ekyo. Sikuzimba kibiina okuba ekibiina ky'eddiini eky'amaanyi, wabula okuzimba ba ssekinnoomu okuba batabani era bawala ba Katonda. Ekyo ky'ekirowoozo. Mulaba? Yongera ku kukkiriza kwo amaanyi olw'obulungi; ku maanyi go olw'obulungi, yongerako okumanya. Kale, kaakati oli mu kujja mu kifo.

73 Olwo kaakati bwe batandika okugamba nti, "Kale, ebyo tetulina kubikkiriza leero." Ggwe olina okukikola. Kiteekeddwa okuba.

Ebyawandiikibwa tebisobola kulimba. Era "Tewali kuvvuunula kwa kyama," Baibuli bwe yagamba. Gwe kikkirize bukkiriza nga bwe kiwandiikkidwa awo. Mulaba? Ebintu bino olina okuba nabyo. Era engeri yokka gy'osobola okuba nabyo, kwe kubeera n'okumanya okuzaale okuva mu Ggulu. Era okumanya okuzaale okuva mu Ggulu kujja kukakasa Ekigambo. Mulaba?

Olina okukkiriza, si kwefuula akikkiriza. Tewali ku bino byonna kya kwefuula mukkiriza, labayo singa ogezaako okugamba nti, "Nkirina." Tobeera kinyonyi ekiddugavu ate weetekoko ebyoya bya nnyonyi muzinge, olaba, kubanga byonna bijja kuvaako. Mu butonde tebyakuliram. Byasonsekebwamu busonsekebwamu.

74 Ndowoozaako awo Dawudi we yayogerera mu Zabbuli 1 "Alifaanana ng'omuti ogwasimbibwa okumpi n'ensulo ez'amazzi." Mumanyi nga waliwo enjawulo wakati w'okusimbibwa n'okusonsekebwamu. Nga bw'olaba omuti omuvule omukadde, ogwasimbibwa, ogusensera wansi okufuna okunywera. Wabeerawo obuti obutono obwesonsekamu, oba tomanyi na kiki kigenda kubutuukako. Tebulina mirandira. Tebulina musingi. Mulaba?

Ekyo kiringa abantu abamu bwe bava mu Seminaaliyo oba ekintu bwe kityo. Nga tebalina... "Kale, Dokita *gundi ne gundi* ye yanjawula mu buweereza. Ekyo tekikola njawulo yonna.

Kristo Ye yakuzaala mu kyo, mulaba, laba, Iwa kukkiriza kwo. Olaba? Ozzibwa obuggya n'obuzaalibwamu. Olwo oluvannyuma lw'okubuaalibwamu, bino by'ebintu Ye by'Akusuubira okugenda ng'ogattako. Genda bugenzi ng'oyongerako. Kaakati tuutuno Tukkirira wansi w'omusittale.

75 Wagenda kubaako ekintu ekirala ku kumanya kuno, kye tuyinza okwogerako, amagezi ga Katonda. Mulaba? "Baibuli esudde amakulu gaayo ennaku zino?" Laba, abantu bangi ku bo bakugamba ekyo, nti Baibuli tetegeeza ekyo kyennyini. Katonda bw'aba ng'Antunuulidde, era nga Y'antereeza mu kibi kyange, era bwe mba omwana wa Katonda, ekyo Akikola. Naawe Akukola bw'atyo batabani era [Ebbanga ejjereere ku lutambi-Omuk.] bawala. Buli lw'okola ekintu kyonna nga kikyamu, Akutereeza. Awo Katonda bw'aba ng'afaayo nnyo n'obwegendereza ku ggwe, nti Akukuumirako amaaso n'okukutereeza, ate olwo Asukkawo kyenkana ki eri Ekigambo Kye, nga ky'eky'okulabirako kyo, ekyo nga Ye Mwene.

*Ku lubereberye waaliwo Kigambo, Kigambo n'aba awali Katonda, Kigambo n'aba Katonda. Ne... yambala omubiri era n'abeerako gye tuli...*

76 Ekigambo kwe Kubikkulirwa kwa Yesu Kristo, Baibuli bw'etyo bwe yagamba, Kristo ng'Abikkulwa mu Kigambo Kye. Bw'aba nga yasobola okukutunuulira ggwe bwe wali osobya amateeka gano, n'Akunenya olw'okugasobya, tekisingawo nnyo kity bw'Atunuulidde etteeka Lye erikuvunaana! Amiina.

Mulenzi genda mu maaso, ebyo tonnyumiza!

Nzikiririza mu kumanya okutuufu okw'Omwoyo Omutukuvu. Okumanya okutuufu okw'Omwoyo Omutukuvu bulijjo kujja kukubira Ekigambo "Amiina". Buli lw'ofuna ebintu bino ebirabika okukontana mu Baibuli ggwe tuula wansi obiyige, ate nga bw'osaba bw'otyo. Ky'olina okumanya ekisooka, Omwoyo Omutukuvu ayingirawo. Oluvannyuma olaba nga bisibaganye wamu, olwo awo oba okifunye. Mulaba? Okwo kwe kumanya.

77 Abamu ku bo bagamba nti, "Kale, kaakati, Baibuli egamba nti, Y'omu jjo, leero, n'emirembe gyonna."

N'ekkanisa egamba nti, "Mu kutegeera okulala, nti, Y'omu," Huh-uh! Huh-uh! Awo wennyini, omuwatwa obeera omaze okuguziba. Mulaba? Yee, ssebo. Nedda, ssebo. Y'omu. Yee, ssebo.

"Yesu Kristo Y'omu jjo, leero, n'emirembe gyonna. Tewaliwo njawulo mu Ye wadde. Abeera mu Kkanisa Ye ng'Akola ekintu ky'ekimu. "Akaseera katono," nga we nnanokodde gye buvuddeko katono, nti, "akaseera katono, ng'ensi tekyandaba nate, naye mmwe mulindaba Nze." Nate, N'Agamba nti, "Emirimu gye nkola Nze nammwe muligikola." Neera, Yagamba nti, "Ndibeera Muzabbibu. Mmwe mulibeera matabi." N'amatabi gabeera malamu na Bulamu bwa Muzabbibu bwokka. Buli ekiri mu Muzabbibu kijja okuyita mu matabi. Ekitiibwa! Olwo "Kristo Y'omu jjo, leero, n'emirembe gyonna." Galeeta Bulamu bwa Mukama Yesu Kristo. Amiina.

78 Okumanya; si okumanya okw'ensi (okukubaganya ebirowoozo). Buli kika ky'amagezi gonna ag'ensi gakubaganya ebirowoozo. Mulaba? Naye okukkiriza tekukubaganya birowoozo. Katonda Akubikkulira ekintu *gundi ne gundi* ekigenda okubaawo, na buli Munnassaayansi mu nsi asobola okukugamba nti, "Ekyo kikontana. Tekisobola kubeerawo." Ggwe mala gakkiriza. Mulaba? Yee, ssebo. Tekukubaganya birowoozo. Baibuli etugamba nti, "Tusuule wansi ebirowoozo." Tokubaganya birowoozo na kukkiriza. Okukkiriza tekulina kukubaganya birowoozo. Okukkiriza kumanyi wa we kuli. Okukkiriza kukola. Okukkiriza kunyweza. Tekusagaasagana. Tewali kisobola kukuimbula. Tekufaayo ku yenna ayogedde *kino, ekyo, kiri*. Tekusagaasagana wadde akatono. Kubeera bubeesi awo, ne kulinda, ne kulinda, ne kulinda, ne kulinda. Bwe kitakolawo njawulo. Kubeerera ddala awo.

Katonda Yagamba Nuuwa nti ebintu bino bigenda kubaawo. Yakikkiriza. Mulaba? Katonda Yagamba Musa nti ebintu bino bigenda kubaawo. Yakikkiriza. Katonda Yagamba abayigirizwa ebintu ebimu byali bigenda okubaawo nti, "Mwambuke ku Pentekoote mulindirire." Nabo ne babeerera ddala awo. Yee, ssebo.

79 Bwe kiri.

Kaakati, okumanya, si okw'ensi, wabula okumanya kwe Ggulu. Era okumanya kwe Ggulu, nga Katonda y'ensulo y'okumanya kwonna, ate nga Katonda ye Kigambo, olwo, bw'oba n'okumanya kwe Ggulu, okkiriza Ekgambo era ekintu kyonna okikubaganyako ebirowoozo na Kigambo.

Na guno omusango gw'omusolo ekkanisa gw'ebaddemu, oba nze gwe mbaddemu. Omu ku basajja omulundi gumu, mu kuwlira okumu okutono, yanjambar. Nnayogera, nga ηnjamba... "Tebaasobola kuzuula kikyamu kyonna." Olwo ne batandika oku...

Ne njogera nti, "Kale, kaakati, olwo, bwe waba nga tewali kikyamu, Iwaki temulekera awo okunnima empindi ku mabega?" Olaba? Mulaba?

80 Nze ne nneeyongerayo, nga bwe mmugambayo Ebyawandiikibwa ebimu.

Yayogera, Ssempala ow'amaanyi omunwe gwa sigala mu mukono gwe, n'alyoka ayogera nti, "Mwami. Branham, nange ndi muyizi wa Baibuli."

Ne mmuddamu nti, "Ndi musanyufu okukiwulira ekyo."

N'agamba nti, "Kaakati njagala okumanya ku kuwanuuzibwa kuno, osasuza obutambaala buno bw'osindika ebweru, okuwanuuza kw'okubusabira ate n'omala n'obusindika ebweru, obugoye 'obufukiddwaako amafuta' nga bw'okiyita ate nga "bugoye." Yagamba nti, "Ate n'omala n'obusasuza."

Ne ηnjamba nti, "Nedda, ssebo.

Tewali kubusasuza."

N'agamba nti, "Kale, ku kuwanuuza kuno."

Ne njogera nti, "Ssebo ggwe okiyita kuwanuuza. Waakamala okunjamba nti oli muyizi wa Baibuli.

N'addamu n'agamba nti, "Kye ndi."

81 Ne mmugamba nti, "Nnokolera Ebikolwa 19:11." Okumanya! Ne yiekuba akalippo yekka mu kyo, n'agezaako okukyusa eky'okwogerako. Ne mmugamba nti, "Awo nnokolera Yokaana 5:14 nga tasobola kukikola. Ne njogera nti, "Ate Yakobo 5:14." Nga tasobola kukikola. Ne ηnjamba nti, "Omanyi Yokaana 3:16?" Mulaba? Okumanya, mugezi, ensi! Naye bwe...

Yagamba nti, "Naye Mwami. Branham, ogezaako okuwoza omusango guno na Baibuli. Ffe tukikola na tteeka lya nsi."

Ne njogera nti, "Ssebo amateeka g'ensi tegeesigamiziddwa ku Baibuli? Olwo ne buba obwenkanya." Amiina!

82 Mazima ddala. Okumanya; si kumanya kwa nsi. Okumanya kw'Ekigambo, okw'Omwoyo, ng'omanyi kiki Katonda kye Yagamba, kola Katonda kye Yagamba, ekyo bwe kiri. Kaakati ekyo bw'oba ng'okirina era ng'osobola okukkiriza ebintu bino byonna, nti Y'omu mu bintu bino byonna Ekigambo bye kyogera nti mazima, buli kimu ng'okikubira "amiina." Kirungi. Ekyo kyongere ku kukkiriza kwo. Ekyo bwe kiri. Yee.

Omuntu bw'agezaako okukugamba nti, "Baibuli tekalina maanyi gaayo. Tewali kintu ng'okubatizibwa okw'Omwoyo Omutukuvu." Huh-uh. Ekyo tokigattako. Tekijja kukola. Kijja kugwa kiveeko. Kiringa okuteeka ebbumba ku lwazi, terija kuyimirira. Lija kumenyekamenyekamu.

83 Olwo abantu bakugamba nti, "Baibuli tesobola kwesigika olwa leero. Kaakati weegendereze. Togenda ng'okkiriza ekyo. Tesobola kuba ntuufu." Ekyo mukiwliddenga ekiseera kyonna. Enjogera entono eno nti, "Tosobola kwesiga Baibuli." Kale, bw'oba-bw'oba ng'olina ekyo mu ndowooza yo, tokigeza-togezaako okukigattako, kubanga tekijja kukola. Ekizimbe kyonna kijja kugwa wansi awo wennyini.

Kirina kutabulwa na nkoko ya Mwoyo Mutukuvu. Kye ntegeeza okugattibwa, enkokoto ekisiba. Era ekintu ky'ekimu ekigisiba... Mumanyi engeri...

Omupiira gw'ekidduka ogw'omunda (tube) gwe bagumizza bulijjo guwangaala okusinga ekiraka ekikookeddwaako. Omupiira bwe gubaako ekiraka ne gumala gufuna Ebugumu, omanyi ekiddirira kuba kusaanuuka kwa kiraka , olwo ekiraka ne kivaako. Yee, ssebo. Mulaba?

Obwo bwe buzibu n'abantu abasinga olwa leero. Bagezaako amagezi gaabwe okuganywereza ku kumanya kw'ensi, nga bakozesa amasanda g'ensi, era, awo ebigezo bwe bijja "Kale, oba oli awo mbadde mukyamu." Mulaba? Omukka bwe guvaamu, olwo ng'ofufunyala mu ddakiika ntono ddala. Olwo okuleekaana kwo kwonna awamu n'okubuukabuuka kwo tebirina kalungi ke byakukoledde. Abantu bakulabira ddala mu kitaba kye kimu. Olaba? Ekyo bwe kiri.

Wabula bw'obeera awo n'okwokya okumala okw'Omwoyo Omutukuvu, otuuka ekiseera nga ggwe n'omupiira gw'omunda ogwo gu (tube) nga muli kimu. Ekyo bwe kiri. Ggwe ne ki tube muba omu. Ggwe bw'onoobeera awo okutuusa ng'ofuuse ekimu na buli kisuubizo kya Katonda, olwo ekyo kyongere ku kukkiriza kwo. Singa tekiba kityo, olwo totegana kugattako kintu kyonna.

84 Ogamba nti, "Ekigambo tekyesigika." Ekyo togezaako okukigattako.

Ogamba nti, "Ebisiubizo bino wano, eby'okubatizibwa okw'Omwoyo Omutukuvu byali by'Abatume bokka," ng'amakanisa agamu bwe gagamba leero, ekyo togezaako kukyongerako. Awo bo omusingi gwabwe weguli, gwonna nga guguddemu. Mulaba? Nga Uzziya bwe yali, ekiro ekyayise, bwe yalaba Omusingi gw'omusajja ono gwe yali yeesiga, byonna byagwamu, ng'akubiddwa ebigenge, nga tebikyalil birungi n'akamu. Kaakati nti, "Kyali ky'Abatume ekkumi n'ababiri bokka, Abatume ekkumi n'ababiri bokka."

85 Nnali emmanga eyo ew'Oluganda wright... kye ndowooza bali mabega eyo awantu awamu. ekiro kimu, waaliwo omuweereza omu emmanga eyo, bwe nnali nga njogeraganya wamu n'abaweereza bana oba bataano. Omubuulizi ono yayimuka n'agamba nti, "Kaakati, bamikwano njagala okubabuulira. Oh, kye ndowooza muli bantu balungi."

Ne njogera nga njamba omuntu omu nti, "Y'oyo-y'oyo atudde awo wennyini. Weetegereze."

N'olwekyo, ow'Oluganda Junior Jackson, emabega eyo, nga mmaze okwogera. Era n'ayogera...yali abuulira ku kisa kya Katonda. Oh, abange!

Byali bimwokya, wakati mu kulindirira. Bwe yayimirira awo, n'agezaako okutegeera. "Kaakati, njagala okubaako kye njamba nti Mw. Branham wano, ka mbabuulire oyo mulabe wa Kristo." Era n'atandikira awo bw'atyo, ekiro kyonna.

Abamu ku babuulizi baatandika... ne njamba nti, "Mulindeemu kko katono. Kaakati, ab'oluganda temubaako kye Mwogera. Waliwo ye omu awamu naffe." Ne njogera nti, "Kaakati mumuleke bulesi oyo. Nnankolokota." Nze mwennyini, nnali nkyagala, nnyo nnyo, nga simanyi na kyakukola. Mulaba?

86 Olwo n'alyoka agamba nti "Mw. Branham mulabe wa Kristo," n'agenda mu maaso nga bw'ayogera bintu bye mumanyi. Yagamba nti, "Yayogera awo, Okubatizibwa okw'Omwoyo Omutukuvu." N'agamba nti, "Baibuli eraga nga waaliwo Abatume kkumi na babiri bokka abaafuna Omwoyo Omutukuvu." Ng'Ayogera ku kuwonyezebwa kw'Obwakatonda, "Abatume ekkumi n'ababiri bokka be baalina okuwonyezebwa kw'Obwakatonda," Y'agamba nti, "Twogera awo wokka Baibuli w'eyogerera era ne tusirika awo Baibuli w'esirkira." Ne nninda okutuusa bwe yamaliriza okuleekanira awo okumala ng'eddakiika asatu.

Ne njogera nti, "Lindako katono. Waliwo wano bingi bye mpandiise," ne njamba nti, "mpaayo akakisa okwanukula ebimu." Era bwe nnasituka ne njamba nti, "Ssebo agambye nti 'Ayogeredde Baibuli w'eyogeredde," nga n'ekkanisa ye bw'ekola, era 'ne basirika w'esirkira.' Mwenna mmwe bajulizi. 'Yee,'" ne njogera nti, "Kaakati, agambye nti 'Waaliwo Abatume kkumi na babiri bokka abaafuna okubatizibwa

kw'Omwoyo Omutukuvu." Baibuli eyange ejjamba nti baali kikumi mu abiri, ekyasi ekisooka. Amiina! Okumanya okufaanana bwe kutyo mukukasuke, mulaba engeri gye yali agezaako.

87 Ne njogera nti, "Awo nteebereza Pawulo ye teyafuna Mwoyo Mutukuvu ng'ate ye agamba nti yamufuna." Mukiraba?

Ne njogera nti, "Emmanga mu...Firipo bwe yakkirira eyo mu Samaliya n'ababuulira. Baali baabatizibwa mu linnya Iya Mukama Yesu. Lyokka, Omwoyo Omutukuvu yali tannaba kubakkako n'omu. Ne babatumira Peetero ne Yokaana, era bwe baatuukayo ne babateekako emikono, Omwoyo Omutukuvu n'abakkako. Ndowooza abo baali kkumi na babiri bokka?"

Ne njogera nti, "Mu Bikolwa 10:49, Peetero bwe yali ku nnyumba waggulu bwe yali ng'amaze okufuna okwolesebwa, baagenda mu nnyumba ya Koluneeriyo.' Peetero bwe yali nga' akyayogera ebigambo bino, Omwoyo Omutukuvu n'abakkako bona abaawulira Ekigambo." Ne njogera nti, "Baibuli ekyali mu kwogera. Ekkansa yo eri ludda wa?" Eri mabega eyo mu biriba. Ekyo bwe kiri. Mukiraba?

Ne njogera nti, "Okuwonyezebwa kw'Obwakatonda, kw'oyogeddeko mbu "Abatume ekkumi n'babiri bokka be baakufuna.' Baibuli egambye nti Sutefano yakkirira e Samaliya n'agoba emizimu era n'awonya abalwadde, era ne waba essanyu lingi mu kibuga. Era nga teyali na ku kkumi n'babiri. Teyali na mutume. Yali mudiikoni." Amiina. Amiina.

88 Ne njogera nti, "Ne Pawulo teyali omu ku kkumi n'babiri abaali mu kisenge ekya waggulu kyokka nga yalina ekirabo eky'okuwonyezebwa."

Ne njogera nti, "Tunuulira butunuulizi ebirabo eby'okuwonyezebwa! Era okutuukira ddala, nga wayise emyaka asatu, nga yali akyali mu Kkolins n'ayawula ebirabo eby'okuwonya mu Mubiri gwa Kristo." Oh, abange!

Kale, okumanya okwo kwe wayiga okuva mu kitabo ekimu, kisingako okusuule mu kasero k'ebisasiro. Jjangu eri okumanya kuno. Katonda bwe yayogera nti, "Y'omu jjo, leero, n'emirembe gyonna," ogambe nti, "Amiina." Yee, ssebo. Si eri ekkumi n'babiri; kya bona. Bw'oba olina okukkiriza okufaanana bwe kutyo, okukkiriza bwe kuba kukkiriza ekyo, buli kimu, nga kukikubira 'amiina', olwo gamba nti, "Ekyo bwe kiri," ekyo kyongereko.

89 Eky'okuna. Tulina okwanguwako kubanga nze ndi...Mpulira bulungi okuyimirira wano okubyogerako ntyo. Amiina. [ow'Oluganda agamba nti "Tukinyumirwa." - Omuk.] Weewaawo. Eky'okuna...Weebale.

Yongerako "okwefuga." Oh, abange! Tutuuse ku kwefuga. Kaakati, okusooka obadde n'okukkiriza; olina okuba n'ekyo, ng'ekyokutandikirako. Olwo n'oyongera amaanyi olw'obulungi ku kukkiriza kwo, bwe gaba nga ky'ekika ky'amaanyi ekituufu. Olwo n'ogattako okumanya, bwe kuba nga ky'ekika ky'okumanya ekituufu. Awo nno ogenda kwongerako okwefuga.

Okwefuga tekitegeeza "Lekera awo okunuya omwenge," newankubadde ekirala kyonna. Nedda, nedda. Okwefuga tekitegeeza kuwona kunywa mwenge, si mbeera eno. Kuno kwefuga kwa Baibuli, kwefuga kwa Mwoyo Mutukuvu. Okwo kwe kumu ku kwegomba kw'omubiri, wabula tuli mu kwogera ku kwefuga kw'Omwoyo Omutukuvu. Ekyo kitegeeza engeri y'okufugamu olulimi lwo, si wa lugambo, engeri y'okufugamu obusungu, nga si kubuubiaka buli omuntu yenna lw'abaako ky'akwogerako. Oh, abange!

Mulenzi, abasinga obungi ku ffe, tugenda kuvaako nga tetunnaba na kutandika, si bwe kiri? Mulaba? Olwo ne twewuunya Iwaki Katonda tali mu Kkanisa Ye ng'Akola eby'amagero n'ebintu bye baateranga okukola. Yee, ssebo. Olaba?

90 Yongerako ebintu bino. Gattako okwefuga ku byo. Oh, okwefuga, engeri y'okwanukulamu n'ekisa nga waliwo obukaawu obukwogeddwako. Omuntu omu agamba nti, "Mmwe ekibinja ky'abatukuvu abeeyulunga emmanga eyo!" Tobuukayo n'ofungiza mikono gya ssaati. Mulaba? Si ekyo. Naye yogera n'okwogera kw'Obwakatonda, n'okwefuga, n'ekisa. Wadyagadde okuba mu ngeri eyo? [Ekibiina kiddamu "Amiina." Omuk.] Bwe bakuvuma, toyankula. Leka Ye abeere eky'okulabirako kyo.

Bwe baagamba nti, "Oba oli Mwana wa Katonda, kyusa amayinja gano ogafuule emmere," Yandibadde akikoze alage nti ye Yali Katonda. Wabula yalina okwefuga. We baamuyita Beeruzebuli, yagamba nja kubasonyiwa olw'ekyo." Ekyo bwe kiri? Baamukunyula ebirevu Bye okuva mu maaso era ne bamuwandulira amalusu mu maaso nga bwe bamugamba nti, "Vvaayo ku musaalaba!"

Yagamba nti, "Kitange basonyiwe. Tebamanyi na kye bali mukukola."

91 Bwe yalina ekirabo, ng'Amanyi ebintu yonna, kubanga mu Ye mwe mwali obulamba bwa Katonda mu mubiri. Baali bamulabyeko ng'akola eby'amagero, ng'abuulira abantu ebikyamu ebyabalingako na buli kimu. Baamusibako ekiwero ekiwero okwetooloola omutwe Gwe bwe batyo, ne ku maaso Ge, era ne bamukuba n'akaggo ku mutwe nga bwe bamugamba nti, "Lagula, tubuulire ani akukubye. Olwo tujja kukukkiriza." Mulaba? Yalina okwefuga.

Kale, bw'oba okulina nga kufaanana bwe kutyo, kugatte ku kukkiriza kwo. Bw'oba ng'okyakyankalana okwogeza obukambwe, n'obubuuuka n'okuyomba, n'onakuwala nnyo, n'okwejeeguuja, huh-uh, tonnaba kufuna... Ekyo tosobola kukyongerako, kubanga tekijja kwegattako. Mulaba? Tekijja kumerenguka. Tosobola kufuna katundu ka lukoba nga bwe mumanyi ku kasaanusaamu kyuma. Tekisobola kukola. Nedda kiteekeddwa okuba nga kigonda nga bw'olaba olukoba. Mukiraba? Olwo okwefuga kwo n'okukkiriza bwe bifuuka okwefuga okw'Omwoyo omutukuvu nga bye Yalina, olwo bijja kusaanuuka wamu naye. Obeera okyongeddwako.

92 N'amaanyi go olw'obulungi bwe ganaaba ng'amaanyi Ge, olwo gajja kwegattako.

Okumanya kwo bwe kuba ng'okumanya Kwe, "Nnajja kukola by'Oyagala Ai Katonda." Mulaba? N'Ekigambo kya Kitaawe, Yawangula buli muzimu. Eggulu n'ensi biriggwaawo naye Ekigamba Kyange tekiriggwaawo. Olaba? Bw'ofuna ekika ky'okumanya okufaanana kutyo, kujja kusaanuuka wamu n'okukkiriza kwo.

Bw'oba n'ekika ky'okwefuga ekituufu nga Ye kwe Yalina, bijja kusaanuuka wamu. Bw'otoba n'ebyo, ebyakolebwa omuntu mu kitundu, okukkiriza okukolerere oba okwefuga, "Oh, nteekwa okumukuba oluyi, okumukakkanya, naye-naye ndowooza kisingako mmuleke, kubanga bayinza okunteeka mu mpapula z'amawulire olw'okukikola." Okwo si kwe kwefuga kw'Ayogerako. Okwo togezaako okukugattako. Tekujja kukola. Wabula bw'obeera mazima ddala ng'osobola okusonyiwa, n'obuwoomerevu obuva mu mutima, okusonyiwa buli muntu, ate n'oba n'emirembe, ekyo ne kiba nga kigenze, laba, olwo kiba kijja kusaanuukira wamu. Osobola okugattako ekyo ku kukkiriza kwo. Whew!

Tekyewuunyisa ekkanisa eweebuuse. Si bwe kiri? Tekyewuunyisa.

93 Nsobola okugamba nti, "Mwenenye mubatizibwe, Baibuli egambye, mu Linnya lya Yesu Kristo." Ate Omutiriniita sitakange ekyo takikkiriza ng'agamba nti "Oyo mulabe wa Kristo ow'edda. Ye Linnya lya Yesu. Ye ye Yesu Yekka." Mulenzi tunula ebweru, simanyi kwefuga kwo bwe kuli kaakati. Mulaba? Lwaki tojja n'ogamba nti, "Kino tukikubaganyeko ebirowoozo ffena, ow'Oluganda Branham. Njagala okukiwlira kino nga kinnyonnyolwa"? Mukiraba? Olwo n'ojja n'okiwliriza. Era ne kyanjuluzibwa mu maaso go, olwo ggwe n'olyoka ogenda; ekyo tujja-tujja ku kituukako mu kaseera katono, ku "kukutya Katonda", mulaba. Wabula bw'oba ng'ovaako mangu era nga buli kimu okibuukira, huh-uh, ekyo tekiba kyo. Mulaba? Oba tolina kwefuga kwa Baibuli bw'oba ng'okyakola ekyo; engeri y'okwanukulamu. Olwo bino byonna bw'oba ng'obirina, na kino kigatteko ku kukkiriza kwo.

94 Olwo, oluvannyuma Iw'ekyo, eky'okuna, ku kukkiriza kwo obeera oyagala okugattako okugumiikiriza. Bw'oba olina okukkiriza, "kuzaala okugumiikiriza," Baibuli bw'egamba. Mulaba? N'olwekyo kuno kugumiikiriza. Kaakati, ekyo ky'ekintu ekiddako okuzimba ekigera kino. Mukimanyi nga Katonda alina ebizimbisibwa ebyannamaddala mu kuzimba Kwe.

Olabo engeri gye tuweebuukamu, ow'oluganda, mwannyinaze? Olaba? Olaba Iwaki tuli awo we tuli? Yee, ssebo. Mulaba? Tulina ekitiibwa, okuleekaana, kubanga tulina okukkiriza. Wabula bwe tujja ku binto bino wano wammanga, Katonda tasobola kutuzimba mu kigera ekyo. Mulaba? Tasobola. Tasobola kututuusa mu kifo ng'ekyo. Ebantu bino byonna ebirala tubirina. Tusirittuka nabyo ne tugwa. Mulaba? Tasobola kuzimba Kkanisa Ye.

95 Okugumiikiriza naki? Kugumiikiriza kwa nabaki? Ekintu ekisooka, kwe kuba n'okugumiikiriza ne Katonda. Bw'oba ng'olina okukkiriza okwannamaddala, oba n'okugumiikiriza okwannamaddala, kubanga okukkiriza kuzaala okugumiikiriza. Katonda bw'Ayogera ekintu kyonna, ggwe kikkirize. Ekyo kimala. Olina okugumiikiriza.

Ogamba nti, "Kale, nnamusabye Ye okumponya ekiro ekyayise, era nkyali mulwadde nnyo amakya ga leero." Oh, abange! Kugumiikiriza ki?

Katonda Yagamba Ibulayimu, era ne wayita emyaka abiri mu etaano naye nga tewannabaawo wadde akabonero konna. Yali akyakkiriza. Yagumiikiriza Katonda. Uh-huh.

Bulijjo Ye muteekenga mu maaso go. Leka y'Aba akuyisa. Tosobola kumuyisa, n'olwekyo mukuumire mu maaso go. "Yakyogera bw'Atyo, kigenda kuba." Olaba? Mukuumire mu maaso go. Ekyo bwe kiri.

96 Nuuwa yalina obugumiikiriza. Weewaawo. Nuuwa yalina obugumiikiriza obwannamaddala obw'Obwakatonda. Katonda yagamba nti, "njenda kuzikiriza ensi eno n'enkuba," era Nuuwa n'abuulirira emyaka kikumi mu abiri. Okugumiikiriza okungi. Tewali yadde omusulo ogwava mu Ggulu okugwa ku nsi. Tewaaliwo wadde akamu. Nga nfuufo nga bwe kyalinga bulijjo, okumala emyaka kikumi mu abiri naye nga mugumiikiriza. Naawe, Katonda agezesha okugumiikiriza kwo. Ekyo bwe kiri. Katonda Abagezesha.

Bwe Yamala okugamba Nuuwa, olwo n'Alyoka agamba nti, "Nuuwa njagala oyingire mu lyato. Nnjenda kuyingiza ensolo nazo omwo era ggwe Nkwetaaga munda. Owalampe amadaala ga waggulu, osobole okukozesa akadirisa akasemberayo ddala waggulu okutunula ebweru. Njagala oyingire omwo. Njagala

ogambe abantu bano nti, "Ekyo kye mbaddenga mbuulira okumala emyaka kikumi mu abiri enkya kigenda kubaawo. 'Ekyo bwe kiri, genda emmanga obagambe."

Akabonero akasooka kaali ki? Nuuwa kuyingira mu lyato. Nga tewali nkuba.

97 Nuuwa yeetegeka, n'ayambala n'ekigirikooti ky'enkuba, na buli kimu, olwo asobole obw'olumu okutunulako ebweru. Yeetegeka. Wabula olunaku olwaddako...

Nzikiriza ayinza okuba nga yagamba famire ye, ne mukamwana we n'abalala bona nga bw'agamba nti, "Oh, abange! Enkyo mugenda kulaba ekintu kye mutualabanga ko. Kubanga obwengula bwonna bugenda kuddugala. Okumyansa n'okubwatuka kw'eggulu bigenda kubaawo. Ekitala kya Katonda ekinene kigenda kwabuluzaamu eggulu. Agenda kunenya ekinywa ky'abonoonyi bano abatugaanye emyaka gino ekikumi mu abiri. Mmwe mutunule butunuzi mulabe. Mulaba?

Abamu ku bakkiriza ba nampawengwa, nga we mumanyi, abaatera okubeera awo nga tebayingira. Mu-mukyabalina ne leero nga bwe mumanyi. Bwe kityo, ba-bajja ne bagamba nti, "Namukadde ayinza okuba nga yali mutuufu, kale naffe tujja kwambuka tulindemu kko okumala ennaku nga ziizo, oba tulindemu essaawa nga ziizo buli ku makya, tulabe.

98 Olunaku olwaddako, mu kifo ky'ekire ekiddugavu, enjuba nga yiino Evaayo nga bwe Yakolanga bulijjo. Nuuwa bwe yatunula ebweru n'agamba nti, "abange tewali kire kyonna."

Omusajja oyo n'ajja n'agamba nti, "Ah, mmmanyi nga wali omu ku bo. Olaba nga bwe muli waggulu awo."

"Kale, Munsonyiweko ba ssebo. Ha-ha. Oba oli awo, nze-nze kale, mumanyi okukyamuukirira nga bwe mumanyi. Kale mulabe Ha-ha-ha."

Naye, Nuuwa yalina okugumiikiriza. Yagamba nti, "Singa tekijja leero, kijja kubeerawo enkya." Lwaki? Katonda bwe Yayogera bw'atyo. "Naye Nuuwa ekyo Yakikugamba ddi?"

"Emyaka ekikumi mu abiri egiyise. Nsobodde okutuuka wano, n'olwekyo ndi wano nnindirira." Ekyo mukiraba? Nga wayise akaseera...

Tuzuula, nga ne Katonda Atuuse wano ng'Alinda Ekkanisa Ye, nayo, era ejja kumala ebeereyo. Teweeraliikirira. Yakisuubiza.

Tulindiridde okuzuukira ekiseera kino kyonna. Kujja kubaawo. Teweeraliikirira. Katonda Yakisuubiza. Lindirira n'okugumiikiriza.

99 Ne bwe weebake ekyo tekijja...Oyinza okwebakamu akatono nga tekunnabaawo, naye mu kiseera ekyo ojja kuzuukuka. Mulabe nga Yakisuubiza. Okwebakamu akatono, mulaba, kye tuyita okwebakamu akatono ng'ofudde nga bwe mumanyi. Kye tuyita okufa, kwebakamu katono, oba okwebakira mu Kristo. Teri kintu ng'ekyo okufa mu Kristo. Okufa n'Obulamu tebisobola kubeerawo omulundi ogumu. Mulaba? Tufunamu bufuniyi okuwungulako katono ku tulo, otulo otwo mikwano gyaffe gye batasobola kutuyitayo. Ye yekka asobola okutuyitayo. "Ajja kuyita, nange nja kumuyitaba Ye," Yobu bwe yayogera. Yobu abadde yeebase okumala emyaka enkumi nnya. Teweeraliikirira. Ye ajja- ye ajja kuzuukuka. Teweeraliikirira. Akyalindirira.

100 Nuuwa yalinda. Olunaku olw'okuna ne luyita. Nga tewali nkuba. Bwe kiri. Ejja kubaawo.

Nsobola okuwulira Mukyala. Nuuwa n'ajja awo n'agamba nti, "Taata okikakasa...?" Yamuddamu nti "Toyogera bw'otyo."

Yalina okugumiikiriza, kubanga yalina okukkiriza. Yee, ssebo. Yalina amaanyi olw'obulungi. Yalina okumanya nti Katonda yali mutuufu. Yalina okwefuga. Teyabuubuukanga, ng'agamba nti, "Kale simanyi kituufu kye kiriko. Ettutumu lyange lyonna ndifiiriddwa ebweru eyo." Nedda, nedda. Oba nti, "Abantu tebakyanfaako. Nja kufuluma ntandike buto ebweru eyo." Nedda, nedda. Yalina okugumiikiriza. Katonda Yasuubiza. Katonda Ajja kukikola. Katonda ajja kukikola, Katonda bwe Yayogera bw'atyo.

101 Era ndaba nga mutabani we ajja awo n'agamba nti, "Taata omanyi..." N'akuba omukono gwe ku nvi ze empanvu, nga bwe mumanyi. Era yalina bikumi by'amyaka egy'obukulu, mumanyi ng'atudde awo. N'agamba nti "Mmanyi ng'oli nnamukadde ate omukulu. Taata nze-nze nkwegala nnyo. Naye kisoboka okuba ng'oli mukyamumu kko katono?" Ko taata nti, "Oh, nedda. Nedda".

Ko omwana nti, "Lwaki?"

"Katonda yayogera bw'atyo!"

"Kale, taata, ennaku mukaaga zino nga tutudde waggulu wano. Nga tutudde wano mu lyato lino eddene ekkadde, tetwenyenya. Lyonna limaze okusibibwa n'envumbo, ebweru ne munda. Era tumaze

emyaka gino gyonna nga tulizimba. Wayimiriranga eyo ebweru n'obuulira, okutuusa lwe wamera n'envi n'okukutuka ekiwalaata. Kaakati oli waggulu wano, ogezaako okwogera *kino na kiri*. Abantu bo baseka nga batukuba n'enyaanya envundu na buli kimu mu mbiriizi z'eryato. Naawe labayo ky'okola. Lwaki, mumanyi..."

Ko taata, nti, "Mutabani gumiikiriza."

Ko Omutabani nti, "Okakasa?"

Ko taata nti, "Ejja kutonnya!"

Mukamwana we n'agamba nti, "Taata, omanyi..."

Ko taata nti, "Ejja kutonnya."

"Wabula emyaka gino gyonna tubadde nga tulindirira. Tubaddenga Tuteekateeka. Era watugamba nti egenda kutonnya, wiiki eyise. Kaakati tuutuno wano munda, n'enzigi zigaddwawo, nga tuli munda wano tutambulatambula, nga n'enjuba ebabula nga bw'ebaddenga bulijjo."

Ko Nuuwa nti, "Naye enkuba ejja kutonnya."

Ko mukamwana nti, "Okakasiza ku ki?"

Ko taata nti, "Katonda Yayogera bwatyo!"

102 Kale, bw'otuuka ku ekyo, kigatteko. Naye bw'oba nga tokirina mu ngeri eyo, togezaako okukigattako. Tekijja kukola. Tekijja kukola mu kuwonyezebwa. Tekijja kukola ku buli kintu kyonna. Mulaba? Kirina kukwatagana n'ebyo bwe biteekeddwa okusaanuuka awamu. ekyo bwe kiri. Kirina okugattibwako. Okugumiikiriza awamu n'ekisuubizo kya Katonda. Yee, ssebo. Nuuwa Yakikkiriza. Era yalina okugumiikiriza Katonda emyaka kikumi mu abiri.

103 Musa yalina okugumiikiriza ne Katonda. Yee, ssebo. "Musa, mpulidde okukaaba kw'abantu bange. Ndabye okubonaabona kwabwe. Nzise okubawonya. Njenda ku kutuma emmanga eyo."

Olkawukana okutono okwali wakati wa Musa ne Katonda, Katonda yamulaga ekitiibwa Kye. Nga bw'agamba nti, "Nzuuno wano Njenda." Bwe yamala okulaba ekitiibwa kya Katonda, olaba, kyamuwa okukkiriza.

N'agamba nti, "Kiki ekyo mu mukono gwo, Musa?"

N'amuddamu nti, "Muggo."

Ye n'Amugamba nti, "Gusuule wansi."

Ne gufuuka omusota. N'alyoka amugamba nti, "Oh, abange! N'atandika..."

N'agamba nti, "Musa, gutwale. Bwe mba nga nsobola okugufuula omusota, nsobola n'okuguzzaayo nate ne guba omuggo."

Ah! [ow'Oluganda Branham akuba mu ngalo emirundi esatu-Omuk.] Amiina! Katonda bw'aba ng'Asobola okumpa obulamu obw'omubiri, Asobola n'okumpa Obulamu obw'omwoyo! Oba nga Katonda yasobola okumpa okuzaalibwa okwasooka, Asobola n'okumpa Okuzaalibwa okw'okubiri! Amiina! Katonda bw'Aba Asobola okuwonya *ono* mu kuwonya kw'Obwakatonda, Asobola n'okukyezuukiriza olw'ekitiibwa Kye mu lunaku olw'oluvannyuma. Ekyo bwe kiri.

"Nsobola okusuula wansi omuggo guno ne gufuuka omusota. Nsobola okuguzzaayo ne gufuuka omuggo nate. Gukwate ku kawuuwo."

Musa n'akutama n'aguggyawo. Guugwo awo nga gufuuse omuggo nate. Awo n'atandika okugattako okumanya awo. Olaba?

Musa kaakati omukono gwo gubadde ki?"

Ko Musa nti, "Tewali"

Ko Mukama nti, "Guteeke mu kifuba kyo."

"Kirungi. Kati ate..." nga gujjudde ebigenge. Ai Mukama laba omukono gwange!"

Ko Mukama nti, "Musa kaakati guzzeeyo mu kifuba kyo."

Musa n'aguzzayo mu kifuba kye, ne gufuuka nga...Olwo mulabe, n'atandika okugenda ng'abyongerako bw'atyo. Yee, ssebo.

104 N'atuuka emmanga eyo. Okwawukanamu okwasooka... Yatuuka emmanga eyo n'avaayo nga bw'agamba nti, "Mukama Katonda agambye 'Leka abantu bange bagende.' Falaawo, njagala omanye kino. Nzize wano ng'omukiise wa Katonda. Oteekwa okunjondera."

Falaawo yagamba nti, "Okugonda? Omanyi kye ndi? Nze Falaawo. Nze okugondera omuddu?"

N'amugamba nti, "Ojja kunjondera, oba si ekkyo okuzikirira. Ojja kukolako kimu oba ky'oyagala." Lwaki? Yali amanyi ky'ayogerako. Yalina omulimu ogw'okukola. Yali mmanga eyo. Yayogera ne Katonda. Yalina okukkiriza. Yamanya wa we kwali.

"Oyagala nze okukugondera? Fuluma ove ne wano!"

Ko Musa nti, "Nja kukulaga."

Ko Falaawo nti, "Ndaga akabonero."

N'asuulawo wansi omuggo; ne gufuuka omusota.

"Lwaki," yagamba nti, "ako akakodyo k'obufuusa kangu nnyo! Mujje wano akadakiika. Mujjeeko wano, mwe ba Yane ne Bayambere, nammwe musuule wansi emiggo gyammwe." Bwe baagisuula wansi ne gifuuukamu emisota.

105 N'agamba nti, "Ebintu byo bya layisi, n'ojja wano wendi, Omumisiri, falaawo we Misiri. Naawe n'olyoka ojja wano n'obukoddyo bwo obwa layisi, obumu ku buzannyo bwo obw'obulimba," mukimanyi, okwo kuba kusoma ndowooza. Mumanyi kye ntegeeza. Nsuubira muli mu kukisomako. "Kusoma ndowooza oba ekintu ekimu, mulaba, weewaawo, bw'oserengeta n'ebimu ku ebyo." Yagamba nti, "Kale tusobola n'okukola by'okola ggwe."

Musa yali ki? Teyagamba ko nti, "Ssebo Mwami. Falaawo, nsonyiwaamu kko." Nja kubeera muddu wo." Nedda, ssebo.

Yayimirira butengerera. Amiina. N'abeera awo. Katonda yamugamba nti tateekwa kubuusabuusa mu mutima gwe. "Ggwe kuuma eddembe lyo. Nnina kye njenda okukulaga."

106 Bw'oba okoze kyennyini kye Yakugamba okukola, nga kirabika ng'awali ekintu ekikyamu; yimirira butengerera, gumikiiriza.

Musa yagamba nti, "Omanyi bwe nnasimba emisingi eyo, nnasimbiramu obugumiikiriza eyo. Kale, nja kulinda bulinzi ndabe Katonda ky'agenda okuzzaako."

Omusota omukadde nga guli awo, gwewalula awo wonna, nga gufuwa, nga gusiiya eri ginnaagyo. Omanyi ekintu ekisooka, omusota gwa Musa, gw'agenda, "Miru, miru, miru," ne gugimira gyonna. Yalina okugumiikiriza.

Abo abalindirira Mukama,

baliddamu buggyaa amaanyi

gaabwe,

Balitumbiira mu bbanga

ng'empungu.

Ekyo bwe kiri? [Ekibiina kiddamu "Amiina." -Omuk.] Mulaba? Yee. Balidduka tebalizirika,

balidduka tebalikoowa.

Mulaba, mulindirire mu Mukama. Mugumiikirize. Mulaba? Yee, ssebo.

107 Era Isiraeri yali egenda kuggyibwayo. Okuvuganya okw'ekitalo ne kujja, Musa n'alindirira.

Era n'atuuka mu ddungu. Lugendo lwa nnaku ssatu oba nnya ennaku ssatu. Nga waliwo mmayiro ana zokka okuva we yasalira, awo wennyini we baasalira nate. Wabula Musa ng'ali mu ddungu, yalinda okumala emyaka ana. Okugumiikiriza. [ow'Oluganda Branham aseka. -Omuk.] Amiina. Ekyo bwe kiri. Yalinda emyaka ana. Oh! Yee, ssebo.

108 Naffe tulina okugumiikirigananga fekka na fekka. Mulaba? Olumu...tuba-tuba n'obutagumiikirizagana bungi. Tulowooza nti tulina kuba nga Musa. Musa yalina okugumiikiriza n'abantu. Olaba, ekyo kye ky'abalemesa okusomoka. Mulaba? Bw'oba ng'olina ky'ogezaako okukola...

Nga bwe ngezezzaako okuleeta Obubaka buno wano ku kkuunjaaniro, okulaba nga buli mmemba w'ekkuunjaaniro atuuka ku *Kino*. Kizibu nnyo okukikola. Nfubye okuba n'obugumiikiriza; gino kaakati

emyaka asatu mu esatu. Mulaba? Mubeere n'obugumiikiriza. Abakazi bakyasala enviiri zaabwe, mu ngeri y'emu. Wabula beera n'okugumiikiriza. Mulaba? Mubeere na kukkiriza. Lindirira. Oteekwa. Singa oba nga tokirina, togezaako kuzimbira ku kino *wano* wammanga. Mubeere n'okugumiikiriza.

109 Era olumu, ekibiina ky'abantu abo abajeemu bwe baalina obutagumiikiriza, baaleta Musa okukola ekintu ekikyamu. Naye, ate, bwe gwatuuka ku kulaga ani y'ani, katonda yalwala olw'ebikolwa byabwe. Kye yava agamba nti, "Musa Weeyawule. Njenda kutta ekibinja kyonna, era ntandike eggwanga eppya."

Yeesuula mu maaso n'alyoka agamba nti, "Katonda ekyo tokikola." Kiki? Okugumiikiriza abantu abaali bamujeemedde.

Nneewuunya obanga tusobola okukikola ekyo? Bw'oba nga tosobola, togezaako kuzimbira ku kino, kubanga te-tebikyuka nga bwe mumanyi. Bw'ekityo n'ekyasooka bwe kyateekebwamu okusaanuukira mu *kino*. Era y'engeri buli kimu ku bino bwe biteekeddwa okukolebwa. Bw'oba nga tokisobola, tosobola kutuuka ku kigera kya Katonda omulamu mw'Atuula, bw'oba nga tolina kugumiikiriza, okugumiikirizigananga mwekka na mwekka.

110 Bwe kiri. Abaana Abaebbulaniya baalina okugumiikiriza. Mazima ddala baalina. Katonda yali Yabasuubiza ng'abagamba nti, "Temuvunnamiranga kibumbe kyonna." Wabula baalina obugumiikiriza. Ne bagamba nti, "Katonda waffe Ayinza okutulokola. Naye era ne bw'Ataakikole, tetugenda kuvunnamira kifaananyi kyo." Obugumiikiriza, nga bamanyi kino, nga Katonda alibazuukiriza ku lunaku olw'enkommerero.

Obulamu buno tebulina ky'amaanyi kye butegeeza. Mulaba? Katonda agenda kubuzuukiza nate mu nnaku ez'enkommerero. Wabula bwe gutuuka ku kuvunnamira ekifaananyi, tetugenda kukikola. Kaakati, ebya Kayisaali tujja kubimuwa, wabula, bwe gutuuka ku Kayisaali okuyingirira ebya Katonda, Katonda y'Asooka.

Katonda yagamba nti, 'Temuvunnamiranga bifaananyi.' Nange sigenda kukikola. Katonda waffe Asobola okutununula. Ne bw'Ataakikole, nze sijja kuvunnamira kibumbe."

Ko kabaka nti, "Kale, ekikoomi kyo wekiri."

"Kale," omu n'agamba nti "oh, nteebereza, leero enkuba egenda kutonnya eguzikize gwonna. Naye teyakikola. Ne basigala nga bagumiikiriza.

111 Enkeera bwe baaletebwa mu maaso g'olukiiko, Nebukadduneeza ng'ali awo atudde. Yagamba nti, "Ky'ekyo balenzi, muli beetegefu okunzijjukira nga kabaka wammwe?"

Ne baddamu nti, "Bwe kiri, wangaala, Ai kabaka."

"Kaakati muvunnamire ekifaananyi kyange."

"Ko bo nti,"Oh nedda."

"Kale, mugenda kwokebwa musiriire. Muli basajja bagezigezi. Muli bagezi. Mubadde bayambi gye tul. Mubadde mukisa eri obwa kabaka bwaffe. Mmwe temusobola kukitegeera nga kino ssaagala kukikola? Era mmaze okuyisa ekiragiro ate kiteekwa okukolebwa. Ssaagala kubasuulamu omwo. Oh, basajja, kiki ekibatuseeko?"

"Mmanyi ng'ekyo kiwulika bulungi, naye Katonda waffe Asobolera ddala okutulokola. Naye era newankubadde..." Baalina okugumiikiriza.

Ne batandika okutambula okwolekera ekikoomi. Omu n'atunula ku munne. Kiri bulungi. Kale." Ne bagumiikiriza. Ne batwala ekigere ekisooka, Katonda nga taliwo. Ebigere biri, nga Taliwo awo. Ebigere bisatu, ebigere bina, ebigere bitaano, nga beeyongera kugenda bugenzi, era nga Ye Taliwo. Era n'alinnya butereevu mu kikoomi. Baalina obugumiikiriza, wabula Yaliwo awo. Mulaba? Omuliro oguwerako ne gubabuubuukirako, okwokya ebisiba ebyabali ku mikono ne ku magulu. Bwe baalinnya ku ntobo y'ekikoomi, nga Mwali. Mulaba? Baalina obugumiikiriza.

112 Ne Danyeri mu ngeri y'emu. Yalina obugumiikiriza. Mazima ddala. Yali simwetegefu kuwanika. Nedda, ssebo. Yakola ki? Yaggulawo amadirisa mu buli ngeri n'asaba. Kyali kyetaago kya Katonda. Yalina obugumiikiriza. Yalindirira Katonda, ng'akimanyi nti Katonda Yali Asobola okukuma Ekigambo Kye. Ne bamusuula mu bunnya bw'empologoma. Nga bwe bagamba nti, "Tukuwaddeyo empologoma zikulye."

Yabagamba nti, "Kirungi." Yalina obugumiikiriza. Lwaki? "Kale, nninze Katonda ekiseera kino kyonna, bwe mba nnina n'okulindirirayo emyaka emirala lukumi, nja kuzuukira ku lunaku olw'enkommerero. Bwe kityo n'afuna okugumiikiriza, n'alinda."

Pawulo yalina obugumiikiriza. Mazima yakikola. Labayo Pawulo kye yalina okukola

113 yogera ku kugumiikiriza!

Ate abantu Abapentekoote? Kasita baamala okufuna ekiragiro ky'omulimu, "Mulinde okutuusa," mulabeeyo, "mulinde okutuusa nga muweereddwa Amaanyi." Kumala bbanga ki? Tebaalina kibuuzo ku ekyo, "Bbanga ki lye baalina okulindira?" Eky'okuddamu baali baakirina, "Mulinde okutuusa."

Baayambuka waggulu eyo ne bagamba nti, "Kirungi, abalenzi oba oli awo mu ddakiika nga kkumi na ttaano, Omwoyo Omutukuvu agenda kuba ng'amaze okutukkako era tugenda kufuna n'obuweereza bwaffe." Eddakiika kkumi na ttaano ne ziyyita, tewaa liwo n'omu. Olunaku ne luyita, tewali; bbiri, ssatu, nnya, ttaano, mukaaga, musanvu.

Abamu ku bo bayinza okuba nga baagamba nti, "Abange, temulowooza nga twamaze dda okukifuna?" "Nedda, nedda, nedda, nedda," Ky'ekyo. Nedda. Ekyo bwe kiri.

"Kisingako abalenzi ne mufuluma ebweru." Setaani yagamba nti, "Mu-mu-mumanyi nga mwamaze dda okukifuna kye mwagala. Mugende mu maaso, mutandike obuweereza bwammwe."

"Nedda, nedda, nedda. Tetunnakifuna. Kubanga Yatugamba nti 'Wajja kujja, kiki ekiribaawo ku lunaku olw'enkomerero: n'emimwa eginaanaagira era n'ennimi endala Ndyogera eri abantu bano era kino kye Kiwummulo kye nnagamba,' mulabe, Isaaya 28:19." N'agamba nti, "Kino- ky'ekyo, mwe-mujja kukifuna bwe...Lwaki, tujja kumanya nga kizze. Tujja kumanya bwe kinajja. Tujja kukimanya, kisuubizo kya Taata." Olwo ne balindirira ennaku mwenda. Awo nno ku lunaku olw'ekkumi, "Twali eyo. Baalina obugumiikiriza, okulinda.

114 Kaakati, bw'oba ng'olina obugumiikiriza ekika bw'ekityo, Katonda ng'amaze okukuwa ekisuubizo ate n'okiraba mu Baibuli, "Kyange," olwo linda. Olwo bw'oba ng'olina obugumiikiriza ekika bwe kityo, bugatteko ku kukukkirizza kwo. Awo olaba nga bw'oyambuka okutuuka waggulu kaakati? Oyambuka waggulu wano kaakati. Bwe kiri. Akalimi k'essaawa nako kali mu kwetooloola, si bwe kiri? Bwe kiri. Bwe kiri. Kino kigatte ku kukkiriza kwo.

Bulijjo Ye mumuteekenga mu maaso gammwe nga mujukira nti Ye yasuubiza. Sinze eyasuubiza. Si musumba, oba ow'Oluganda Neville. Si muweereza mulala eyasuubiza. Teyali kabona omu oba ppaapa. Teyali muntu wa ku nsi. Yali Katonda eyakola ekisuubizo era Katonda Asobola okutuukiriza buli kimu kye Yasuubiza.

115 Kirungi. Bw'oba olina okukkiriza okw'ekika kityo okumanya nti Katonda Yakisuubiza! Ogamba nti, "ow'Oluganda Branham, ndi mulwadde. Okuwonyezebwa nkwetaaga bubi nnyo." Kikkirize. Kirabo ekikuweereddwa, yee, ssebo, bw'oba ng'osobola okukikkiriza. "Kale," ogamba nti, "Nzikiriza." Olwo kyerabire. Ky'ekyo kyokka. Kiba kiwedde. Mulaba?

Beera n'okugumiikiriza, bw'oba ng'olina okugumiikiriza. Bw'oba nga toli, laba ogwamu okuva ku musingi wano kijja kukoona wansi ebirala byonna, obutalekaako n'ekimu. Olina okuba nakyo. Ekyo tokigattako. Tokigattako, kubanga, kijja kusuula ekizimbe kyo ku ttaka bw'otaba na kugumiikiriza, bw'otaba na maanyi olw'obulungi okugagattako ku kukkiriza kwo ago g'ogamba nti ogalina. Era bw'oba nga tolina kukkiriza, bw'ogezaako okugattako amaanyi olw'obulungi, kijja kumenya okukkiriza kwo. Mulaba? Ogamba nti, "Kale, wano lindamu kko katono. Oba oli awo byonna nsobi, mu buli ngeri. Oba oli awo Katonda si Katonda. Oba oli awo tewali na Katonda." Mulaba nga kijja kumenyamu ekintu kyonna ebitundu bibiri. Mulaba?

116 Naye bw'oba n'okukkiriza okwannamaddala, teekako amaanyi olw'obulungi agannamaddala, olwo okumanya okwannamaddala, olwo okwefuga okwannamaddala, awo nno okugumiikiriza okwannamaddala. Mulaba? Oli mu kutambula ng'oyambuka amadaala. Ekyo kituufu.

Eky'okutaano, yongerako okutya Katonda. Oh, abange! Obwa Katonda okugattibwako. Okutya Katonda kitegeesa ki? Nnanoonyerezzaako mu nkuluze nga nnya oba ttaano era ssaasobodde na kulaba kiki kye kitegeesa. Ekyasembyeyo nnabadde mmanga eyo ew'ow'Oluganda Jeffries eyo, twakisanze mu-mu nkuluze. *Okutya Katonda* kitegeesa "okuba nga Katonda." Oh. Abange! Bw'omala okufuna okukkiriza, amaanyi olw'obulungi, okumanya, okwefuga, okugumiikiriza, olwo obe nga Katonda. Whew!

Ogamba nti, "Ekyo sisobola kukikola ow'Oluganda Branham." Oh, yee, osobola.

Leka mbeeko ebyawandiikibwa bitono bye mba nkusomera wano, mu ddakiika. Matayo 5:48 Tujja kutwala kino tulabe engeri gye kivugamu. Matayo 5:48, tulabe oba ddala olina kuba nga Katonda. Omamyi Baibuli egamba nti, "Muli ba katonda." Yesu bwe yagamba. Lwaki? Amaanyi olw'obulungi gonna, byonna ebintu ebiri mu Katonda biri mu ggwe. Matayo 5:48 "Mmwe mubeere..." Yesu bwe yali ng'ayigiriza ku by'emikisa.

*Mmwe mubeerenga a-b-a-t-u-u-k-i-r-i-v-u (Ekyo kiki?) batuukirivu nga Kitammwe ali mu ggulu bw'ali Omutuukirivu.*

Wano mulinnyelinnye waggulu kaakati, nga temunnaba kusabibwa kukikola ekyo. Ebintu bino birina kusooka okwongerwako. Olwo bw'otuuka waggulu wano, ky'Ava akusaba kaakati okubeera omutuukirivu,

okutya Katonda, abaana ba Katonda ab'obulenzi era n'ab'obuwala. Ekyo bwe kiri. Ng'ebintu bingi bye nnaandibadde nsobola okwogera mu buufu obwo!

117 Leka tukyukireko mu Abefeso 4, tusbole okuzuula, mu Kitabo kya Abaefeso, nakyo kyogera ku kintu ky'ekimu engeri gye tuteekwa-gye tuteekedwa okukolamu. Abaefeso essuula eyo 4 okutandika n'olunyiriri olwe 12. Abaefeso 4 n'olunyiriri olwe 12. Ekyo kituufu. Ieka tutandikire ku lwe 11.

*Era Oyo n'awa abalala okubeera abatume; abalala bannabbi...*

Mujukira ekiro ekyayise? Togezaako kutwala offiisi ya muntu mulala. Mulaba?

*...n'abalala ababuulizi, n'abalala basumba... ate n'abalala abayigiriza;*

"Okutuukiriza Katonda"? bwe kityo bwe kisoma? [Ekibiina kiddamu "Nedda." -Omuk.] Okutuukiriza ki? ["Abatukuvu."] Abatukuvu be b'ani? Abo abatukuziddwa. Amiina. Abo abatandikide wansi *wano*.

*...okutuukiriza abatukuvu, olw'omulimu ogw'okuweereza* (Obuweereza bwa Yesu Kristo), *olw'okuzimba omubiri gwa Kristo.* (Olw'okuzimba, okuva wansi okutuuka waggulu, Olw'okuzimba): okutuusa...

*Okutuusa lwe tulituuka fenna mu bumu obw'okukkiriza, n'obwokutegeera Omwana wa Katonda, lwe tulituuka okuba omuntu omukulu okutuuka mu kigera eky'obukulu obw'okutuukirira kwa Kristo:*

118 "Okutuukirira," kitwala okutya Katonda. Olina okugatta ku kukkiriza kwo okutya Katonda. Labayo ng'otandikira wansi *wano*, n'amaanyi olw'obulungi. Olwo n'ozzaako okumanya. Olwo n'oddako okwefuga. Era n'ogenda ku kugumiikiriza. Kaakati oli ku kutya Katonda. Okutya Katonda! Oh, abange! Obudde bwaffe buggwaayo. Leka tulabe. Naye mwategedde okutya Katonda kye kutegeeza. Muyimbye oluyimba luno

Nfaanane Yesu, nfaanane Yesu,

Ku nsi njagala mbeere nga Ye;

Mu lugendo olunantwala mu Kitiibwa

Nsaba kimu mbeera nga Ye.

Okwo kwe kutya Katonda. Bwe baamukuba Ye oluba olumu n'Akyusa n'olulala. Ye bwe baamubogglera, Ye teyayogera. Teyazza muliro. Mulaba? Okutya Katonda, bulijjo kunoonya ekintu kimu "Bulijjo Nkola ebyo ebisanyusa Kitange." Olaba? Yee, ssebo. Bulijjo. Okwo kwe kutya Katonda. Mulaba?

119 Bw'omala okuva *wano*, okutuuka *wano*, na *wano*, na *wano*, na *wano*, kaakati oba ojja mu kigera ekijjuvu eky'Omwana wa Katonda. Wabula olina okuba na *kino*, ng'ogasseeko na *bino* byonna, ate era tosobola na kutandika nga tolina *kino*.

Kaakati mujukire ekinyonyi ekiddugavu ekirina ebyoya bya nnyonyi muzinge. Temukyerabira. Mulaba? Togezaako kukigattako okutuusa ng'omaze okuzaalibwa omulundi ogw'okubiri. Kubanga, ggwe, tekija kukola, ate era ggwe tosobola kukireetera kukola. Kijja kutuuka ku *kino* oba *kino* *wano*, kituuke awantu kigwemu.

Naye bw'otuuka wansi *wano*, ejjiba eryazaalibwa omulundi ogw'okubiri mu ngeri eyannamaddala, olwo oba tolina ky'ogattako. Kyo kye kikwegattako, laba, nga bw'olinnya waggulu.

120 Bwe kiri, kaakati nga kijja mu kutuukirira. Kirungi.

Olwo nno, eky' omukaaga, leka tugattekko, wano Baibuli egambye, okwongerako okwagala kw'ab'oluganda...okwagala kw'ab'oluganda. Kaakati ekyo kirungi, wano wennyini, eky' omukaaga, eky'omusanvu. Kirungi. Okwongerako okwagala kw'ab'oluganda. Bwe kiri. Bwe tutuuka ku ekyo okwagala kw'ab'oluganda, olwo ggwe weetekee mu bigere bye mu nsonga ye. Kaakati ogamba....

"Muganda wange yannyonoona," Peetero bwe yagamba. "Mmusonyiwenga," n'agamba nti, "emirundi musanvu olunaku?" Yamugamba nti, "Emirundi nsanvu mu musanvu." Mukiraba?

Okwagala kw'ab'oluganda. Kaakati mulaba, ow'oluganda bw'aba avudde mu mbeera, tolemererwanga kumugumiikiriza. Mulaba? Nedda. Okiraba? Beera waakisa gy'ali. Mugende mu buli ngeri.

121 Waliwo eyagamba ssi bbanga ddene eriyise, ng'ayogera nti, "Oyinza otya okukkiriza ebintu bino engeri gy'okolamu, ate n'osigala ng'okyagenda mu Assemblies of God ne mu Oneness n'abalala bona?" Olwo nno awo teekawo, laba, okwagala kw'ab'oluganda. Okiraba? Mulaba? Ng'olina essuubi nti olunaku lumu, labayo; ng'ojja kumugumiikiriza, laba; okwefuga ng'ogumiikiriza awamu naye; okumanya, okutegeera kiki ky'akkiriza, ng'ojjukira, nti kiri mu mutima gwe, ekyo kye kiri; amaanyi mu ggwe, okukireka kifulume n'okwagala, obukkakkamu gy'ali; ng'olina okukkiriza nti lumu Katonda ali muyingiza munda.

Mulaba?

Okwagala kw'ab'oluganda, ekintu eky'omusanvu. Kimu, bibiri, bisatu, bina, bitaano, mukaaga, musanvu. [ow'Oluganda Branham akwata ku lubaawo emirundi musanvu. -Omuk.] Olaba, ekintu eky'omusanvu. Olwo nno, kaakati ojjirira.

Ekintu ekiddako, olwo gattako ebikolwa ebirungi nga kwe kwagala. Eryo ly'ejinja erisaanikira byonna. Olumu ku nnaku zino mu Kkanisa...

122 Kaakati leka kimanyibwe ku lutambi na buli wamu, kino kye njenda okwogera, sikiyigiriza nga njigiriza. Wabula njagala kukibalaga bulazi, olw'obuyambi bwa Katonda, kiki ddala kye kiri, nti, Baibuli Katonda gye yasooka okuwandiika ya *Zodiac* mu bwengula. Etandikirawo na mbeerera. Ekkomekkereza na Leo empologoma. Era bwe nnatuuka mu Nvumbo ey'Omukaaga n'ey'Omusanvu, ojja kukizuula, ng'Envumbo eyo endala bwe yabembulwa, akabonero ka *Zodiac* yali Kkookolo, eky'enyanja ekyasomoka. Era ogwo gwe mulembe gwa Kkookolo gwe tulimu kaakati, nga gubikuddwa. Era ekintu ekiddako, Envumbo zimenyebwa, ne zibikkula Leo empologoma okujja kwa Kristo okw'Okubiri. Yajja, ogwasooka, eri embeerera; Ajja, omulundi oguddako, nga Leo empologoma. Kino nja kukireeta...

Kaakati, simanyi oba nga enkyo ya leero n'aba n'obudde. Njenda kufuba nga bwe nsobola okubalaga nti amadaala gano gali mu zi piramiidi, ddala nga bwe gali, Baibuli ey'okubiri Katonda gye Yawandiika. Enoka yabiwandiika n'abiteeka mu piramiidi.

123 Ey'okusatu, bulijjo Katonda atuukiriziba mu kya kusatu. Olwo Ye ne Yeefuula Ekigambo Kye.

Wano, kaakati mu piramiidi... nteebereza bajaasi mmwe abangi n'ebintu mwali mu Misiri. Piramiidi terina kibikkako. Tebeerangako. Ejinja eryo ba Kabaka be Scotland kwe baabatikkiranga obwakabaka, na buli kimu kye balina, wabula naye...

Bw'oba ng'olina ekapapula ka ddoola mu nsawo yo, katunuleko, era ojja kukizuula nti ku luuyi olwa kkono, kuliko Empungu n'ebendera ya America. Era nga kyogera nti envumbo ya "America." Kyokka ate ku luuyi luli olulala, kuliko piramiidi n'ejinja ekkulu eribikkako n'eriso ly'omuntu. Ku luuyi luno kigamba nti, "Envumbo enkulu." Kale, bwe kiba nga lino ggwanga ly'amaanyi, Iwaki envumbo eno enkulu si y'ebeera envumbo y'eggwanga? Katonda abaleetera okujulira. Si nsonga wa gye bagenda.

124 Lumu nnali njogerako n'omusawo, era yali ampakanya eyo ku kyokero ky'amanda, ku kikwatagana n'owonyezebwa kw'Obwakatonda. Twali tuyimiridde ku luguudo. Yagamba nti, "Mwami. Branham, ggwe otabula butabuzi bantu." N'agamba nti, "Tewaliwo kuwonyezebwa wabula mu ddagala lyokka.

Bwe nnakyuka, ne ndaba akabonero ke akaali ku mmotoka ye, k'alina omusota ogwo nga guli ku muti. Ne njamba nti, "Akabonero ako akali ku mmotoka yo, awo kisingako n'okaggyako,' kubanga akabonero ko gwe kennyini kajulira nti Katonda Muwonya."

Omusawo owannamaddala ekyo akikkiriza. Ekyo ky'abo ab'ebiccupuli. Yee, ssebo. Omusota ku muti! Musa yawanika omusota ku muti. N'agamba nti, "Nze Mukama abawonya endwadde zzammwe zonna." Ne batunuulira omusota olw'okuwonyezebwa kw'Obwakatonda. Ate nga baakiwakanya mu bujulizi bwabwe; so nga ng'akabonero kaabwe bo bennyini kujulira gye bali okubawakanya. Whew!

125 Wano, eggwanga lyaffe, boogera kye bali, ate ng'ebintu bino babijolonga, nga ne ssente zaabwe bo, ebigula, bijulira gye bali nti envumbo y'ensi yonna ye Katonda. Mulaba eriiso eryo eriyimiridde waggulu w'ekyo ku kapapula ka ddoola? Eyo y'envumbo enkulu.

Teteekewanga ku ntikko ya piramiidi. Nabo baali tebamanyi Iwaki. Ejinja ery'oku nsonda lyagaanibwa, nga gwe Mutwe, Kristo. Naye lumu Lijja kujja.

126 Kaakati, mu kuzimba, amaanyi olw'obulungi...nga tuzimba ekijjukizo kino, nga tuzimba ekigera kino, mulaba, kitandika n'ejinja ery'omusingi; okukkiriza, amaanyi olw'obulungi, okumanya, okwefuga, okugumiikiriza, okutya Katonda, okwagala kw'aboluganda. Kaakati kiki kye kukola? Olwo biba birindirira Ejinja ery'oku ntikko, nga kwe kwagala, kubanga Katonda kwagala. Era y'Afuga, era nga Ye maanyi g'ebintu bino byonna. Ekyo bwe kiri. Yee, ssebo.

Wano wennyini ddala, munda *wano* wennyini, mulaba nga nnina, wakati w'emirimu gino gyonna, era wano amayengo gano amatono ne gajja. Kye ki ekyo? Omwoyo Omutukuvu ng'Akka wansi, okuyita mu Kristo, laba. Omwoyo Omutukuvu! Omwoyo Omutukuvu ali waggulu wa *bino* byonna, ng'abyokera wamu, ng'azimba (ekiki?) Ekkanisa etuukiridde olwo Ejinja lisobola okujja ne ligibikkako.

Kiki ekikoleddwa nate? Kirabisiddwa okuyita mu Mirembe gy'Ekkanisa Omusanvu, n'babaka b'Ekkanisa omusanvu.

127 Bwe tutandikira *wano* emabega. Ekkanisa yasooka kusimbibwa wa? Ekkanisa ya Pentekoote yasooka kusimbibwa wa? N'omutukuvu Pawulo mu Efeso, emmunnyeenye y'Omulembe gw'Ekkanisa ya Efeso, mu

Efeso.

Omulembe gw'Ekkanisa ogw'okubiri gwali gwa Sumuna. "Amaanyi olw'obulungi." Irenaeus omusajja ow'amaanyi eyakwatira waggulu Enjiri ya Pawulo.

Omulembe gw'Ekkanisa oguddako gwali gwa Perugamo nga ye yali Martin. Martin ye yali musajja ow'amaanyi eyasigalawo. Pawulo, Irenaeus, Martin.

Awo no mu Suwatira ne wajja Columba. Mumujukira? Kiikino wano nga kikubiddwa bulungi *awo*. Columba. Oluvannyuma lwa Columba... Emirembe gy'ekizikiza gyayingirawo.

Awo ne wajja ogwa Saadi, akitegeeza *okufa*. Luther. Hallelujah! Kiki ekyaddako? Kiki ekyaddako oluvannyuma lwa Saadi, Luther?

Ne wajja Firaderufiya. "Okutya Katonda." Wesley, butukuvu! Omutukuvu anaabanga mulamu lwa kukkiriza," Luther ye bwe yagamba. Olwo okutukuzibwa okuyita mu Wesley.

Olwo ne wayingirawo okwagala kw'ab'oluganda okuyita mu Lawodikiya. Era tukkiririza mu Bubaka obukulu obw'okulabika kwa Eriya omulungi ogw'okubiri, mu lunaku olusembayo okugenda okwera ensi.

128 Wano we muli, Emirembe gy'Ekkanisa Omusanvu, emitendera musanvu. Katonda ng'Azimba Ekkanisa Ye, alinga omuntu omu mu sekinnoomu, okutuuka mu Ye Mwennyini. Ekitiibwa, Amaanyi ga Katonda, nga gakka okuyita mu *kino* nga gabigatta wamu byonna. N'olwekyo, Abapentekoote abaaleka Abaluther, abaaleka Abawesley n'ebintu, tebamanyi kiki kye boogerako. Mulaba, baabeeranga mu kitundu kya Yeekaalu *kino*. Eyo y'engeri, abantu abamu gye basobolamu okwambuka waggulu ate ne bamala ne bagwa okukivaako. Wabula waliwo ekitundu ky'ekyo ekyannamaddala, ekibeera nga kikuuma ekizimbe ekyo nga kikula. "Nja kuzzaawo," bw'ayogera Mukama.

Mujjukira *Omuti gw'Omugole*? Mujjukira Obubaka obukwata ku *Omuti gw'Omugole*? Obuwuka bwagulya, naye n'Agusalira. Ne bafuna amatabi g'ebibiina by'eddiini; n'Agasalako. Ne basitulayo ekkanisa endala, matabi ga ddiini; n'Agasalako. Naye omutima gw'omuti gwagenda mu maaso nga gukula. "Era mu kiseera eky'akawungeezi waliba Omusana." Mulaba? Olwo Kristo w'Ajjira, Omwoyo Omutukuvu. Olwo Kristo ajja ng'Omutwe gw'ekkanisa Ye Mwennyini n'Agisaanikira, era ajja kuzuukiza Ekkanisa eno, nga gwe Mubiri Gwe gwennyini. Omwo mwe muli omubiri.

Era engeri Katonda gy'Atusuubiramu ng'omuntu sekinnoomu okukulamu, y'engeri gy'Aleeseemu Ekkanisa Ye okukula. Buli mulembe gwa Kkanisa gwafuukamu Ekkanisa ennene emu.

129 Mukiraba?

*Bano* tebaasabibwa bano kye baasabibwa. *Kino* kyali tekyetaagisa *kino* kye kyali. Mulaba? Naye Ekkanisa Ye yagikuza mu ngeri y'emu. Yakuza Ekkanisa Ye mu ngeri y'emu gy'akuzaamu abantu Be. Awo Peetero wano ky'ava ayogera nti, ebintu ebisooka omusanvu: okukkiriza, amaanyi olw'obulungi, (laba, nga bw'ayambuka), okumanya, okwefuga, okugumiikiriza, okutya Katonda, okwagala kw'ab'oluganda, yongerako okwagala kw'aboluganda, olwo ate okwagala kwa Katonda. Omwoyo Omutukuvu, Kristo mu Mwoyo Omutukuvu, bw'Akujjako, mu kubatizibwa okutuufu okw'Omwoyo Omutukuvu, era oba n'ebikula bino byonna nga bisiddwaako n'envumbo mu ggwe. Olwo Katonda n'Alyoka abeera mu Yeekaalu, eyitibwa Ekizimbe, Yeekaalu ennamu eya Katonda omulamu ekifo katonda mw'Atuula.

130 Omuntu bw'abeera n'ebintu bino, olwo Omwoyo Omutukuvu Ajja ku ye. Si nsonga oyinza okwogera mu nnimi, osobola Okugeegeenya ekirabo kyonna Katonda ky'alina. Oyinza okukikola ekyo. Wabula okutuusa ng'ebikula bino *wano* bimaze okubeera mu ggwe, oba okyali wabweru w'omusingi gw'okukkiriza omutuufu ogwa nnamaddala. Naye ebikula bino bwe bikula munda, nga wagatta ekyo ku ekyo, olwo obeera ekijjukizo ekiram. Oli kibumbe ekiram ekitambula.

Naye, mumanyi, abakafiiri, beeyala mu maaso g'ebibumbe, ba katonda abateeberere. Era mu ngeri ey'okuteebereza bakkiriza nti katonda oyo omuteebereza addamu n'ayogera gye bali. Obwo bukaafiiri. Eyo nkola Yakirumi. Bavunnamira buli mutukuvu era na buli kintu kyonna ekirala. Era balina Omutukuvu Cecelia, ennyumba ya katonda, n'ebintu ebirala bingi bwe bityo. Ne babivunnamira, era mazima ddala bakkiriza ebyo mu ngeri ey'okuteebereza. Nga-nга kifaananyi ekyo Katonda omulamu.

131 Wabula ffe, mu ngeri etali yakuteebereza, naye nga tweyala mu maaso ga Katonda omulamu, amaanyi amalamu olw'obulungi, okumanya okulamu, okugumiikiriza okulamu, okutya Katonda okulamu, Amaanyi amalamu agava ewa Katonda omulamu, kikola omuntu omulamu mu kifaananyi ekiram mu kigera kya Katonda. Ali mukukola ki? Ebintu by'ebimu Yesu bye Yakola; ng'Atambula mu ngeri y'emu nga bwe Yatambula, ng'Akola ebintu by'ebimu bye Yakola. Kubanga byo si bintu bya kuteebereza. Waliwo ekyannamaddala ekikakasa.

Mulaba kye ntegeeza? Mulabeeyo engeri ebikula bino, ebizimbisibwa bino, bwe bikwataganira mu kifaananyi kyennyini eky'ababaka b'Ekkanisa n'emirembe gy'Ekkanisa? Kaakati, olumu ku nnaku zino,

tugenda kutwala kimu kimu ku bigambo bino, tubiyige, era tulage nga bikikakasa. Byonna bigendera wamu. Mazima ddala. Mukiraba? Oh, abange! Ng'ekyo kyakitalo, laba, okulaba, kiki-kiki kye kikola.

132 Kaakati, Nnyumba ki Katonda mw'Atuula; si kizimbe okuli n'ekide ku kasolya kaakyo, n'obutikkiro obuwantu. Mulaba? "Wabula wanteekerateekera Omubiri," Omubiri Katonda gw'Asobola okutuulamu, Katonda okutambuliram, Katonda okulabiram, Katonda okwogereramu, Katonda okukoleramu. Amiina! Ekkozeseewa kya Katonda ebiram, nga Katonda Atambulira ku magulu abiri, mu ggwe. Ekitiibwa! "Ebigere eby'Omuntuukirivu bikulemberwa Katonda," Katonda ng'Atambulira mu ggwe. "Mmwe muli bbaluwa empandiike esomeebwa abantu bonna." Era Obulamu obuli mu Kristo bwe bubeera mu ggwe, ojja kubeera Obulamu Kristo bwe Yalina.

133 Nga bwe njambyenga. Twala amasanda okuva mu muti gwa Piiki n'ogakyusa n'ogakuba n'empiso mu muti gwa Apo, omuti gwa Apo gujja kubala ebibala bya Piiki. Mazima ddala. Era gusobola. Si nsonga amatabi gafaanana gatya, mulaba, nga galina n'amasanda g'omuti gwa Apo munda mugo, laba, oba omuti gwonna kye guyinza okuba. Okiraba? N'otwala obulamu bwagwo okuva mu muti gwa Apo, n'ogaggyamu gonna, n'okozesa empiso okugukubamu amasanda g'osise okuva mu muti gwa Piiki. Kiki ekibaawo? Teguddamu kubala zi Piiki, mulaba? Nedda, ssebo. Tegujja. Obulamu bw'omuti gwa Piiki bwe bujja mu muti gwa Apo, era tegujja kubala zi Apo nate. Gujja kubala zi piiki, kubanga labayo, gulina obulamu mugwo.

134 Kale, bw'otutwala, mu ffe temuli kintu kyonna wabula endeku y'omu ttale, ab'effujjo, temulina mulamwa mu ffe, kubanga fenna twafiira mu bibi n'ebyonoono. Era fenna tuli mu mbeera eno. Olwo kati ffe, fennyini tusobola okweyala wansi, okwewaayo ffe, okutuusa nga Katonda Atutte akapiira Ke akakyusa omusaayi, Erinnya lya Yesu Kristo, kubanga, "Tewali na Linnya ddala wansi w'Eggulu eritugwanira okulokola omuntu," addire Obulamu bwa Kristo abuteeke mu ffe. Olwo tuba tulina okukkiriza kw'ekika *kino*, okukkiriza Kristo kwe Yalina. Era okukkiriza kwa Kristo kwali takwesigamiziddwa mu Bafalisaayo abo, newankubadde Abasaddukaayo, wadde mu nsuwa zaabwe, amabinika, obutaasa, n'okunaaba kwabwe. Kwali kwesigamiziddwa ku Kigambo kya Katonda, amiina, nnyo nnyo n'okutuusa Kristo bwe yali nga ye Kigambo, Ekgambo ne kyambala omubiri. Era awo bwe tuba nga tusobola okuteekewamu amaanyi Ge, ffe okusobola okufa ku ndowooza zaffe, n'okukkiriza kwaffe ne kufuuka okwannamaddala, Aleeruya, olwo Obulamu bwa Kristo buba buteereddwa mu ffe. Tufuuka ebitonde ebiggya ebya Katonda, ekifo eky'okubeeramu Omwoyo Omutukuvu mw'Asobla okusindika emikisa gye okukka okuyita mu ebyo, era tuba mu kigera kya Kristo.

135 Yesu yagamba nti, "Tekyawandiikibwa? Munnenya, nga mugamba nti 'Ndi Mwana wa Katonda'. Tekyawandiikibwa nti 'Muli ba katonda,' Amateeka gammwe gennyini ekyo tegakyogera?" Nga Musa, nga Eriya, nga bannabi abo abasemberera okumpi ennyo ne Katonda, okutuusa Katonda bwe Yeeteeka yenna mu bo. Era nga boogera, si bo wabula Katonda. "Temwebuuzanga kye mulyogera, kubanga ssi mmwe aboogera. Wabula Kitammwe, Atuula mu mmwe; y'Ayogera." Ebigambo Bye si bibye yekka, kubanga obulamu bwe buba bufudde.

136 Bw'ofa, n'oggyamu omusaayi mu muntu, n'omukaza. Omutawaana gwakyo guli nti, abasinga obungi ku bo tebaakazibwa. Omuntu bw'omuggyamu omusaayi, aba agenze. Ekintu kyokka ekirala ky'osobola okukola kwe kumuteekamu omusaayi omulala; agenda kuba mulamu nate. Waggyamu omusaayi okuva mu ye.

N'olwekyo twateekewamu Omusaayi gwa Yesu Kristo, laba ng'ekyo kireeta okukkiriza kwa Yesu Kristo, amaanyi olw'obulungi aga Yesu Kristo, okumanya kwa Yesu Kristo, okwefuga kwa Yesu Kristo, okugumiikiriza kwa Yesu Kristo, okutya Katonda okwa Yesu Kristo, okwagala kw'ab'oluganda okwa Yesu Kristo n'okwagala kwa Katonda nga ye Yesu Kristo. Ye Mutwe era akufuga N'ebigere byo gw'emusingi, okukkiriza. Amiina! Nga bifugibwa Omutwe kitwala...?... Awo we muli. Wuuyo awo omuntu atuukiridde owa Katonda, bw'abeera n'embala zino zonna.

137 Olwo, Katonda, Akiikirira Ekkansa Ye ng'Omugole, omukazi. Katonda Akiikirira Ekkansa Ye ng'Omugole. Era engeri gy'aleetamu buli muntu okubeera omwana We, okugenda mu Mugole oyo, n'Omugole amuyisizza mu mirembe gino. [ow'Oluganda Branham akoona ku lubaawo emirundi musanvu. - Omuk.] okutuusa lw'aleeta ekkansa eno ejjudde munda mu *kino*.

Ebigere byange bitambula. Lwaki? Kubanga omutwe gwange bwe gugambye gutyo. Kaakati, tebisobola kutambula nga mukono, kubanga byo bigere byange. Luther tasobola kukola, bintu bye tukola, newankubadde Abamesodisiti, kubanga bo baali kintu kirala. Mulaba? Ebigere bitambula kubanga omutwe gugambye gutyo. Ate era omutwe tegulyogera nti, "Kaakati, bigere, mufuuke emikono. Kutu fuuka maaso." Mulaba?

Naye, buli mulembe, ebintu bino Katonda abitatde mu Kkanisa Ye, ng'abiteeseteese okuyita mu kulaga nti buli muntu ssekinnoomu abirina bino, aba alina n'ebisaanyizo bino. Era Ekkula *kino*, bwe kiggwa, y'Ekkansa ya Katonda egenda mu Kukwakkulibwa. Era ekkula *kino*, nga kiwedde, ye muweereza wa Katonda mu kkanisa ya Katonda eyo egenda mu Kukwakkulibwa. Ekitiibwa! Mulaba kye ntegeezza? Awo we muli. Ekintu mu bujuvu kiikyo awo.

138 Wajja *wano* omusajja, Pawulo, ng'ateekawo omusingi. Irenaeus naye, n'atandika *kino* okuyiwamu ekyo. N'eyaddako n'ayiwamu *kino*, mu kyo. N'omulala eyaddako n'ayiwa *kino*. Addako *ekyo*, *n'ekyo*, *n'ekyo* nga bwe kyeyongerayo okutuusa ng'ekintu kyonna kituuse ku mulembe ogusembayo. Naye kye kiki? Omwoyo y'omu.

Omwoyo y'omu oyo atuula mu nze agamba nti, "Emikono, kola ku nsonga eyo." Omwoyo y'omu agamba nti "Ebigere, musimbule." Mulaba kye njamba?

Kale nno, ekigera kyo kyonna kifugibwa era kikulemberwa bintu bino, naye tekisobola kufugibwa kyonna okutuusa nga kirina ebisaanyizo bino byonna.

139 Kino mwali mukiwuliddeko? Kaakati leka mbabuulire kino. Era mwekuumire ddala... Kino mukiteeke mu matu agawulira. Mulaba? Olujegere luba Iw'amaanyi awali ekkowe erinifu. Ekyo bwe kiri. Teruba lugumu kusinga kkowe lyalwo erinifu.

Si nsonga *zino* zizimbiddwa nga z'amaanyi zitya, *luno* nga luzimbiddwa; bwe kiba nga mulimu ekkowe erinifu, awo wennyini welumenyekera. Telusobola kubeera Iw'amaanyi okusinga awo awali ekkowe ly'alwo erinifu. [ow'Oluganda Branham asonga ku kye yakubye ku lubaawo-Omuk.] Kaakati bw'obeera olina nga bw'ogamba nti olina *kino*, *kino*, *kino*, ate nga tolina *kino*, awo wennyini we kimenyekera. Bw'oba ng'olina *kino*, naye nga tolina *ekyo*, awo wennyini we kimenyekera. Olina *kino* ate tolina *ekyo* kijja kumenyeka. *Kino* nga tewali *kiri*, kijja kumenyeka. *Kino* nga tolina *ekyo*, kijja kumenyeka. Mulaba? Bw'oba nga tolina.... Tosobola kuba na *kino* ate nga tolina *kino*.

Olwo bw'owaayo obulamu bwo bwonna, awo Omwoyo Omutukuvu afukumula okuyita mu ggwe, okuyita mu mbala zino, olwo ng'oli Yeekaalu ennamu. N'abantu bwe batunula bagamba nti, "Omusajja oyo ajjudde amaanyi olw'obulungi, okumanya (akkiriza Ekigambo), okwefuga, obugumiikiriza, okutya Katonda, okwagala kw'Ab'oluganda, ng'ajjudde okwagala kw'Omwoyo Omutukuvu. Mumulabe wuuno wano atambulatambula." Kiki? Ekigera abatakkiriza kye basobola okulaba ne bagamba nti, "Omukristaayo wuuyo awo. Omusajja oba omukazi wuuyo awo, omu ku abo abamanyi kiki kye boogerako. Nga tolabangako muntu waakisa, omuwoomerevu atya Katonda."

140 Obeera oteekeddwaako envumbo. Envumbo erabikira ku njuuyi z'ombi. K'obeere ng'ogenda oba ng'okomawo, envumbo ogiraba nga y'emu. Awo we muli. Mulaba? Omusajja oba omukazi *bw'aba* na bino, olwo Ejinja ly'oku ntikko liija ne libassaako envumbo mu Bwakabaka bwa Katonda, oyo nga ye Mwoyo Omutukuvu.

Awo Ekigambo ekiva *Wano*, kyerabisa mu buli kimu ku biramu bino, labayo, nga kifuula Ekiramu kino ekijjuvu Yeekaalu ya Katonda omulamu enzijuvu, ng'etambula ate ng'eky'okulabirako ekiramu eky'Obukristaayo. Ekyo Kristo kye yali, abantu bano kye bali, kubanga Obulamu Bwe buli omwo. Bali mu Kristo. N'obulamu bwabwe nga bufudde bukwekeddwu mu Kristo, okuyita mu Katonda era nga busibiddwa n'envumbo munda omwo ku Iw'Omwoyo Omutukuvu. Bakkolinso Ekisooka 12. Ekyo bwe kiri. Mulaba? Nga weetwala ng'afudde, olwo ng'ozaaliddwa n'okukkiriza. Amaanyi olw'obulungi na bino ebintu ebirala nga bikugattiddwaako okutuusa ng'oli kifaananyi kya Katonda ekituukiridde.

141 Ekyo kya kitalo? [Ekibiina kiddamu "Amiina." -Omuk.]

Olwo Katonda, okuyita mu ekyo, bw'aleese Emirembe gy'Ekkanisa Omusanvu okulaga amadaala omusanvu ge yaleeteramu bwe yali ng'azimba omuntu We mu kifaananyi Kye, aba Azimbye Ekkanisa ejjudde mu kifaananyi Kye. Era mu kuzuukira, Omubiri guno ogujjudde gujja kuzuukizibwa okubeeranga Naye emirembe gyonna, kubanga ye Mugole. Mulaba? N'olwekyo ekyo kikwata mu buli mulembe, buli mulembe ogwajjanga.

Jjukira waliwo ebingi ebyetaagisibwa. Mujjukira kiki Pawulo kye yagamba wano mu Abaebbulaniya 11? Leka mbasomereyo kko nga tetunnaba kumaliriza, mu kadakiika. Olwo mmwe... kibaleeteramu okwewulira mu ngeri ey'enjawulo buli lwe...buli lwe nsoma kino. Nnjenda kufuna Abaebbulaniya 11 ntandike n'olunyiriri olwa 32

*Njogere ki nate? Kubanga ebbanga linanzigwako bwe nnaayogera ku Gidiyooni... Balaki ne ... Samusooni ne... Yefusa ... Dawudi ne Samwiri ne bannabbi.*

*Olw'okukkiriza abo be baawangula obwakabaka, be baakola eby'obutuukirivu, be baafuna ebyasuubizibwa, be baabuniza obumwa bw'empologoma,*

*Be baazikiza amaanyi g'omuliro, be badduka obwogi bw'ekitala, be baweebwa amaanyi okuva mu bunafu, ne bafuuka abazira mu ntalo, ... baagoba eggye ly'abamawanga.*

*Abakazi ne baweebwa abafu baabwe mu kuzuukira... n'abalala ne bayigannyizibwa, nga tebaganya kununulibwa, balyoke baweebwa okuzuukira okusinga obulungi.*

Bw'okkirira wansi wano. Mulaba? [ow'Oluganda Branham asonga ku kye yakubye ku lubaawo-Omuk]

ekyo bwe kiri.

*N'abalala ne bakemebwa ... baduulirwa .... nga bakubibwa, era nate nga basibibwa ne bateekebwa mu kkomera:*

*Baakubibwa amayinja, baasalibwamu n'emisumeeeno, baakemebwa, battibwa n'ekitala: baatambulanga nga bambadde amaliba g'endiga n'agembuzi, nga tebalina kantu, nga babonyabonyezebwa nga bakolwa bubi.*

(ensi beetasaanira) ...

Mulabe mu binnonyola awo, bwe Mwetegereza mu Baibuli zammwe.

...nga bakyamira mu malungu ne ku nsozi, ne mu mpuku, ne mu bunnya obw'ensi.

...N'abo bona bwe baamala okutegeezebwa olw'okukkiriza kwabwe...

Wano! [ow'oluganda Branham asonga ku kyakubye ku lubaawo-Omuk.]

...baamala okutegeezebwa olw'okukkiriza kwabwe, ne batafuna ekyasuubizibwa, (Mulaba?)

Katonda bwe yatulabira edda ffe ekisinga obulungi, bo baleme okutuukirizibwa ffe nga tetuliiwo.

142 Mukifuna? Abantu bano abaafa, wano, beesigamye ku ffe era batulinda. N'olwekyo, Ekklesia eno erina okutuuka ku kutuukirira okusobola okuleeta okuzuukira, era bali wansi, Emyoyo egiri wansi w'ekyoto, nga balindirira Ekklesia eno okutuuka ku kutuukirira kwayo, awo Kristo w'Ajjira.

N'Ekklesia eno gye mulaba egenda efuuka ntono, ye y'abatono ddala. [ow'Oluganda Branham asonga ku kyakubye ku lubaawo-Omuk.] kyonna kigenda kuba kisongovu n'okusuinga awo, wabula njagala kukiwandiika buwandiisi aw, laba. Kituuse ku kasongezo akalinga empiso. Okutuusa Ekklesia ey'abatono, era ng'erina okutuuka mu kifo okutuusa nga kika kya buweereza buno obusigadde, kubanga, awo Ejinja ery'oku ntikko werikomerawo...

Lirinawo engeri efaanana ng'ensawo wano, we ligendera okutuula ku piramiidi eya bulijjo. Si kibikka ekituula obutuuzi ku ntikko. Lubuubuuto olutonotono, okwo kwe lirina okutuula, kubanga liyiwa amazzi. Era bwe liija Ekklesia eno erina okutuukirizibwa.

Bino byonna, biwummaza amayinja mu piramiidi, nga gagalamidde mu ngeri etuukiridde okutuusa nga tosobola na kuyisaamu kajirita wakati, gazitowa obuzito bwa zi ttani, obuli omwo. Engeri gye baagafunamu, tebamanyi. wabula gaazimbibwa.

Era waggulu wano, Ekibikka ku piramiidi bwe kijja, piramiidi yennyini, Omubiri gwa Kristo gujja kuba gulina okutuukirizibwa. Si biyiiye byokka oba enjigiriza oba ekintu ekirala kye tuyiseemu. Ejja kuba ng'etuukiridde nga Kristo, okutuusa nti, Ye ng'Azze, ye n'obuweereza obwo bajja kuba nga bakwatagana bulungi wamu ddala. Mulaba? Olwo okukwakkulibwa ne kulyoka kubaawo okugenda Eka.

143 Mulabe wa we tuli, mu Lawodikiya, ekklesia w'ebeeredde nga gwe mulembe gw'esinzeeyo okuba embi ennyo ku zaali zibaddewo. Mu Baibuli tuzuula, nga gwe gwali omulembe gw'ekklesia gwokka nga Yesu ali wabweru ku luggi lw'ekklesia, ng'akonkona, ng'Agezaako okudda mu kizimbe Kye. Ebiyyiye n'ebibiina by'amadiini byamufulumya n'okumufulumya wabweru w'ekklesia Ye. "Laba, nnyimiridde ku luggi nkunkona. Omuntu yenna bw'alumwa ennyonta n'aggulawo oluggi, nnaayingira gy'ali era nnaalira wamu naye." Mulaba? Kiikino wano, mu mulembe guno ogw'ekklesia. Baamufulumya ebweru Mpolampola, okutuuka wano we baamugobera ddala. Nga tebakyalina kye bamwagalako wadde.

Kale, kaakati, mulaba olwa leero wa we tugenda. Ne mukuunzika kw'Omulembe gw'Eklesia ya Lawodikiya efuukidde ddala ey'emikolo, okutuusa yo n'Obukatoliki obwagimenyera ddala wano, baddinjanye awamu n'okwegatta ng'ekklesia emu ey'amaanyi. Okwegatta kw'amakanisa ky'ekimu n'Obukatoliki.

144 Waliwo enjawulo emu yokka, bwe baba basobola okugiwangula, kwe kusembira. Eyo y'ensonga yokka eri mu Diocese (Amasaza) ekiziyiza Obukatoliki n'Obupolotesitante okwegatta, y'engeri ey'okusemberamu. Ekelezia enkatulika egamba nti, "Guba mubiri." Ate Obupolotesitante bugamba nti, "Gukiikirira omubiri." Obukatoliki bukola okusaba kwa Mmisa mu kyo. Okusaba kwa mmisa okwo, mbu, bwe basembera nga basuubira nti basonyiyiddwa. Obupolotesitante bukitwala na kukkiriza nga beebaza Katonda, mu kusembira nti basonyiyiddwa. Obupolotesitante bugamba nti, "Tusonyiyiddwa." Obukatoliki bugamba nti, "Tusuubira okusonyiyibwa." Mmisa n'okusembira. Bagiyita Mmisa; tukiyita kusembira. Mmisa kuba kusuubira nti kirabika kiri kityo. Okusembira kuba kumanya nti kiri kityo, era tumwebaza Ye olw'ekyo. Mulaba? Era awo ky'ekintu kye batasobola kukkaanyako. Bajja kukikola.

145 Oh, kirabika nga kirungi nnyo. Bija kwegatta, okuddukanya... kijja-kijja kuddukanya... Kale, Baibuli egamba nti, "Era ensolo zino ne ziwa obuyinza bwazo eri omwenzi," laba, nga beegasse wamu. Mulaba?

Baibuli kyennyini ky'egamba nti kye balikola, bali mu kukikola kaakati. Kigenda butereevu mu maaso, wiiki eno yennyini. Si nti mpakanya Abakatoliki, newankubadde Abapolotesitante.

Mmwe Abamesodisiti n'Ababaputisiti nammwe Abapentekoote abasinga obungi ng'amakanisa gammwe gayingidde mu kibina ekigatta amakanisa mu nsi, bwe baafuna ekizimbe ky'ekibiina nga kizimbiddwa eyo mu New York, ky'ekimu ddala n'ekibiina ky'Amawanga Amagatte na buli kimu. Bagezaako okugatta wamu Abapolotesitante.

Kaakati Abakatoliki bagezi nnyo ku kino era bagenda kuleeta Ppaapa Yokaana owa 23, oba owa 22, kyonna ky'ali. Agezaako mu ngeri eya wansi ey'obuwombeefu, okuleeta Obupolotesitante n'Obukatoliki eri okukkiriza kumu nga bakolera ddala Baibuli ky'egamba nti kye balikola. Awo we muli. Era Abapolotesitante bategeddwa era bakikkirizza, balimbiddwa ddala.

Lwaki? Lwaki? Kubanga, *tebalina* bintu bino. Okumanya "Ekigambo kituufu." *okugumiikiriza*. "Abo abalindirira Mukama." Mulaba kye ntegeeza?

146 Nga bisopu w'Abamesodisiti oyo bwe yayogera olunaku Iwa luli, bwe baayisa ekyo. Era buli omu akimanyi, engeri, kiki ekyalunjamy ekkyo, okugezaako okufuna essaala emu okubeera nga esomebwa mu kkanisa ova mu ssomero. Era nga baagala oku...kye ndowooza kyali kitabo eky'essaala eky'Abapulesibataliya ova ekimu ku ebyo nga n'abazzadde baawabira e-e-essomero kubanga Tebaayagala ssaala eno baana baabwe kugisaba ku ssomero. Ne bisopu ono Omumesodisiti yali nnamukadde omugezigezi, yayimirira n'agamba nti, "Ekkyo kikyamu." N'ayogera nti, "Kimenya ssemateeka." N'atandika okwogera ebitakwatagana. Yagamba

nti, "Nga mu kkanisa yaffe ey'Abamesodisiti," yagamba nti, "mu kkanisa yaffe ey'Abamesodisiti." ng'agamba nti, "abantu baffe bangi boogera nnyo ku kaleega luvuvvuumo oluli mu Hollywood, nga kyenda mu ttaano ku buli kikumi kubo bagendayo okukiraba mu buli ngeri."

Ekizibu kiuwa? Baaleka *kino*. Ekkyo bwe kiri ddala. Ekkyo bakivaako dda.

147 Nnali njogerera wano wennyini mu kifo kino, ku lunaku Iwa luli eri-eri omukungu w'emu ku kkanisa y'Abamesodisiti ennene ng'ali mu kibuga Falls, emu ku makanisa g'Abamesodisiti agasinga okubeera ag'omwoyo agali mu kibuga kino Falls. Nkulaga omulembe gw'Amesodisiti ogwali emabega w'ogwaffe, ogwa Pentekoote. Era n'agamba nti, "Mu St. Louis Missouri, baatwala okwekkenneyna, emyezi ng'esatu ova ena egiyise ne baazuula." Omusajja oyo ayinza okuba ng'atudde wano enkyo ya leero. Kale, mukulu w'abazimbi oyo azimba kino, atuzimbira ekizimbe. Wa Main Street Mesodisiti, eyo ow'Oluganda Lum nabo ye yali omusuba. Kale nno tukizuula nti mu ekkyo kye nzikiriza kyali nga nsanvu n'okusingawo ku buli kikumi eky'abantu Abamesodisiti mu kwekkenneyna okuva mu kunoonyereza kwa St. Louis kwe kwalaga nti nsanvu ku buli kikumi ku Bamesodisiti bafuuweeta sigala ate nkaaga mu munaana ku buli kikumi banya emyeze. Omumesodisiti! Ekintu ekitiisa kyali nti okwekkenneyna okwaweebwa ova okugeraageranya wakati w'abasajja n'abakazi; abakazi baali nsanvu, nsanvu n'ekintu ku buli kikumi okutuuka ku ataano ku buli kikumi bw'ogeraageranya ku basajja. Abakazi bangi bafuuweeta sigala n'okunywa omwenge okusinga basajja. Nsanvu ku buli kikumi, nsanvu n'ekintu ku buli kikumi, abakazi bangi okusinga ku basajja.

148 Kale kaakati, watya nga tukkirimde mu Njigiriza ya Baibuli ekwata ku kwambala empale ennyimpi n'okusala enviiri n'ebantu ng'ebryo, olaba okutya Katonda, abakazi abeeyita abatya Katonda era abatukuvu? Kkaadi z'obubaga na buli kintu, ab'olugambo, aboogera ennyo ebtalina makulu, abatasobola kufuga nnimi zaabwe. Ennimi zaabwe bo nga boogerayogera nga baalugambo nga bwe balutambuza wonna wonna. Kiri kitya eri abasajja? Kaadi z'obubaga, emizanno gya goofu, nga bagizannya eyo kumpi nga tebambadde, era nga bambadde ebigoye ebikadde ebikyafu, nga n'abakazi bali eyo batunula. Tkyewuunyisa!

Laba enteekateeka eyo enkyafu nga eteekeddwa ne ku mubuulizi oyo, Omubuulizi w'omu kkomera enkyo ya leero? Yee, ssebo. Ssikkiriza nti omusajja oyo omusango ogwo gumusinga. Kiki kye kyakola? oyo ow'oluganda... sisobola kulowooza ku... [omuntu ayogera nti, "Dan Gilbert." -Omuk.] Weewaawo. Dan Gilbert, mubuulizi wa mu kkomera. Omusajja oyo bwe yadduka munda n'atemula Dan, wano emyezi mitono egiyise, era kaakati nga mukyala we agenda kuzaala. Kubanga Dan ye yafa, tebasobola na kuteeka musaayi mu mwana nga bakozesa empiso kaakati. Omukazi agamba nti Dan yamukozesa, era oyo ye... "Oyo omwana wa Dan." Ekintu nge...Nze sikikkiriza ekkyo nga bwe sikirkiza namujjoona kubeera na byoya bya njiibwa. Nedda, ssebo. Nzirkiriza ng'obwo bulimba. Nzirkiriza nga Dan Gilbert yali musajja wa Katonda. Era kye nzirkiriza nti eyo nteekateeka ya Setaani.

149 Ng'ekintu ekkyo ku ssaala ezo ze bagezaako okuteekawo. Omumesodisiti oyo nnamukadde-bisopu Omumesodisiti yali mugezi ekimala okusobola okukitegeera ekkyo. Singa yali asobola, singa ekkyo ky'ayitamu, kyali kiruñjamiziddwa na kintu kirala. Ekkyo bwe kiri.

Kiringa ekizibu kino ekkyo obusosoze obuli mu mambuka, ekintu ky'ekimu. Nzirkiriza nti abantu

bateekeddwa kuba ba ddembe. Kye nzikiriza nti eggwanga lino liyimiriddewo ku Iwa ddembe. Mwami Kennedy simunenya olw'okusindika egghe emmanga eyo. Newankubadde siri "kayungirizi omupya" ate era siri wa kibiina kya Democrat ate era siri wa kibiina kya Republican. Nze ndi Mukristaayo. N'olwekyo ndi... wabula nange ssikkiririza mu ekyo. Sikkiriza nti abaddugavu balina okutunda obusika bwabwe olw'ebintu ng'ebyo. kyali-kyali kibiina kya Republican. Omusaayi gwa Abraham Lincoln gw'abawa eddembe kubanga yali musajja atya Katonda. Ndowooza nti Kibagwanira okulemera ku kibiina kyabwe bwe baba nga ddala bagenda kulonda.

Naye leka mbabuulireyo ekintu kimu, omulenzi oyo teyaliiyo emmanga eyo olw'ekyo, wabula amasomero gaabwe. Omulenzi oyo mutuuze. Mumerica. Lino ddembe lya bona. Langi y'omuntu teteekeddwa kuleetawo njawukana. Ffe fenna... "Katonda," yayogera "amawanga gonna gaava mu musaayi gumu ogw'omuntu omu." Ffenna tuli omu.

150 Wabula, omulenzi oyo, ye yali mujaasi. Yazirwanako. Yalwanirira ekyali ekituufu. Yalina eddembe okugenda ku ssomero. Ekyo bwe kiri. Ng'alina n'amasomero mangi ge yali asobola okugendamu.

Ekintu ekyo bwe kiri. Bw'ogenda emabega waakyo, olwa leero by'ebintu by'amadiini engulu eyo, ebikirunjamya ekyo. Lwaki? Bagezaako okukyusa obululu bw'abaddugavu obwo okubuggyia mu kibiina ky'aba Republican okuburra mu kibiina ky'aba Democrat, era nga bali mu kutunda busika bwabwe olw'ekyo. Ago ge mazima gennyini. Omwoyo Omutukuvu taliwo wano...

"Leka oyo alina amagezi," era "Leka oyo alina okumanya." Mazima ddala. Kiringa bw'olaba ekkanisa eno, omulembe guno ogwa kaakati, nga yeetunda. Temulaba kiki ekigenda okubeerawo?

Sifaayo obanga kino bakikwata ne ku lutambi. Kiokino wano kijja. Uh-huh. Weewaawo. Kiki ekibaddewo? Nnamukadde maama wange yateranga okugamba nti, "Setaani muwe ebiybe."

Waliwo omuntu omu eyakola ekyalimu amagezi, yali Castro emmanga eyo. Yee, ssebo. Yaserengeta emmanga eyo. N'abasitakange baalina omuggo na buli kintu kyonna...kiri ku kipimo kya zzaabu, nga bw'olaba United States. Yakola ki? Emigabo egoye gyonna yagigula. N'afuna ssente nga bwe kisoboka. Olwo n'akola ki ate? N'agingirira ensimbi, n'azikyusa. N'azizzaayo. Ekyo ky'ekintu kyokka lino eggwanga kye lisobola okukola.

151 Mwawuliriza *Life Line* amakya ga luli? Lwaki, mumanyi, nga kiringa okutunda emigabo ku zzaabu. Emigabo nga gyatwalibwa dda. Olwo kaakati gavumenti eno ssente esaasaanya zaaki? Ku ssente z'emisolo ze balina okukunjaanya emyaka ana okuva kati. Eggwanga liwedde. Eyo ye *Life Line* okuva mu Washington DC okwetooloola eggwanga. Emisolo gye basaasaanya, nga bagezaako okugula engwira. Bagezaako ku ziwaayo mu buli ngeri. mmwe temulaba? Mazima ddala ekyo bo-kye bagenda okukola. Mulaba? Kye ki? Kaakati, singa eggwanga lino lifirwa sente zaalyo zonna, ekintu kyokka kye lisobola okukola kufiirwa nsimbi zaalyo. Ekintu kyokka ekisobola okubeerawo kwe kwavuwala okwerangirira nga balunkupe.

Ekyo ky'ekintu ekirimu ensa oky'okukolebwa, kukyusa nsimbi. Wabula tebajja kukikola, wansi w'obuweereza bwa kaakati. Ekelezia Enkatolika y'erina zzaabu w'ensi yenna. Kye bajja okukola kwe kumutunda, eri "Abasajja bano abagagga," na buli kintu, "ab'ensi," nga Baibuli bw'egambye. Bagenda kukola ki nga tebannaba kufiirwa? Kampuni ya taaba eya Brown ne Williamson, ekitundu ekisingamu kya Bukatoliki mu buli ngeri. N'ebintu bino byonna, binaakola ki? Ekyo bajja kukikkiriza, era bajja kuggya ssente okuva e Ruumi olwo litundire ddala obusika bw'alyo. Ruumi y'aliwigira. Yee, ssebo. Ejja kuliwigira. Kaakati bagezaako okufuna enkola ezimala, nga bafuna ezimala okubeetooloola, nga bw'aleetamu akakiiko ke akafuzi. Mulabeeeyo kiki Mwami Kennedy ky'asaba.

152 Era bwe mwalaba kino, olunaku Iwa luli, okulonda tekukyetaagisa n'akamu. Okulonda kugasa ki? Bwe baakiteeka mu mawulire, ne bakikakasa mu lujjudde era ne bagaana okubaako kye bakikolako. Awo, bwe baakakasa ng'ebiyuma mu ggwanga lyonna biri bulindaala, nga balaga nti baalonda Mwami Kennedy n'akalulu k'obulimba. Baibuli tegamba nti alijjamu na bulimba? Mazima ddala enkola ey'obulimba. Kaakati, Sirwanyisa ba kibiina kya Democrat wadde aba Republican wabula ngezaako kubalaga ebituufu eby'amzima okuva mu Baibuli. Olwo okulonda kwa mugaso ki? Bamanyi ani agenda okuddako munda eyo.

153 Bameka ku mwe abajjukira olulaga Iwa telefayina olwaliwo wakati w'abakazi ababiri abaali bayimiridde? Omu n'agamba nti, "Nnjenda kulonda Mwami...." Oba omukazi Omupolotesitante n'agamba nti, "Nja kulonda Mwami Kennedy." Ne bagamba nti, "Lwaki?"

N'agamba nti, "Kubanga ndowooza musajja mugezi okusinga Mwami Nixon. Ajja kuba Pulezidenti mulungi."

Olwo omusajja n'agamba nti, "Omukazi ono Mukatoliki. 'Ogenda kulonda ani ggwe?'"

Omukazi n'agamba nti, "Ndi mukazi Mukatoliki, ate Omukatoliki we Ruumi era omuwulize w'Obukatoliki." N'ayogera nti, "Nnjenda kulonda Mwami Nixon."

Ne bamubuuza nti, "Lwaki?"

N'addamu nti, "Kubanga ndowooza Mwami Nixon agenda kuba Pulezidenti mulungi era ng'alina obumanyirivu ku bintu, amanyi nnyo enkola ya Nnaakalyako ani." Omukazi oyo yalimba.

154 Nnina O... kye bayita *Ebituufu ku Kukkiriza Kwaffe*, akamu ku butabo bw'Abakatoliki akasinga okutundibwa. Munda mu ko kagamba nti, "Bwe wabaawo Omukatoliki ng'akutte ttikiti okubbinkana n'Omupolotesitante; Omukatoliki bw'alonda Omupoloteistante, agobebwa okuva mu kukuŋaana kw'Ekelezia Enkatolika." Kituufu. "Era bwe wabaawo Abakatoliki babiri nga bona baagala offiisi y'emu, balondangako Omukatoliki oyo omuwulize ennyo eri "nnyaffe Ekelezia" ne babawa akalulu."

Olabo obulimba obwo, engeri gye bagezaako okukola? Nga bagaba ssente, okugula. Lwaki? Bagezaako okumenya ggwanga. Era bakikola n'okuggwaamu liweddemu. Era kye kiki? Liri ku kipimo kya zzaabu. Era Ekelezia Enkatolika, mu nkola yaayo ey'amadaala gaayo, y'erina zzaabu w'ensi. [ne wabaawo agamba nti, "Obuwumbi bwa ddoola kikumi mu nkaaga mu munaana."-Omuk.] Obuwumbi kikumi mu nkaaga mu munaana. Awo we muli.

155 Nga balikanyuze emabega ku kipimo kya zzaabu, era bantu mmwe mukuumi amaka gammwe na buli kintu, wabula Ekelezia Enkatolika ebalinako obwannannyini. Eggwanga lya Ekelezia enkatolika. Ekintu kyonna kiwambiddwa mu ngeri eyo okuyita mu nsimbi. Baibuli ekkyo tekyogerako? Ekyo ky'ekifaananyi Baibuli ky'etukubira.

Muganda wange kye ngezaako okugamba leero. Bajja kugamba nti, "Ekyo kijja kugifuula ekkanisa ennungi. Kigenda okugatta Obupolotesitante." Kirabika bulungi ku liiso ly'omubiri, wabula okumanya kw'ensi eno eri Mukama busirusiru.

"Era ne kisanyusa Katonda, okuyita mu busirusiru obw'okubuulira, okulokola abo abaabula," olw'Obuweereza obw'Obwakatonda bwe Yateekawo mu Kkanisa Ye okuzimba Ekkanisa ku bisaanyizo bino eby'Omwoyo so si ku kintu kyonna eky'ensi.

156 Peetero yagamba nti, "Kubanga mwawona okuzikirira okuli mu nsi olw'okwegomba ssente, n'ebiseera ebinene, awamu n'amasya, n'okulya, n'okunywa n'okwegomba kwe tulina. Ekyo mwakiwona. Era kaakati muzimbiddwa mu bulamu. Ekyo nkyogera eri Kkanisa," bwe yagamba. Awo we muli. Mwakisomye? Ne Mukifuna? Mwakiwulidde bwe twakisomye wano mu Peetero Eky'okubiri? Wuliriza ggwe ky'agamba wano, engeri gye kiwandiikidwaamu wano obulungi, n'engeri gyakirambikamu. Kirungi. Muwulirize nga bw'ayogera. Ekyo bwe kiri.

*Simooni Peetero, omuddu era Omutume wa Yesu Kristo, eri abo....abaafuna okukkiriza okw'omuwendo omungi nga ffe bwe twafuna mu butuukirivu bwa Katonda waffe era Omulokozi waffe Yesu Kristo:*

... n'emirembe byeyongerenga gye muli mu kutegeerera ddala Katonda ne Yesu Mukama waffe;

*Kubanga obuyinza bw'obwakatonda bwe bwatuwa byonna ...*

Ani agenda okusikira ensi n'ebintu byonna? [Omuntu omu agamba nti, "Abatukuvu."-Omuk.] Mazima ddala. "Ebikwata..." Weewaawo. Ekyo bwe kiri.

...eby'obulamu n'okutya Katonda olw'okutegeerera ddala oyo eyatuyita olw'ekitiibwa n'obulungi bwe ye;

*Ebyatuweesa ebisuubizibwa eby'omuwendo omungi ebinene ennyo; olw'ebyo mulyoke mugabanire wamu obuzaaliranwa bwa Katonda, bwe mwawona okuva mu kuzikirira (Wulira ekyo) okuli mu nsi olw'okwegomba.*

157 Okwegomba kwa ssente, okwegomba kw'ebintu ebinene, okwegomba kw'ettutumu, ebintu bino eri omukkiriza bifu. Ffe tetufaayo. Weema oba kasiisira, Iwaki nfaayo; okuba omulamu oba okufa, okukka oba okubbira? Kino ky'ekintu kye nnyumirwa, Obwakabaka bwa Katonda. Oba maka gange ngaddaabiriza, oba famire yange ngiwanirira, oba okuddaabiriza ekintu kyonna kye kiri, leka mbeere ne Kristo, essuubi lyaffe ery'ekitiibwa.

Ai Mukama nzimba mu kino. Leka Kristo abeere Omutwe gwange, ng'akolera mu nze. Ku musingi gwange, ng'okukkiriza kwange kuli mu Ye, leka amaanyi olw'obulungi, okumanya, okwefuga, okugumiikiriza, okutya Katonda n'okwagala kw'aboluganda, bikolere mu nze, Ai Mukama, eyo y'essaala yange. Sifaayo; oba mbeera omulamu oba nfa, okukka oba okubbira; ekibiina ky'eddiini, oba nga sirina kibiina kya ddiini; emikwano oba nga sirina mikwano. Leka ebyo bikolere mu nze, leka amaanyi ga Kristo, okumanya Kwe, bikulukute nga bifuluma mu nze, nange nsobole okubiyigiriza ebyo.

"Kubanga Katonda Atumye mu Kkanisa Ye, Abatume, bannabi, abasomesa, abasumba, n'ababuulizi ab'enjiri, bona nga baakutuukiriza n'okuleeta embala zonna moyo, olw'okutuukirira okwo okw'okujja

kw'Omwana wa Katonda."

158 Buli limu ku mayinja *gano*, by'ebizimbisibwa eby'eyo Emu. *Kino* kizimbisibwa kya *kino*. Buli kimu ku mbala zino, Ye Nnannyini Waazo, era ziyyika okuva mu Ye okukkirira ddala wansi mu byo. Amiina.

Essaawa ziri mukaaga. Byonna bigenda wa? Amiina. Mumwagala Ye? [Ekibiina kiddamu nti, "Amiina." - Omuk.] Ekyo mukikkiriza? ["Amiina."] Muwulirize katono.

Mwannyinaffe Kidd yagambye amakya ga leero nti, "ow'Oluganda Bill, simanyi oba nga ndiddamu okukulaba nate." Ekyo kaabuze kata kinzite. Mulaba? Alowooza nti akaddiwa, era kituufu. Nnasaba Katonda okumulekawo era n'ow'oluganda Kidd akaseera awera.

Leka mbeeko kye mbagamba, tetumanyi biseera ki bye tugenda okubeera awamu ne bannaffe. Simanyi bbanga ki lye njenda okubeera nammwe. Katonda Ayinza okumpita okuva mu nsi. Asobola okumpitira omulimu omulala. Asobola okukuyita awantu wonna. Tetumanyi. Wabula, leka-leka tunyweze. Kino tuleme okukiganya okumala gatuyitako kityo. Leka tukitwale.

Kiikyo awo mu Baibuli. Kiikino wano nga kikwasaganya buli kintu kyonna. Era singa mbadde n'obudde okukikola! Tosobola kukikolera mu lunaku lumu. Ekyo mukimanyi. Naye kisobola okusibira ekintu kyonna awamu!

Mutunule wano, bwe twamala okuyita mu bubaka obwo, mwalaba Omwoyo Omutukuvu kye yakola awo ku kisenge, si bwe kiri? Bameka abaali wano mu biro ebyo? [Ekibiina kiddamu nti, "Amiina." - Omuk.] Mulaba? Mazima ddala! Malayika wa Mukama Yajjira ddala wansi n'Akuba ekintu ky'ekimu.

159 Mulabe nga mazima. Tokiganya okukutolokako. Abaana mukinywerereko. Munywerere ku ekyo. Mujukire, zimba ku kukkiriza kwo, amaanyi olw'obulungi, okumanya, okugumiikiriza!

Kaakati wano, ndowooza nga nnabadde n'olupapula bwe mba nga si lusudde awantu awamu bwe nnabadde nga mbuulira. Luuluno wano ddala. Weebale ow'oluganda Weebale nnyo. Bwe muba mwagala okulutunulako, okulaba oba ng'onasangako ekintu ky'osobola oku... Oba oli awo nseneka nnungi okusinga eyo eri eyo, ng'osobola okukoppako ebimu ku bino. Nja kulutimba wano, era mazima osobola okulutunulako, n'okoppako.

160 Era njagala mu bitwale ate mu bisome era mubigeraageranye, olwo mukole kye bigamba. Temubiyiga buyizi kyokka, n'okubigeraageranyako, wabula mu bikole. Mu bwesimbu mu byetwalire. Temungamba nti, "Kale, nnanyumiddwa okubiwlira." Nange mwattu. Naye okubiwliriza, ate n'okubyaniriza kya njawulo. Olaba? Mulaba? Bya njawulo. Mukiraba?

Waliwo ebisaanyizo musanvu okukola ekigera kya Katonda. Waliwo Emirembe gy'Ekklesia Musanvu, Katonda mw'Ayisizza Ekklesia okugituusa ku kusaanira kuno. Era abadde n'ababaka musanvu okukikola. Waliwo musanvu, musanvu, musanvu. Mulaba? Ogwo mu-muwendo gwa Katonda ogw'okumaliriza. Ate ssatu muwendo gwa Katonda ogw'okutuukirira. Kale, waliwo ssatu ne musanvu ssatu. N'olwekyo mu kibalo, mu mwoyo, olw'Ekgambo, olw'obujulizi bw'Omwoyo Omutukuvu, byonna bimaliriza ekintu kyonna wamu.

161 Leka tukiyige. Leka tugatte ebintu bino ku kukkiriza kwaffe, olwo tusobole okujja mu kigera ekijjudde ekyo Kristo; nga tuyungiddwa awamu n'okwagala kw'obwa Katonda, okutya Katonda, okwewombeeka mu mitima gyaffe eri fekka na fekka, okussaamu ekitiibwa okw'ebuziba, okwagala kw'ab'oluganda ne bannyinaffe, omutali ngeri ya bubi yonna, awatali kintu kirala kyonna wabula okubeera obulamu obulongoofu mu Mwoyo Omutukuvu. Olaba? Mubeere wamu, beera Omukristaayo. Tambula n'okukkiriza. Leka amaanyi ga Katonda gakulukute okuyita mu ggwe; leka okumanya kwa Katonda, bwe kituuka ku kwawula ekikyamu n'ekituufu. Setaani bw'akuleetera ekintu kyonna ekitali mu Byawandiikibwa, kisegulire. Ekyo bwe kiri.

162 Nkubamu akafaananyi ng'abatume tebaakola nga ffe bwe tukola. Baagendanga wonna, oba oli awo abasajja ab'ebigambo ebitono, okutuusa bwe batuuka mu kituuti. Ne batuukamu awo ne bakola kye baali bateekeddwa okukola, era ne beetambulira. Yee, ssebo. Baalina obuyinza. Baalina amaanyi olw'obulungi. Tebaalina kukayana na bantu. Baali bamanyi wa we bayimiridde. Ekyo bwe kiri. Nga bamanyi gwe bakkiriza. Ne beekuuma nga batambulira mu Mwoyo. Nga bakola kyokka...

Nga bwe nnayogera ekiro kya luli. Okunyeenya omutwe omulundi gumu, ekyo Katonda kye yalina okukola, olwo nga tewali kigenda kubayimiriza. Tebaabuuzanga bibuuzo ng'ate bwe basoma, hum-haw n'okweraliikiriza nga bwe tukola leero, oba nti balina okukola *kino* oba *kiri*. Mu buli ngeri bo baagenda mu maaso ne bakikola. Katonda yanyeyanga omutwe Gwe omulundi gumu, ekyo kyalinga kimala bumazi ate mangu ddala. Lwaki? Baategeranga batya nti okunyeenya omutwe okwo kwava wa Katonda? Baalinanga embala zino zonna wano, ebisaanyizo bino byonna. Nga okunyeenya omutwe kwa Katonda okwasooka nga kugeraageranya na buli kimu ku *kino* era awamu n'Ekgambo Kye. Baakimanya nga kyali Kigambo kya Katonda, era bo ne beetambulira. Tebaalina kirina kuberaliikiriza kirala. Katonda bwe yayogeranga, nga bo

bagenda.

163 Twogera...Katonda ayogera gye tuli, ne tulyoka tugamba nti, "Kale, tujja kutandika buto. Tujja kulaba oba nga tunaasobola okubeera obulamu buno." Kye mulina okusooka okumanya, waliwo omuntu akunyiiza. Kale, mazima ddala oyo Setaani.

Muteekeddwa okuba nga mumulabye bw'abadd agezaako okunziyiza enky ya leero okujja mu lukunjanaa luno. Naawe oteekwa okukifunako olumu. Oh, okusaasirwa! Nteekeddwa okulwana buli mulundi lwe nnangirira olukunjanaa. Era bwe mba nga nnaasabira omulwadde, era nga waliwo afa ate nga tannalokoka, wajja kubeerawo amasimu amakumi ng'asatu mu ddakiika kkumi, bwe baba nga basobola okugawkata, okunziyiza ku kyo. Oh, ow'oluganda Branham, oteekwa okukola *kino*." Wabula nga waliwo emmeeme eri mu lusuubo. Mazima ddala. Weewaawo.

164 Ekiro kya luli, bampita mu kifo ekimu. Omuvubuka omulenzi, ne njogera naye emmanga eno mu kye muyita ssemaduuka emyaka mitono egiyise. Yafuuka mutamiivu ddala. Omulenzi nnali mumanyi, nga mulenzi mulungi, wabula yali mwonoonyi. Olwo nno maama we n'akuba essimu. Ndowooza yakubira Doc emirundi egiwera. Nze... nnakuba, ne bakubira Billy, ne- n'ekyasembayo ne nfuna obubaka. Bwe Nnafuna obubaka, mu bwesimbu, sibangako na kulwanyisibwa mu bulamu bwange, ng'okutuuka ku mulenzi oyo.

Era bwe nnatuukayo eyo, Ssempala nga takyasobola na kuntegeera. Yali awo ng'agalamidde, takyategeera, ng'ali awo bw'atyo. Nga kitaawe agezaako okumukubirira nga bw'agamba nti, "Mukwano," Era omusajja ali mu ataano, emyaka ng'ataano mu gumu egypt'obukulu. Ng'agamba nti, "Mukwano," *kino*, "era ng'akyagalamidde." Ng'agezaako okusituka. Emikono gye gyonna nga gizimbye okufuuka eminene. Omulenzi yalina Kkookolo okutuusa nga yenna yali Kkookolo alabikira wabweru ku bitundu by'omubiri. Ebitundu bye byonna egypt'omubiri nga birina Kkookolo. Nga n'omusaayi gwe gwonna na buli kimu Kkookolo. Yali awo bambi ng'agezaako okuyimuka wansi, naye nga byonna nga buteerere.

165 Bwe nnamukwata ku mukono, ne njogera nti, "Woodrow, Woodrow, ye nze ow'Oluganda Branham."

Kitaawe n'agamba nti, "Tomumanyi ono? Ye w'Oluganda Bill. Woodrow, ono waluganda Bill."

Ko ye nti "Uh. Huh. Uh-uh-uh." *Bw'atyo*.

Kitaawe n'atunula n'agamba nti, "Billy okeereyemu kko okujja."

Ne mmugamba nti, "Si kikeerezi. Ye ali wano." Mbadde n'okulwanyisibwa.

Ate abalenzi bali abalala, abalenzi abeeyongerako, aboonoonyi, baali bayimiridde awo, abamu ku b'ekika Kye. Ne njamba nti, "Balenzi mulaba, mweteketeke, kubanga mujja kutuuka ku *kino*. Muteekwa okujja wano butereevo. Mukiraba? Oba oli awo si na Kkookolo ono. Musobola okujja n'ekintu ekirala, ebweru eyo ku luguudo olunene, nga muvaamu omusaayi kumpi okufa, oba ekintu ekirala kyonna. Muteekeddwa okukituukako." Ne twogera nabo.

Nnali nnindirira okulaba Omwoyo ky'anjambo okukola. Nga nninda. Ekisooka kye mulina okumanya, nnawulira okunyeenya okwo okutono nti "Muteekoko emikono gyo."

Ne ntambulamu okwetooloola awo nga bwe njamba nti, "Mwenna mukoteke emitwe gyammwe." Bonna ne bakoteka emitwe gyabwe, abalenzi nga babiri oba basatu abaali munda awo.

Ne mmuteekako emikono gyange. Ne njogera nti, "Mukama Katonda, leka omulenzi ono, abe n'okutegeera ekyo ky'agenda okukola, nga tannaba kusisinkana kintu *kino*. Afa. Setaani ono amusibye, era agenda. Era ng'atamidde okufa, era wuuno wano mu mbeera eno. Nsaba omusaasire." Era bwe nnamusabira, amakya agaddako yali atuula, ng'asobola n'okwogera ne kitaawe.

166 Busty Rogers, oyo... Ne bampita emmanga eno ku ddwaliro, ebbanga ssi ddene eriyise. Bwe nnali eyo olunaku olwo, bwe nnali nga mmaze okubuulira emmanga eyo ku Milltown eyo George Carter omuto gye yawonyezebwa. Mwenna mukijjukira. Era eyo ow'Oluganda Smith, Omubuulizi w'Abamesodisiti bwe yagamba nti, "Oba nga waliwo omuntu yenna eyabatizibwa mu Linnya lya Mukama Yesu fuluma weema yange," bw'atyo. Engulu eyo nga ku *Totten Ford* bwe yalina olukunjanaa engulu eyo. Era oh, ng'ansalira omusango ku buli kimu ky'oyinza okulwoozaako. Sirina kye nnayogera yadde; nnenjenda mu maaso. Nnalina omulimu. Mukama n'Andaga okwolesebwa. Waaliwo awo omwana gw'endiga, nga gukwatiddwa awantu awamu mu lukoola. Mukijjukira okwolesebwa mwenna. Nteebereza bwe kiri. Mukijjukira? [Ekibiina kiddamu nti, "Amiina." -Omuk.]

167 Mazima ddala. Ekyo bwe kiri. Olwo nga nzikirira mu ddungu okugunoonya.

Ne njenda ku *Totten Ford*. Ow'oluganda Wright oyo amanyi. Twagendayo nga tetumanyi na kya kukola. Nnagula akabokisi ka ssabuuni akatono, aka ssente kkumi. Nnali njenda kufuluma wabweru eyo, nnyimirire era mbuulire ku madaala. Yagamba nti yali agenda ku ntikko y'olusozi okukolayo obusuubuzi. Nnagenda naye. Waaliyo ekkanisa ennene ey'Ababaputisiti, nga nkalu eri awo temuli bantu. Mukama

n'anjamba nti "Yimirira awo."

Ne njogera nti, "Ndeka wano ow'Oluganda Wright." Ne nnyimirira. Ye n'ayambuka engulu n'amala n'akomawo.

Nnagendawo, ne ssisobola kuggulawo luggi. Ne njogera nti, "Mukama, kino bw'oba ng'okirimu, ng'Oyagala nnyingire mu kkanisa, nzigulirawo oluggi." Ne ntuula awo nga bwe ndowooza.

Nnawulira nga waliwo ajja; n'ayambuka era n'anjamba nti, "Oli otya? Nja kukubuulira," n'agamba nti, "oyagala kuyingira mu kkanisa?"

Ne njamba nti, "Yee, ssebo."

N'anziramu nti, "Nnina ekisumuluzo wano."

Ne ntandika olukunjaana. Wiiki eyasooka, kumpi tewali n'omu, ekiro ekyasooka, ekibiina kye nnalina, ow'Oluganda Wright ne famire ye. Omnyi ekintu ekisooka, ku nkomerero ya wiiki nga ne mu luggya tebagyamu. Era endiga yali tennajja. Ow'oluganda Hall yalokokera mu biseera ebyo, nga ye musumba w'awo kaakati, bona abo. Ssaasobola kuzuula wa endiga eno we yali. Nga wayise akaseera katono, wabweru w'ekkanisa ya church of Christ, wansi w'olusozi, omuwala oyo ow'emyaka omwenda n'emyezi omunaana nga tatambulanga, ng'agalamidde awo. Yali awo. Mwenna olugero mulumanyi.

168 Yee, ssebo. Mu ttuntu eryo, Busty Rogers, eyazirwanako omunene ddala yali ayimiridde awo...ne nfuluma ebweru. Ekibiina ky'Ow'oluganda Smith nga bayimiridde awo okunekerera, okunjerega, olw'okubatiza mu Linnya lya Yesu. Nnatambula mu bitaba by'omwala gwa Totten Ford, awo we baali... [Ebbanga ejgereere ku lutambi. -Omuk.] ... waggulu w'omwala omutono era nga guwaala nnyo nga bwe gwayinza. Abadiikoni abawerako ne bafuluma nange.

Ne njamba nti, "Nnyimiridde wano ettuntu lya leero nga nkikiridde Ekyawandiikibwa kya Katonda Ekitukuvu." Ne njogera nti, "Bwe nsoma mu Baibuli wano Peetero w'agamba nti, 'Mwenenye, buli muntu mu mmwe mubatizibwe okuyingira mu Linnya lya Yesu okuggyibwako ebibi byammwe.'" Nnakyuka, Ekitabo ne nkikwasa omu ku badiikoni.

Nnafuluma awo, era ne njamba nti, "Buli yenna ayagala, eyeenena ebibi bye aje." Ne nnyingira amazzi. Ne njogera nti, "Kirabika nga ba Malayika bayimiridde buli wantu, nga balaba."

169 Oh, abange! Mu kiseera ekyo nnabatiza babiri oba basatu, mu kibiina kye kyonna, abakazi nga bambadde obuteeteeyi bwabwe obulungi, okubuteeka mu mazzi ago, nga baleekaanira waggulu. Ekibiina kino kyonna ne nkibatiza mu Linnya lya Yesu Kristo. Mukimanyi. Nnafuna ekifaananyi kyakyo. Kyali awo.

Kyali kiki? Kugatta ku maanyi go. Mulaba? Mubireke bulesi awo. Katonda amanyi engeri y'okukikolamu. Katonda amanyi engeri y'okuleetamu ebintu bino okutuukirira. Mubaleke boogera bye baagala okwogera. Tebikola njawulo yonna. Ggwe weyongereyo.

Busty Rogers ayimiridde awo, bwe yalaba ekyo, yagamba nti, "Awo nkikkiriza n'omutima gwange gwonna." Era bw'atyo n'ajja mu mazzi, n'engoye ze ennungi ze yali ayambadde, era n'abatizibwa mu Linnya lya Yesu Kristo.

170 Emysaka ng'esatu oba ena egiyise, bampita emmanga eno mu ddwaaliro mu New Albany. Yali awo, nga Kkookolo amutta, nga yenna amulidde. Ng'abasawo bamuwadde okutuuka enkyo okusigala ng'akyali mulamu. Ne bagamba aka kati kati." Ne bagamba nti, "Jangu mangu."

Ne nzikirirayo mu kisenge, nnatuukayo, ne nnyimirira awo okusaba. N'agamba nti, "Billy, waliwo musoke eyeetooloodde akasonda aka waggulu.

Ne nkyuka okulaba. Ne njogera nti, "Busty, eyo Ndagaano. Togenda kufa. Endagaano ey'Omusaayi ekulokola."

Ne mmuteekako emikono gyange nga bwe njogera nti, "Mukama Katonda, nga Kwolesebwa okwo okuli waggulu eyo okulaga nti Ggwe oli wano. Endagaano Yo eri bw'eti nti, "Olw'emiggo Gye, twawonyezebwa." Ne mmuteekako emikono, era awo wennyini n'aba bulungi. Ne bamusiibula okudda eka.

171 Nga wayise emysaka ena oba etaano, ng'emyaka etaano, nga nvuba eno n'eri ku mugga na buli kintu, nga njenda mu maaso. Awo mu kimiro ekikkirira mu lubuto, Kkookolo we yali yalya, yali Yateekawo n'ekikukufa ekinene. Abasawo, abazirwanako b'eddwaliro eryo, baamugamba mbu baalina obujjanjabi obwali busobola okukigaziya, okusobozesa emmere esingako okuyitawo. Yali afunye ekiseera okufuna emmere ennyingiko. Naye ng'alina kulya mpola nnyo. Okutuusa Iw'erina okuggwaawo. Ssaamanya nga yaliyo eyo.

Kale bwe baamulongoosa, beesanga nga yeesika, n'okusannyalala. Ng'oludda Iwonna lusannyaladde luti okukka wansi. Ng'ekintu kyokka ky'asobola okukola kwe kukaabamu. N'afuna ekkalaamu, bw'atyo

n'agenda "uh, uh, uh." Era n'agezaako okuwandiika, ng'akankana *bw'atyo* n'omukono gwe omulungi. Oludda Iwe olwa kkono, nga lwonna lusannyaladde okutuuka wansi. N'awandiika, omukono gwe: "Yesu Mukama alokola, 1900 n'ekintu." Nga tebasobola kukitegeera.

Bwe kityo kaakati, mukyala we bwe yagamba nti, "Ow'oluganda Branham, simanyi ky'ategeeza mu ekyo."

Ne njogera nti, "Muky. Rogers, ky'ategeeza kiri nti baali 1900 n'omusobyo, Iwe yalokolebwa n'abatizibwa mu Linnya lya Yesu emmanga eyo. Ekyo y'empeera ye kaakati. Tatidde kufa."

Ne njamba nti, "Mukama Katonda, taliza obulamu bwe. Nkisaba mu Linnya lya Yesu nti Ogenda kutiliza obulamu bwe." Ne mmuteekako emikono. Okusannyalala ne kumuvaako. Okwesikasika ne kulekera awo. N'asituka mu buliri. Ne kaakati mulamu, ng'awa obujulizi.

172 Yongera ku kukkiriza kwo amaanyi olw'obulungi; ku maanyi olw'obulungi yongerako okumanya; ku kumanya kwo okwefuga; ku kwefuga kwo, okugumiikiriza; ku kugumiikiriza kwo, okutya Katonda; ku kutya Katonda kwo, okwagala kw'ab'oluganda; ku kwagala kw'aboluganda kwo, Omwoyo Omutukuvu, ne Kristo Ajja kujja. Kubanga wansi We... Omwoyo Omutukuvu ye Mwoyo wa Yesu Kristo mu Kkanisa, okulabisa embala ezo. Oh, abange! Kiikino wano, eddakiika kkumi na ttaano eziyise ku mukaaga.

Mmwagala...Mmwagala Ye

Kubanga Yasooka okwagala nze,

Emmanga ddala *wano* nga tannabeera kintu kyonna.

Era n'a... (Yakola ki? ...obulokozi bwange

Ku muti e Kalivaaliyo

Ndi ntua *kino*? Kubanga yasooka okunjagala.

Mmwagala Ye, mmwagala Ye

Kubanga yasooka okunjagala... (Awo we wali ensonga)

N'angulira obulokozi

Ku muti e Kalivaaliyo.

173 Enky ya leero nneeyama, gy'Ali, n'omutima gwange gwonna, nti olw'ekisa Kye n'obuyambi Bwe, nga nsaba nti nnaamunoonyanga buli lunaku nga ssiyosa, okutuusa Iwe nnaawulira buli kimu ku byetaago bino nga bikulukutira mu kigera kyange kino ekikadde, okutuusa nga nfuse okulabisibwa kwa Kristo omulamu. Kubanga, yafuuka ekibi nga nze, nsbole okufuuka...okujja kw'obutuukirivu bwa Katonda, mbeere nga Ye. "Yatwala ekifo kyange; Mukama, nange leka ntwale ekikye Ye kaakati." Kubanga, ekyo ky'ekigendererwa kye Yafiiririra. Bameka abagenda okwewayama ekintu ky'ekimu, olw'ekisa kya Katonda? [Ekibiina kiddamu nti, "Amiina."-Omuk.] ng'emitwe gyaffe tugikoteseeko kaakati, n'emikono gyaffe nga tugiwanise mu bbanga. "Nze..."

Nkyeyama Mukama, ekkanisa eno ekyeyama, "Ekigera kya Yesu Kristo ekijjuvu!"

Kubanga Yasooka okunjagala

N'angulira obulokozi

Ku muti e Kalivaaliyo.



[www.messagehub.info](http://www.messagehub.info)

Byabuulirwa  
William Marrion Branham  
"...mu nnaku z'eddoboozi..." Kub. 10:7